

Inatsisissamut siunnersuummut oqaaseqaatit

Oqaaseqaatit nalinginnaasut

1. Aallaqqaasiut

Tunuliaqutaa

Naalakkersuisut nalunaarasuartaateqarnermi attaveqatigiinnermi Kalaallit Nunaanni ineriartorneq pillugu takorluugaat tassaavoq innuttaasut, suliffeqarfiit pisortallu allaffeqarfiini qaqugukkulluunniit piffissamut naleqquttunik, pitsaasunik akikitsunillu elektroniskiusumik attaveqaateqarnissaannik qulakkeerneqarfiginissaat. Nalunaarasuartaatitigut attaveqatigiinnerup nuna tamakkerlugu atalersissavaa, tamatumalu peqatigisaanik namminersorlutik inuussutissarsiutinik ingerlataqartut, pisortat innuttaasullu ataasiakkaat ineriartortitsinissamik kissaateqarnerannut tapersiissalluni.

Nalunaarasuartaateqarnermi sullissinerit pitsaasut ineriartortinneqarneranni attanneqarnerannilu nunap isorartunerujussuani ungasissutsit, kalaallit inuussutissarsiutaannik piorsarsimassusaannillu ineriartortitsineq siuarsassavaat kiisalu oqaatsit allattariaatsillu ataatsimoorussat attannissaannut ikorfartueqataassallutik. Pissutsit Kalaallit Nunaannik ataqatigiissitsinissamut iluaqutaasinnaasut.

Nalunaarasuartaateqarnermut inatsisissatut siunnersuut manna oqartussaasut politikkikkut piareersaasartut aammalu oqartussaasut nakkutilliisuusut avissaartinneqarnissaannik kissaateqartoqarneratigut pilersinneqarpoq. Nalunaarasuartaatitigut attaveqatigiinneq sullissinerillu pillugit Inatsisartut inatsisaanni atuuttumi niuerfinnut maleruagassiuussisarnerup unammilleqatigiinnermut inatsimmut nuunneqarneratigut tamanna pissaaq.

Nalunaarasuartaateqarnermi peqqussut 2006-imi akuerineqarmalli teknologiikkut politikkikkullu ineriartortoqarsimavoq, inatsisip nutarneqarnissaanik pisariaqartitsilernermik kinguneqartumik.

Naalakkersuisut isumaat malillugu nalunaarasuartaateqarnermi attaveqaatit kisermaassiviussapput, nalunaarasuartaateqarnermullu inatsimmi tunngavigisaq tamanna allanngortinneqanngilaq. Taamaattumik nalunaarasuartaateqarnermut inatsimmi killiliussat UPA16/imm. 119-imi politikkikkut kissaatit naapertorlugit ersarissarneqarput.

Nalunaarasuartaateqarnerup ineriartornera

Kalaallit Nunaanni nalunaarasuartaatitigut attaveqatigiittarnernut piumasaaqatini immikkut ittuni pingaartumik illoqarfiit nunaqarfiillu akornanni radiukkut uiguleriaartumik attaveqaatit, immakkut

kabeli qaammataasarlu aqcutigalugit isorartuukkut attaveqaqatigiittarnermut atatillugu aningaasartuutit qaffasissut piginnaanerillu killeqangaatsiartut pineqarnerupput. Kisiannili teknologiip ineriartornerata pissutsinik taakkuninnga allannortitsisarnerata ingerlaannartussaanaera naatsorsuutigineqassaaq. Immikkut naatsorsuutigineqassaaq nassitsisinnaanerup annertusiartornerani aningaasartuutitigut tunngaviusut appariartornerisa ingerlaannarnissaa. Tassalu nalunaarasuartaatitigut attaveqaqatigiinnermi nassitsisarnerit annertusiartortumik inuiaqatigiinni kalaallini ataqatigiinnermut iluaqutaasinnaassapput, aammalu nalunaarasuartaatitigut attaveqaqatigiinnermut politikki Kalaallit Nunaanni nalunaarasuartaatitigut attaveqaqatigiinnermik atuineq siuarsarniarlugu aqqissuunneqarsinnaassalluni.

Tamatumunnga peqatigitillugu aammattaaq Kalaallit Nunaanni ineriartortitsisoqarpoq, sullissinerillu attaveqaqatigiinnermi teknologii ataasiinnaq atorlugu ingerlanneqartut suli amerliartorput, taannaavorlu internettikkut atorneqartoq, aammalu IP-mik (Internet Protokol) taagorneqartoq. Taamatut ineriartortoqarneranik assersuutigineqarsinnaasut tassaasinnaapput internettikkut oqaluussisarnermik teknologiip atugaaleraluttuinnarnera (assersuutigalugu Skype, Facetime aamma isiginnaarutikkut ataatsimiinnermi atortut), TV-mik isiginnaarneq aamma tv-kkut isiginnaagassiat internettikkut isiginnaarneqarnissaannut suliarineqarsimasut. Taamaattumik ilaatigut teknologii ataasiinnarmi ataatsikkoortitsinermik taagorneqartoq, ilaatigullu niuernikkut pissutsinut tunngaviusunik allannguutissat siunnerfigalugit sulisoqarpoq, sullissinerit taakku terminalinut atortut naleqquttut atorlugit aammalu internettikkut attaveqaatit naammaginatunik piginnaaneqarnerat apeqqutaalluni internettikkut attavilerneqarsinnaalermata. Taamatut ineriartornerup nalunaarasuartaateqarnermi niuernikkut pissutsinik Kalaallit Nunaanni tunngaviusunik allannortoqarneranik nassataqarpoq.

Maannamut akinut politikki atorneqarsimasoq, tassalu internettikkut attaveqarnermi atuinerup annertussusaa malillugu akiligassanik naatsorsueriaaseq, atueriaatsimik nassitsinermi pisinnaasanik akisuunik isumalluutinillu killeqartunik, tamatumalu peqatigisaanik Kalaallit Nunaanni internettimut teknologiip siunertanut nutaanut atorneqarfiani ineriartortitsinerup ingerlaneramik ajornakusoortitsisumik tunngaveqartumik aallaaveqarpoq. Oqaatigineqareersutut nassitsinermi pisinnaasat annertusiartornerini aningaasartuutitut killigititaasut appariartornerat aammattaaq Kalaallit Nunaannut atuuppoq, taamaattumillu nalunaarasuartaateqarnermi politikki siumut isigiffiusumi siunissami ilusiliussassatut aallaavigineqartoq tassaasariaqarpoq nassitsinermi pisinnaasat, aammattaaq aningaasaqarneq eqqarsaatigalugu, isumalluutitut annikitsuunningsut. Teknologikkut ineriartornerup niuffaffimmilu unammilleqatigiinnerup aallarnisartup ilaatigut nassataraa 2013-imiilli internettikkut "flatrate" pisartagarineqalersinnaammat 2016-imiillu aamma illoqarfiit ilaanni oqarasuaatikkut angallattakatigut pisartagarineqalersinnaalluni. Flatrate tassaavoq atukkat apeqqutaatinnagit aki atuisumit akilerneqartartoq. Isorliunerusut eqqarsaatigalugit siunissaq ungasinnerusooq isigalugu pisariaqarpoq attaveqaatinik aningaasaliinissaq kiisalu immakkut kabelimik annerusumik atuineq aningaasarsiornermik tunngaveqanngitsoq.

Taamaaliornikkut atuisut annerusumik atuinerulissapput assersuutigalugu TV-kkut isiginnaarnek eqqarsaatigalugu.

2006-imi nalunaarasuartaateqarnermi peqqussutikkut ammanerujartortitsinissaq ammaanekarpoq. Naalackersuisut siunissamut qanittumut iliussissatut siullertut anguniagaraat internettikkut kiffartuussinernik tuniniagaqarnissamut sullissinerit ammanerulersinniarnissaat. Taamaalilluni ikkuffeqanngitsutigut internettimut atassuteqarnermik kiffartuussineq 2009-mi taamaalilluni ammanerulersinnekarpoq. Taamanikkut Naalackersuisut tamatumunnga aalajangiisuupput. Ammanerulersitsinerup nassataraa neqerooruteqartut nutaat illoqarfinni ikkuffeqanngitsumik attaveqarnek pilersissinnaammassuk taamalu nalunaarasuarnermi pisisartut ikkuffeqanngitsumik internettimut isersinnaanerit neqeroorutigalugu.

Kiffartuussinikkut ammanerulersitsineq kingulleq 2013/14-imi akuersissuteqarnikkut pivoq. 2015-imi TELE-POST neqerooruteqartartunut amerlasuukkaartunik atuinissamut datanillu kiffartuussisartunut tuniniaasarlerpoq, taamaalilluni sullississut allat attavitsik TELE-POST-ip kabeli (iserfissaq aalajangersimasoq) aqqutigalugu nalunaarasuartaatikkut attavii atorlugit internettimik atuinissamut neqeroorsinnaanissaat siunertaralugu.

Naalackersuisut 2008-imi Nalunaarasuartaateqarnermi Aqutsisunik pilersitsipput, unammilleqatigiinnermik siarsaasussanik aamma akuersissutinik pigisaqartunik nakkutilliineq. Nalunaarasuartaateqarnermi Aqutsisut Naalackersuisunut attuumassuteqanngillat, tassani peqqutaavoq qularnaarniarneqarmat politikkikkut aalajangiisartut aamma allaffissornikkut ingerlatsisut inatsisinik pilersitsiviusut maleruagassaliortullu immikkoortinneqarnissaat. Taamatuttaaq qularnaarnekarpoq oqartussat nalunaarasuarnermi suliffeqarfimmik piginnittuullutik ingerlatsisut oqartussallu nalunaarasuartaateqarnermi inatsisiliortut immikkoortinneqarnerat. Ajornartorsiut taanna aamma nunani allani nalunaarasuartaateqarnermut susassaqarfinni ilisimaneqarpoq.

Naalackersuisut suli eqqummaariffigaat nalunaarasuartaateqarnerup pitsaasumik inatsisiliuunnissaa, taamaattumillu Nalunaarasuartaateqarnermi Aqutsisut ineriartortinneqarnissaat patajaallisarneqarnissaallu anguniarlugu. Ullumikkut Nalunaarasuartaateqarnermut Aqutsisut/Radioqarnermi Ingerlatsisut, danskit Nukissiuuteqarnermut Aqutsisoqarfiata ataani inissimasut ullumikkut qanimut suleqatigereerpaat. Suleqatigiinneq taanna patajaallisarneqassaaq, tassani inatsisiliornermi maleruagassaliornermilu misilittakkat ilinniarfigiumallugit aamma siumut ingerlariaqqinnissaq nalunaarasuartaateqarnermilu sulinermi tunngavissat eqqortut ineriartortinnissaat qularnaarumallugit.

2016-imi Inatsisartut upernaakkut ataatsimiinnerminni (imm. 119) aalajangerput ,oqarasuaatitigut mobiltelefonikkullu nalunaarasuartaammik sullissinernut neqerooruteqartitsisartunut

ammanerulersitsiniarneq aallartinneqassanngitsoq, kiisalu Naalackersuisut siunnersuusiussasut nalunaarasuartaateqarnermut peqqussummut tunngasumik taamaaliornikkut oqarasuaatinut mobiltelefoninullu nalunaarasuartaatinik sullissinermi pilersuineq akuersissuteqartumit ataatsimit pilersuisoqassasoq. Tassunga tunngavilersuutitut saqqummiunneqartoq tassaavoq "TELE-POST nalunaarasuartaateqarnermi oqarasuaatinut mobiltelefonernermilu sullissinerni "pissusissamisoortut" kismaassilluni inissisimasutut nalilerneqartoq". Taamaalilluni akuersissummik pigisaqartup oqarasuaatinut mobiltelefonernermilu sullissinerni kismaassusuussasoq Inatsisartut kissaatigaat. Kiisalu ammanerulersitsinerup annertuseqqinneqarnissaa periarfissaqanngilaq, TELE-POST kiffartuussinernut taakkununga niuerfimmi kisiartaalluni tuniniaasuummat.

Naalackersuisut isumaqarluinnarput nalunaarasuartaateqarneq ataatsimoortillugu isiginiarneqassasoq. Naalackersuisut taamaalillutik oqarasuaatinut mobiltelefonernermilu sullissinerni ammanerulersitsinissamik siunertaqanngillat. Naalackersuisut paasinninnerat tassaavoq nalunaarasuartaateqarnermi aqqissuussineq kismaassinertut ingerlanneqassasoq, nalunaarasuartaateqarnermilu inatsimmi uani tamanna allanngortinniarneqanngilaq. Nalunaarasuartaateqarneq pillugu inatsimmi killilersuutit taakku taamaamat ersarissarneqarput politikikkut kissaatit naapertorlugit tak. UPA16/imm.119. Tassunga malittarisassat kingornatigut atuutsinneqalersinnaapput nalunaarusiornikkut.

2. Siunnersuutip pingaarnersai

Nalunaarasuartaateqarnermi peqqussutip nutarternera

Allannguut siulleq tassaavoq inatsimmi taaguutit atorneqartut ataatsimut isigalugu allanngortinneqarnerat. Nalunaarasuartaateqarnermi peqqussummi massakut atuuttumi taaguutininik atuineq Namminersorlutik Oqartussat 2009-mi atuutileranniit nutaanngilisimavoq.

Allannguutit aappaat tassaavoq aalajangersakkat 3 atorunnaarsinneqarnerat. Tamanna inatsisit allanngornerannik tunngaveqarpoq, ilaatigut Atuisartoqarnermut aamma Unammilleqatigiinnermut inatsisit, inatsisissatut siunnersuutip matuma naleqqussagaaffigisaata allanngornerinik. Susasaqarfiit marluk Nalunaarasuartaateqarnermi Aqutsisunit Unammilleqatigiinnermi Aqutsisunut nuunneqarput tassaallutik ataatsimut ingerlaarnermut suliassat aamma akuersissummik tigumiaqartup naatsorsuutininik ingerlatsineranut nakkutilliinnermut tunngasut. Nalunaarasuartaateqarnerup iluani maalaaruteqarnernik sullissineq Atuisartunut maalaaruteqarnermi aalajangiisartunut Atuisumut sularisassanngorlugit nuunneqarput.

Kiisalu Nalunaarasuartaateqarnermut Aqutsisoqarfik aamma Radioqarnermik Ingerlatsisut Atuisartoqarnermut Unammilleqatigiinnermullu Aqutsisoqarfimmit nuunneqassapput namminerisaminnillu pisortaqaalissallutik. Tamatumani anguniarneqarpoq politikikkut

ingerlatsinerup sulianillu ingerlatsinerup avissaartinneqarnissaat inatsisit atuuffiisa ataasiakkaat Nalunaarasuartaateqarneq pillugu peqqussumminngaanniit Unammilleqatigiinneq pillugu inatsimmut nuunneqarnerat malillugu.

Ilutigalugulu Nalunaarasuartaateqarnermi Maalaaruteqartarfiup, Nalunaarasuartaateqarnermi Aqutsisut aalajangigaannik maalaaruteqaatinik suliarinnittartup Naalakkersuisoqarfimmit attavianit Kommunit, Nunaqarfinnut, Isorliunerusunut, Attaveqatigiinnermut Ineqarnermullu Naalakkersuisumit Naalakkersuisoqarfimmut allamut Inuussutissarsiornermut, Suliffeqarnermut, Niuernermut, Nukissiuuteqarnermut Naalakkersuisumut nuunneqarpoq, taannalu taamaalilluni suliaannik toqqaanissanik, soraarsitsinissanik suliaannalu aalajangersornerinik imalinnik tigussilluni. Nalunaarasuartaateqarnermi Maalaaruteqartarfiup allaffissornikkut sullinneqarnera Atuisartoqarnermut Unammilleqatigiinnermullu Aqutsisoqarfimmut inissinneqarpoq.

Allannguutit pingajuanni inatsisissatut siunnersuummi pigaarnertut aalajangersakkat ataasiakkaat ilanngunneqarlutillu atorunnaarsinneqarput. Tassani pineqarput:

- § 2, imm. 3-mut radiokkut TV-kkullu aallakaatitassanik siaruarterinermi immikkut ittumik akuersissuteqartoqarsinnaanera ilanngunneqarpoq.
- § 5, imm. 1-imut (akuersissummut tunngasumi) “qaammataasat ilanngullugit” ilanngunneqarpoq.
- § 10, imm. 2-mi, oqaaseqatigiinni 8-mi aamma 9-mi ”Naalakkersuisut suleqatigalugit” ilanngunneqarpoq.
- § 13, imm. 1 (Nalunaarasuartaateqarnermit Aqutsisoqarfiup nipangiussisussaataitanera) aaqqinneqarpoq.
- § 19, imm. 7 nalunaarasuartaateqarnermi peqqussummiittoq (Nalunaarasuartaateqarnermi Maalaaruteqartarfiup ukiumoortumik nalunaarusiortarnermut tunngasoq) atorunnaarsinneqarpoq.
- § 21, imm. 1 (Nalunaarasuartaateqarnermi Maalaaruteqartarfiup nipangiussisussaataitanera) aaqqinneqarpoq.
- § 31, imm. 2 (piginnittunut neqerooruteqartunullu nipangiussisussaataitaner) aaqqinneqarpoq.
- § 32, (inuit pillugit paasissutissat suliarineqartarnerat pillugu) Oqarasuaatit normui isertortut politiinut eqqartuussivinnullu ingerlateqqinneqartarnerat pillugu inatsisissatut siunnersuummut ilanngunneqarput.
- § 34, (pineqaatissiisarnermut aalajangersakkat pillugit): paragrafit marluk kattunneqarput, aammalu ullumikkut pineqaatissiisarnermut aalajangersakkanut najoqqutassat malinniarlugit nutarterneqarlutik.

Nassuiaatit inatsimmi allannguutit malillugit ingerlaavartumik aaqqinneqartarput.

Maleruagassat sinneri imamikkut allanngunngillat, matumani ilaallutik pingaartumik akuersissuteqartarnermut aalajangersakkat aamma TELE-POST-ip kisermaassisuunera, ataasiakkaanili maleruagassat taaguutinik atuineri nutarterneqarlutik. Kiisalu aalajangikkanut ataasiakkaanut oqaaseqaatit pisariaqarfiisigut erseqqissarneqarput, nalunaarasuartaateqarnermilu 2006-ip kingornatigut ineriartornerup ilaanut nassuiaatit ilanngunneqarput.

Inatsisinik sinaakktissanik malitaqartarnerup ingerlaannarnera

Inatsisit ingerlaavartumik teknologiimi ineriartornermi periarfissarititaasunut naleqqussarneqarnissaata qulakkeerneqarnera, peqqussutissatut siunnersuutip inatsisitut aalajangersakkanik allanik immersugassatut ilusiligaanerani nassataqarpoq. Tamatuma kingunerisaanik Naalakkersuisut niuernikkut pissutsit teknologiilu nutaaq tunngavigalugit inatsisinik naleqqussaasinnaapput. Aalajangiinerit inuiaqatigiit aningaasaqarnerannut annertuumik sunniuteqartussat tamatuma pinnginnerani Inatsisartunut saqqummiunneqassapput.

Sinaakktissatut inatsit akuersissummik pigisaqartup oqarasuaatinut mobiltelefoninullu nalunaarasuartaateqarnermi sullissinerni kisermaassinerata ingerlaannarnissaanik politikikkut kissaateqarnerup attanneqaannarnissaanik ajornarunnaarsitsissaaq. Tamatuma peqatigisaanik sinaakktissatut inatsit eqaassutsimik, niuerfimmik, teknologiit ineriartornerat peqqutigalugu allanngorartuartoq naammassiniarlugu pisariaqartinneqartumik pilersitsissaaq. Kisermaassinerup ingerlaannarnerata kingunerisaanik politikerit inatsisip iluani nalunaarasuarnermi ikkuffilitsigut angallattakkatigullu oqarasuarnermi kiffartuussinernut niuffaffiit § 2, imm. 1 tunngavigalugu ammanerulersinniarnagit aalajangiisinnaammata.

Nalunaarasuartaatigut atassuteqarnek inuiaqatigiinnut kalaallinut pingaarutilittut inissisimavoq. Taamaattumik ammanerulersitsiniarluni suliniutaasinnaasut atuutsinneqalinnginnerminni nalilersoqqissaarneqartussaapput, politikerit tamanna aallartinniarlugu kissaatigissagaluarpassuk. Tunngaviatigut pilersuinerup isumannaassusiata piujuarnissaa annertunerusumik unammillernissamik kissaateqarnermiit salliusariaqarpoq.

Inatsisissatut siunnersuut manna namminermini ammanerulersitsinermik pilersitsisinnaanngilaq. Siunnersuulli taamaallaat Naalakkersuisut inuiaqatigiinni sunniutissanik misissuereerinnerminni Kalaallit Nunaanni nalunaarasuartaatigut attaveqatigiinnermi niuerfiit ilaannik ammanerulersitsinissamik aalajangiisinnaaneranut sinaakkusiisinnaammat.

Naalakkersuisut nalunaarasuartaatigut atassuteqaatinut atortunut ingerlatsinermullu illoqarfiit, nunaqarfiit nunallu allat akornanni atortut elektroniskiusut atorlugit atassuteqarnissamut ajornarunnaarsitsisunut Namminersorlutik Oqartussanit kisermaassineq ingerlatiinnarniarpaat. Tassa imaappoq, Naalakkersuisut nalunaarasuartaateqarnermi teknologiip ineriartornerata taamaallaat periarfissiiffigisaani ammanerulersitsisinnaanerat, tamatumalu peqatigisaanik

piumasarissallugu niuernikkut piumasaqaatit tunngavigalugit unammillertoqassasoq, nalunaarasuartaateqarnermi sullissinerup atuuttup pitsaanerusumik, sukkanerusumik aamma/imaluunniit akikinnerusumik ineriartortinneqarnissaa, taamaalillunilu ataatsimut inuiaqatigiinnut iluaqutaanissaa anguniarlugu. Piumasaqaatit taakku naammasineqanngippata ammanerulersitsinissamik suliaqaqqinnissaq ingalassimaneqartariaqarpoq.

Inatsisip kapitaliani siullermi, pisortatigoortumik nalunaarasuartaatitigut atassuteqarnermut Namminersorlutik Oqartussat kisermaassinerat taamaalilluni attatiinnarneqarpoq.

Inatsisissatulli missingiummi aamma tunngavigineqarpoq, nalunaarasuartaateqarnermi maalaaruteqartarfimmik pilersitsiniarluni suliaqarnermi, pilersuisussaataitanermi periutsit aamma pilersuisussaataitanermi amingartoorutaajunnartussat matussusernissaat, kiisalu atuisunik illersuineq pillugu malittarisassat ingerlaannarnissaat.

Ammanerulersitsinermik suliaqarnermik unitsitsineq

Nalunaarasuartaateqarnermut peqqussut 2006-imeersoq ammanerulersitsiniarluni suliaqarnermik aallartitsivoq. Aallaqqaammut Naalakkersuisut 2009-mi internetikkut sullissinernik, atortut ledningeqanngitsut (atortut ledningeqanngitsut atorlugit iserfiusinnaasut) aqutugalugit atuiffiusinnaasunik tuniagiqaarsinnaanermik ammaassipput. Ammanerulersitsineq piviusunngorpoq naalakkersuisut siunnersuutaatigut, taannalu tunngavigalugu Naalakkersuisut 17. september 2009-mi aalajangerput ikkuffeqanngitsumik attaveqarnermut niuffaffik, taassuma ataani bredbåndimut ikkuffeqanngitsumik attaveqarneq, illoqarfinni nunaqarfinnilu aamma ikkuffeqanngitsumik attaveqarluni internetikkut tuniagiqaarnissamat sullissinernut niuffaffik, taassuma ataani illoqarfinni imaluunniit nunaqarfinni ataasiakkaani ikkuffeqanngitsumik bredbåndimut attaveqarneq, ammanerulersinneqassasut.

Tamatuma peqatigisaanik Naalakkersuisut akuersissuteqarnermik maleruagassaqarneq eqquppaat. Tamatuma kingunerisaanik tuniniaasartut piumasaqaatit uku marluk naammassisimagunikkit tuniniaanissamat akuersissuteqarfigineqartalerput: matumani atortut ledningeqanngitsut atorlugit internetertarnerup pineqarnera, kiisalu taassuma illoqarfimmi nunaqarfimmiluunniit nassitsissutitut naatsorsuussaana. Tamatuma kingorna sullissinissamik neqerooruteqartut sisamat, niuffaffinni ammanerulersinneqartuni nalunaarasuartaatitigut sullissinernik neqerooruteqarsinnaanermut akuerineqarput. Ammanerulersitsinissamat taassumalu qanoq annertutiginissaanik aalajangernerup nalunaarasuartaateqarnermi peqqussummi § 2, imm. 1 aamma 3, tak. § 1, imm. 1 sinaakkutaatinneqartut maleqqissaarpai.

Tamatuma kingornatigut tamanna tunngavigineqarsinnaalissaaq sullissinissamik neqerooruteqartoq ammanerulersitsinermi sinaakkutaatinneqartut qulaani taaneqartut iluaniikkuni ikkuffeqanngitsumik attaveqarfikkut internettimut isersinnaanissamat akuerineqarnissaminut inatsisit tunngavigalugit piumasaqarsinnaammat.

2014-imi ammanerulersitsineq annertusineqarpoq, taamaalillunilu tuniniaasartut attaveqarfitsigut ikkuffeqanngitsutigut ikkuffilitsigullu internettikkut sullissinerit neqeroorutigisinnaalerpaat. Akuersissutit immikkut piunasaqarnani tunniunneqarsinnaasariaqarput. Internettikkut sullissinerup ammanerulersinneratigut atortut ledningeqanngitsut assigiinngitsut aamma teknologiit ledningillit akornannaligiimmik atugassaqarluni unammilleqatigiittoqarsinnaalerpoq. § 2 imm. 2 naapertorlugu TELE-POST suli illoqarfiit nunaqarfiillu akornanni, kiisalu nunanut allanut aamma nunanit allaniit atortunut ikkuffilinnut attaveqarfinni akuersissummik pigisaqarpoq. Tamatumani qulakkeerneqassaaq TELE-POST nangilluni attaveqaatit aningaasaliiffigisinnaagai annertusarsinnaallugillu. Sullissisut nutaat kabelinut, radiukkut uiguleriaartumik attaveqaammut il.il. akiliillutik isersinnaassapput ataatsimut ingerlaarneq pillugu maleruagassat aqqutigalugit, kissatigigunikku assersuutigalugu atortut ledningeqanngitsut atorlugit interneteqartitsisinnaassalluni. Ataatsimik atuinermi sullissisut nutaat internetimik atuinerat akuersissummik pigisaqartup attaveqaatai atorlugit ingerlateqqinneqartarput.

Sullissinerit taakkulu ineriartortinneri

Nalunaarasuartaatitigut kiffartuussinerit tassaapput nalunaarasuartaatitigut attaveqarfitsigut attaveqaqatigiinnermi tunniussaqaarnerit. Tassaasinnaapput internettimut kiffartuussinerit, ikkuffilikkut oqarasuarnerit, ikkuffeqanngitsukkut oqarasuarnerit, sinerissami radiukkut sullissineq, TV-kkut radiukkullu aallakaatitanik siaruarterinerit il.il.

Nalunaarasuartaatitigut sullissineq tassaavoq nalunaarasuartaatitigut kiffartuussinerup qaavatigut ilassutaasumik sullissineq. Assersuutigalugu tassaasinnaavoq e-mailimik kiffartuussineq, tassani internetimut attaveqarnermi neqerooruteqartup pisisartuni neqeroorfigisinnaavai e-mailimik sullinniarlugit. Sullissinerit malittarisassatigut maleruagassaqartinneqanngillat. Sullissinerit assersuutigalugu tassaasinnaapput Skype, FaceTime aamma Viper, taakkulu internettikkut kiffartuussissutikkut oqaluussineq nalunaarutinillu nassitsineq ajornarunnaarsippaat. Periarfissat taakku killilimmik annertussusilimmik ikkuffilikkut ikkuffeqanngitsukkulu oqarasuarterneq unammillerpaat naak nalunaarasuartaatitigut kiffartuussissutit taakku suli Kalaallit Nunaanni niuffaffinni ammanerulersinneqanngikkaluartut.

Nalunaarasuartaatitigut attaveqarfiit, Nalunaarasuartaatitigut kiffartuussinerit Sullissinerlu

Sullissineq	Sullissineq tassaavoq nalunaarasuartaatitigut kiffartuussinerit qaavatigut ilassutaasumik tunniussaqaarneq. Sullissinerit Namminersorlutik Oqartussat kisermaassisuunerannut atanngillat taamaattumillu nalunaarasuartaateqarneq pillugu inatsimmut naleqqiullugu ammanerulersitaallutik (sullissinernut niuffaffinni ataasiakkaani allatut maleruagassaqarneq atuussinnaavoq) Sullissinerit assersuutigalugu internettikkut kiffartuussinerit qaavatigut ilassutaasumik killeqanngitsumik neqeroorutigineqarsinnaapput (ass. hosting, e-mail, streaming il.il.)
--------------------	--

Nalunaarasuar taatitigut kiffartuussinerit	Akuersissuteqarnikkut: <ul style="list-style-type: none"> • Angallattakkatigut oqarasuarneq • Ikkuffilitsigut oqarasuarneq • Sinerissami radio • Attaveqarfiit ikkuffillit aqutugalugit internettikkut kiffartuussineq • Kaaviiarfiit aalajangersimasut 	Ammanerulersitat: <ul style="list-style-type: none"> • Attaveqarfiit ikkuffillit aqutugalugit internettikkut kiffartuussineq
Nalunaarasuar taatitigut attaveqarfiit	Akuersissuteqarnikkut: <ul style="list-style-type: none"> • Illoqarfinnut, nunaqarfinnut nunanullu allanut attaveqarfiit backbone (immap naqqatigut kabeli, uiguleriiaartumik radiukku attaveqarneq aamma qaammataasatigut attaveqarneq ammanerulersinneqarsinnaanngillat) • Illoqarfinni nunaqarfinnilu ataasiakkaani attaveqarfiit ikkuffillit • Angallattakkanik attaveqaatit (attaveqaatit 2G aamma 3G) 	Ammanerulersitat: <ul style="list-style-type: none"> • Ikkuffeqanngitsumik attaveqarfiit

Nalunaarasuartaateqarnermut Aqutsisoqarfik

Nalunaarasuartaateqarnermut Aqutsisoqarfik 2006-imi nalunaarasuartaateqarnermut peqqussut aqutugalugu pilersinneqarpoq. Niuernermi sullissisut, taakkunungalu akuersissummik pigisaqartoq TELE-POST, politikikkut suliaqarfiit kiisalu nakkutilliineri oqartussaasut ilanngullugit suliassat akisussaaffillu ersarissumik agguarneqarnissaasa qulakkeerneqarnissaa siunertarineqarpoq. Nunani allani nalunaarasuartaateqarnermut aqutsisoqarfiit assigalugit sapinngisamik "talut ussisut" niuernermi sullissisut, politikikkut suliaqarfiit aamma Nalunaarasuartaateqarnermut Aqutsisoqarfiup akornanni pilersinneqartariaqarput.

Nalunaarasuartaateqarnermi Aqutsisut aalajangigaat pillugit Naalakkersuisut atunngitsuutitsinissamut periarfissaqanngillat. Nalunaarasuartaateqarnermi Aqutsisut aalajangigaat kingornatigut Nalunaarasuartaateqarnermi Maalaaruteqartarfimmut maalaarutigineqarsinnaapput, taakkulu aalajangigaat allannngortinneqarsinnaanngillat. Nalunaarasuartaateqarnermi Maalaaruteqartarfiup aalajangigai Naalakkersuisut allannngortissinnaanngilaat.

Nalunaarasuartaateqarnermi Aqutsisut Naalakkersuisunut naleqqiullutik pituttorsimassanngippata inatsimmi piumasarineqarpoq ilaatigut illoqarnikkut Nalunaarasuartaateqarnermi Aqutsisut naalakkersuisoqarfimmit sulianut susasaqartunit avinngarusimassasut aamma Nalunaarasuartaateqarnermi Aqutsisut nammineerlutik pisortaqaassasut.

Manna tikillugu Nalunaarasuartaateqarnermi Aqutsisut Unammilleqatigiinnermut Atuisartoqarnermullu Aqutsisoqarfimmut atatinneqarsimapput. Tassaasimavoq allaffeqarfikkut ataatsimoorneq anguniarneqarsimannngilarlu ingerlatsinikkut kattunneqassasut ataatsimut pisortaqaarlutik. Inatsisip allannngortinneranut atatillugu siunnersuutigineqarpoq

naalackersuisoqarfitsigut allannguisoqarneratigut Nalunaarasuartaateqarnermi Aqutsisut aamma Radioqarnermi Ingerlatsivik Unammilleqatigiinnermut Atuisartoqarnermullu Aqutsisoqarfimmit Inuussutissarsiordermut, Suliffeqarnermut, Niuernermit Nukissiuuteqarnermullu Naalackersuisumit avissaartinneqassasut ikkunneqarlutillu Kommunit, Nunaqarfinnut, Isorliunerusunut, Attaveqatigiinnermut Ineqarnermullu Naalackersuisumut namminerisiaminnillu pisortaqaqalerlutik. Anguniarneqarpoq naalackersuinikkut ingerlatsinerit sulianillu ingerlatsinerit avissaartinneqarnissaat inatsisitigut sammineqartut ataasiakkaat Atuisartoqarnermut Unammilleqatigiinnermullu Aqutsisoqarfimmut nuunneqarnerinut atatillugu kiisalu pisinnaasanik qaleriissitsinissaq aalajangiinissamullu attuumassuteqartoqarpallaarnissaa pinngitsoortinniarlugit. Aammalu kissatigineqarpoq qularineqarsinnaanngitsumik nalunaarasuartaateqarnermut politikikkut akisussaaffiup erseqqissumik oqartussaaffimmut sorlermut inissinneqarnissaa qularnaarneqassasoq.

Nalunaarasuartaateqarnermi Aqutsisut aalajangigaannik Nalunaarasuartaateqarnermi Maalaaruteqartarfimmut maalaartoqarsinnaanngilaq taanna pilersinneqarsimatinnagu. Nalunaarasuartaateqarnermi Aqutsisut aalajangigaat pillugit maalaaruteqarniaraanni Nalunaarasuartaateqarnermi Maalaartarfiup pilersinnginnerani eqqartuussisunut suliassanngortitsineq aqputaasariaqarpoq.

Tassani piomasqaataavoq nalunaarasuartaateqarnermi inatsisissap uuma atuutilernerata kingorna niuffaffinnik aningaasaqarnermullu tunngasunik kingunerisassanik naatsorsuisoqartarnissaa pillugu piffissartornarumaartoq nakkutilliit nakkutilliinermullu nalunaarusiat eqqarsaatigalugit. Ammanerulersinneqareersimasut tassani suli ukkatarineqarnerussapput. Aamma piomasqaataassaaq akuersissummik pigisaqartut nakkutigineqarnissaat tassungalu atatillugu nakkutilliinermut nalunaarusiortoqartarnissaa. Nalunaarutit Nalunaarasuartaateqarnermi Aqutsisut Naalackersuisunut nalunaarusiortarnerannut ilaassapput.

Kiisalu Nalunaarasuartaateqarnermut Aqutsisoqarfiup akuersissummik pigisaqartup amerlasuukkaarluni ataasiakkaaralunilu tunisaanut kisitsisitigut paasissutissat aqutarai.

Nalunaarasuartaateqarnermut Aqutsisoqarfimmi akissarsianut pingaarnernullu (aningaasartuutitut aalajangersimasunut) kiisalu misissuineranut nassuiaanernullu aningaasartuutit maanna 3,5 mio. koruuniupput.

Nalunaarasuartaateqarnermut Aqutsisoqarfik aamma Radioqarnermik Ingerlatsisuuvoq, danskit naalagaaffiat sinnerlugu radiukkut attaveqatigiittarnermik radiofrekvensinullu sullissisuuvoq. Radiukkut attaveqatigiinnerup ingerlanneqarnera Nalunaarasuartaateqarnermut Aqutsisoqarfimmut aningaasartuutaanngilaq, suliassaqarfik taanna imminut aningaasalersormat, ilaatigut frekvensinut akiliutitigut radioqarnermullu akuersissutinik tunniussinermut akiliutitigut.

Nalunaarasuartaateqarnermi Maalaaruteqartarfik

Nalunaarasuartaateqarnermut peqqussummi Naalakkersuisut nalunaarasuartaateqarnermi maalaaruteqartarfimmik pilersitsinissaat siunniunneqarpoq. Nalunaarasuartaateqarnermi Maalaaruteqartarfiup maalaarutit suliarisartussaavai. Maalaaruteqartarfimmik taamaattumik pilersitsinermi siunertaavoq suliatigut piginnaaneqarfiit pisariaqartut katersorlugit eqqartuussivimmut assingusumik suliat nalunaarasuartaateqarnermi teknikkikkut pisariusut aalajangiiffigineqartarnissaat.

Suliaqarfimmik eqqartuussivimmut assingusumik nalunaarasuartaateqarnermi maalaaruteqartarfiusumik pilersitsinikkut eqqartuussivinnut nalinginnaasunut ingerlatitseqqissinnaaneq mattunneqassanngilaq, kisiannili akuersissummik pigisaqartoq, sullississutinik tuniniagaqartut pilersuisussaataaffiusunillu tuniniagaqartut aaqqiaggiinginnerit pilersut aningaasaqarnermut pingaaruteqarsinnaasut aaqqiiffigineqarnissaannut oqalliffimmik sulianik ilisimasaqarluartumik saaffissaqalissallutik.

Nangillugu siunnersuutigineqarpoq Nalunaarasuartaateqarnermi Maalaaruteqartarfik Inuussutissarsiornermut, Suliffeqarnermut, Niuernermut Nukissiuteqarnermullu Naalakkersuisoqarfiup ataanut inissinneqassasoq, taamaalillunilu toqqaanermi, soraarsitsinermi aamma suliassanik aaqquissuussinermi suliassanik tigumminnittussaalluni. Nalunaarasuartaateqarnermi Maalaaruteqartarfiup allaffissornikkut sullinneqarnera Atuisartoqarnermut Unammilleqatiginnermullu Aqutsisoqarfimmut inissinneqarpoq.

Nalunaarasuartaateqarnermi Aqutsisut aalajangiigaat Nalunaarasuartaateqarnermi Maalaaruteqartarfimmut maalaarutigineqarsinnaanngillat taanna pilersinneqartinnagu. Nalunaarasuartaateqarnermi Aqutsisut aalajangiigaat Nalunaarasuartaateqarnermi Maalaaruteqartarfik pilersinneqartinnagu maalaarniaraanni eqqartuussisunut suliassanngortitsisoqartariaqassaaq.

Nalunaarasuartaateqarnermi Maalaaruteqartarfiup aningaasaqarnerani angalanermut inissinneqarnermullu annerungaatsiartumik atuisoqartarpoq. Inuiaqatigiit amerlassusaat tunuliaqutigalugu ajornakusoorsinnaavoq teleteknikkip tungaatigut immikkut ilisimasalimmik maani najugalimmik nassaarnissaq, pisariaqarmat pineqartoq niuerfimmi soqutigisaqartunut attuumassuteqassanngitsoq.

Pilersuisussaataitanermi amigartoorutit

Nalunaarasuartaateqarnermut peqqussummi pilersuisussaataitanermi amigartoorutinut aningaasalersuinissamut tunngavissat aalajangersarneqarput, aammalu Naalakkersuisut tamatumunnga maleruagassiornissamut piginnaatinneqarlutik. Tunngavissat piginnaatitsissullu inatsisissatut missingiummi attatiinnerneqarput.

Atuisartut illersorneqarnerat

Inatsisissatut missingiummi nalunaarasuartaatitigut attaveqaqatigiinnerup aaqqissuussaananerani aammalu nalunaarasuartaatitigut sullissinernik atuisunut tuniniagaqartunut piumasaqaatit minnerpaaffissaannik maleruagassiornissamut suli Naalakkersuisut piginnaatinneqarput.

3. Pisortanut aningaasaqarnikkut allaffissornikkullu sunniutissat

Siunnersuutip kommuninut allaffissornikkut imaluunniit aningaasaqarnikkut kinguneqarnissaa naatsorsuutigineqanngilaq.

Nalunaarasuartaateqarnermut nalunaarummut tunngatillugu Nalunaarasuartaateqarnermi Aqutsisut oqartussatut suliassaat pillugit aningaasalersornissaannut allannguuteqartitsinngilaq nalunaarasuartaateqarnermi inatsisissatut siunnersuummi uani. Taamaalilluni Nalunaarasuartaateqarnermi Aqutsisut suliiani ataasiakkaani sularinninnerat aalajangiisarnerallu aqutsisullu nakkutilliususaatitaanerat inatsimmik uuminnga malinninnissaq allaffissornermilu malitassat malinnissaannut suliaqarnerat nalunaarasuartaaserinermik suliaqartunit suli akilerneqartassaaq. Naalakkersuisoqarfinni suliassat nunatta karsianit aningaasalersorneqassapput.

4. Inuussutissarsiornermut aningaasaqarnikkut allaffissornikkullu sunniutissat

Inuussutissarsiortunut nalunaarasuartaateqarnermut peqqussummi aningaasaqarnikkut allaffissornikkullu sunniutaat nalunaarasuartaateqarnermi inatsisissatut siunnersuummi uani taamaaginnassapput.

Nalunaarasuartaatitigut sullissinernik ammanerulersitsineq maannatut annertussuseqaannarpoq. Qitiusumik ineriartortitsiviit, inuussutissarsiutinik ingerlatsiviit innuttaasullu amerlanersaasa katersuuffiini aammalu isorliunerusuni niuerfiit immikkoortuini, tamarmik immikkut niuerneramik tunngaveqarluni nalunaarasuartaatitigut sullissinernik pisariunerusunik ingerlatsiviunissamut naammattumik angissuseqanngitsut akornanni oqimaaqatigiissitsineq allannguuteqartinneqanngilaq. Taamaalilluni qitiusumik ineriartortitsiviit suli isorliunerusuni nalunaarasuartaatitigut sullissinernut aningaasalersueqataapput. Oqimaaqatigiissitsineq allannguuteqanngikkarluartoq, inuussutissarsiutinik ingerlataqartunut isumaa inuussutissarsiutinik ingerlataqartut nalunaarasuartaatitigut sullissinernik pisariaqartitsinerisa allanngoriartornerat ilutigalugu allannguuteqarsinnaavoq.

Nalunaarasuartaatitigut sullissinernik ammanerulersitsineq maanna akuersissummik pigisaqartup (TELE-POST-ip) kaaviiartaataasa sinneqartoortuutaasalu ikileriarnernik maannamut

nassataqarsimangilaq, taamaalillunilu ingerlatseqatigiiffimmit piginnittunut akiliutigineqartartut ikileriarsimanatik. Akuersissuteqartartunut maanna ammanerulersitsisimanerup sunniutai TELE-POST-imut nammatassaasimapput, aningaasartuutilli ineriartornerat, attartorluni aningaasalersuisinnaanermik periarfissat kiffartuussinerillu piumaneqarneri apeqqutaasarlutik. TELE-POST manna tikillugu annertuunik sinneqartooruteqartarsimavoq namminerlu aningaasaatai amerlisimallutik.

Inatsit manna Nalunaarasuartaateqarnermut Aqutsisoqarfiup, Nalunaarasuartaateqarnermi Maalaaruteqartarfiup pilersuisussaatitaanermilu amigartoorutaasinnaasunut qulakkeeriniarluni Naalakkersuisut nalunaarasuartaateqarnermik suliaqartunut isorartuumut attaveqaaqatigiittarnermi atuinnermut immikkut ittumik akeqartitsinissamik naalakkiisinnaanannut aalajangersakkamik inatsisitigut tunngaviusussamik imaqarpoq. Nalunaarasuartaateqarnermut inatsisip akuersissutigineqarnerata kingorna Nalunaarasuartaateqarnermi Maalaaruteqartarfiup pilersinneqarnissaa naatsorsuutigineqarpoq, taamaattumillu Nalunaarasuartaateqarnermut Maalaaruteqartarfimmut aningaasartuutit matuniarlugit akitsuutip qaffanneqarnissaa naatsorsuutigineqarpoq.

5. Avatangiisinut, pinngortitamut inuillu peqqinnissaannut sunniutissat

Siunnersuutip avatangiisinut, pinngortitamut imaluunniit inuit peqqinnissaannut sunniuteqarnissaa ilimagineqanngilaq.

6. Innuttaasunut sunniutissat

Siunnersuutip imaa annerusumik nalunaarasuartaateqarnermi peqqussut assigiinnaramiuk innuttaasunut sunniutissai annikitsuinnaassapput.

Oqarasuaatit normuinik isertortunik ingerlatitseqqissinnaalnerup kingunerissavaa innuttaasut isertortumik normullit politiinit eqqartuussivinnillu oqarasuaatikkut nalunaarfigineqartalernissaat tassungalu uiggiullugu politiinut eqqartuussivimmulluunniit aggeqqusaasinnaalissallutik.

7. Kingunerisassat pingaaruteqartut allat

Siunnersuut Naalagaaffeqatigiinnermut aamma Kalaallit Nunaanni Namminersorlutik Oqartussanut sunniuteqarnissaa naatsorsuutigineqanngilaq. Kiisalu siunnersuut allanut annertuumik sunniuteqarnissaa naatsorsuutigineqanngilaq.

8. Oqartussanik kattuffinnillu il.il. tusarniaaneq

Siunnersuut piffissami 10. maj 2017-imit 15.juni 2017-imut ukununnga tusarniutigineqarsimavoq:

- Naalackersuisoqarfiit tamarmik
- Kalaallit Nunaanni Politimesteri
- Digitaliseeriinermut Aqutsisoqarfik
- Kalaallit Nunaanni Sulisitsisut
- Kalaallit Nunaanni Eqqartuussiviit
- TELE-POST A/S
- Greenland Television ApS
- Inu:IT A/S
- Comby A/S
- Nuuk TV

Piffissami tassani siunnersuut tusarniaanermi nittartakkakkut isertarfik aqputigalugu tamanut ammasumik saqqumitinneqarpoq.

Tusarniaanermi akissuteqaatit tiguneqarsimasut ataani immersugassaniittunut immikkoortunut ataasiakkaanut oqaaseqaatitalerlugit naalisarlugit issuarneqarput. Aaqqissuunneqarnerinnaanut oqaaseqaatit ilanngunneqanngillat.

Erseqqissaatigineqassaaq, missingiummi nassuiaatit nalinginnaasut annertuumik iluarsanneqarmata, nalunaarasuartaateqarnermut peqqussutip atuuttup inatsisissatullu missingiutip assigiinnginnerisa eqqumaffigineqarnissaa annertusiniarlugu. Taamaattumik tusarniaanermi akissuteqaatini innersuussinerit sulii atuuttut tamarmiunngillat.

Tusarniaaffiusoq	Tusarniaanermi akissuteqaatip imaqarniliornera	Tusarniaanermi akissuteqaatinut oqaaseqaatit
Aningaasaqarnermut Akileraartarnermullu Naalackersuisoqarfik	Siunnersuut nunatta karsianut imaaliallaannaq sunniuteqarnaviannigilaq.	Nassuiaatit naqqissornerqarput. Aningaasat missingersuutini kingullerni aaqqinneqarput taakkulu ukiuni kingullerni 3.5 mio-niusimallutik.
	Nalunaarasuartaateqarnermi Aqutsisunik atuisunit aningaasalersuineq akileraarutinit aningaasalersuinerunngitsoq.	Allannguinissamut pissutissaqanngilaq.
	Unammilleqatigiinneq anneruleraangat aningaasartuutit	Nassuiaatit naqqissornerqarput.

Tusarniaaffiusoq	Tusarniaanermi akissuteqaatip imaqarniliornera	Tusarniaanermi akissuteqaatinut oqaaseqaatit
	ukkatarineqarnerulersarput, tamatumalu akit tunisaqarnerulerullu kingunerisinnaavaa akuersissummik pigisaqartunut inernerit allanngunngunnerannik ilaatigulluunniit pitsaaneruleranerannik.	
	Pilersuisussaatitaanermut akiliineq ”illoqarfiit nunaqarfiillu avataanni avinngarusimasuni najugaqarfiit”- nut tunngasoq atuisunit akiliinertut isikkoqarpoq. Oqaatigineqarsinnaavoq, aatsitassarsiortut illoqarfiit nunaqarfiillu avataaniittut assinganik pilersuisussaatitaanermut ilaatinneqanngimmata.	Nassuiaatit naqqissorneqarput.
	Naalackersuisoqarfik taakku saniatigut naqqitassanut annikitsunik oqaaseqaateqarpoq makku pillugit: <ul style="list-style-type: none"> • Inatsisikkut Naalackersuisut pisinnaatinneqanngitsut inatsisiliornissaminnik kisiannili malittarisassanik pioreersunik nalimmassaasinnaanerat 	Nassuiaatit naqqissorneqarput.
	<ul style="list-style-type: none"> • Kisermaassisuunerup aamma pissusissamisoortumik kisermaassisuunerup assigiinngissutai 	Nassuiaatit naqqissorneqarput.
	<ul style="list-style-type: none"> • Nalunaarasuartaateqarnermi Aqutsisut atuisunit aningaasalersorneqassasoq nalunaarasuartaateqarnermi suliaqartuunngitsunit naak akiliineq 	Nassuiaatit naqqissorneqarput.

Tusarniaaffiusoq	Tusarniaanermi akissuteqaatip imaqarniliornera	Tusarniaanermi akissuteqaatinut oqaaseqaatit
	<p>nalunaarasuartaateqarnermi suliaqartunit ingerlagaluartoq</p> <ul style="list-style-type: none"> • Oqaaseqatigiit "niuffaffik ammasoq inatsisilersugaanngitsorlu" ima allanngortillugu "niuffaffik ammasoq" • Sumiiffiit allat pitsaanermik sullinneqarnerat isorliunerusunut ajoqutaanngilaq. • Suliffissuit aatsitassarsiortut tamakkiisumik akiliisussaataapput (inoqarfinnut avinngarusimasunut sanilliullutik) • Nalunaarasuartaateqarnermut Aqutsisoqarfimmut aningaasartuutit 2 millioner koruuniusut nalunaarasuartaateqarnermi kaaviiartitanut naleqqiullugit amerlassusilerneqarnissaat kissaatigineqarpoq. 	<p>Nassuiaatit naqqissornerqarput.</p> <p>Nassuiaatit naqqissornerqarput.</p> <p>Nassuiaatit naqqissornerqarput.</p> <p>Nassuiaatit naqqissornerqarput. Aningaasartuutissat iluarsineqarput.</p>
<p>Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik sinnerlugu Digitaliseeriinermut Aqutsisoqarfik</p>	<p>Inatsisartut aamma Naalakkersuisut taaneqanngillat immikkut pisinnaatitaanissaannik Namminersorlutik Oqartussat kisermaassisussaataitanerannit naalagaaffiup oqartussai kommunillu assigalugit (§ 1-imi imm.1, nr. 1).</p> <p>Suliffeqarfiit iluminni attaveqaataat aamma suliffeqarfiit</p>	<p>Inatsimmi allannguinnissamut tunngavissiiingilaq, kisiannili nassuiaatit naqqissornerqarput. Da Naalakkersuisut Inatsisartulluunniit iluminni attaveqaataat kisermaassisinnaatitanermut ilaareermata, attaveqaatinut taakkununga immikkut akuersissuteqartoqarnissaa pisariaqanngilaq.</p> <p>Inatsimmi allannguinnissamut tunngavissiiingilaq, kisiannili</p>

Tusarniaaffiusoq	Tusarniaanermi akissuteqaatip imaqarniliornera	Tusarniaanermi akissuteqaatinut oqaaseqaatit
	naammassisinnaasaat inunnullu paasissutissanut peqqussummik malinninnissamut periarfissaat eqqarsaatigalugit § 1, stk. 3, nr. 2-mi kisermaassisussaatitaanermut ilaatinneqanngitsunut ilaatinneqartariaqarput.	nassuiaatit naqqissorneqarput. Immikkut akuersissut taamaalilluni atuutereerpoq namminersortut sulliffeqarfiutaanni illoqarfimmi nunaqarfimmiittumiluunniit attaveqaataannut tunngasuni. Aalajangersagaq taamaalilluni nalimmassarneqartariaqanngilaq. Akuersissummit immikkut akuersissuteqartoqarsinnaanera tassani ajornarpoq.
	Nipangiussisussaatitaanermut paragraffi (§13) suliat suliarineqartarnerat pillugu inatsimmik aamma pisortat ingerlatsinerat pillugu inatsimmi piumasaqaatinik uteqqiinerinnaanersoq imaluunniit immikkut ittumik nipangiussisussaatitaaneq tassani pineqarnera soq ersarluppoq.	Nassuiaatit naqqissorneqarput.
	§ 28 inaarutaasumik atuisoq pillugu nassuiaammik amigaateqarpoq.	Nassuiaatit naqqissorneqarput § 4 imm. 3-mut innersuussilluni. Inaarutaasumik atuisut inatsimmut nassuiaatini nassuiarneqarsimapput.
	§ 28 atuisut pisinnaatitaaffiitut tunngasunut peqqussummut innersuussamik soqanngilaq pisinnaatitaaffiillu taakku nalunaarasuartaateqarnermut atuunnersut ersigani.	Allannguissamut tunngavissiiingilaq. Allannguissamut tunngavissiiingilaq. Nalunaarasuartaateqarnerup iluani naammagittaalliuutinik sullissineq malittarisassat atuuttut naapertorlugit atuisartunut naammagittaalliuutinik aalajangiisartumut Atuisumut suliarisassanngorlugit

Tusarniaaffiusoq	Tusarniaanermi akissuteqaatip imaqarniliornera	Tusarniaanermi akissuteqaatinut oqaaseqaatit
	<p>§ 31 nalunaarasuartaatinik attaveqatigiinneq pillugu isertuussineq pillugu aalajangersakkami pineqarput iliuutsit Pinerluttulerineq pillugu inatsimmi paragraf eqqissiviillortitsineq ataqqinassusiagaanerlu pillugit aalajangersakkamut (§94) assingusoq Pinerluttulerinermut inatsimmut innersuussinngimmat suna inatsisiliunneqarnersoq nalorninarpoq. Taassuma saniatigut "piumasaqaatitaqanngitsumik" ersarissarneqarnissaa amigaataavoq taannami aamma mianersuaalliornermi pineqaatissiissutaasinnaammat.</p>	<p>nuunneqarput. Nassuiaatit naqqissornerqarput.</p>
	<p>Nalunaarasuartaateqarnermi attaveqarnermik piginnittut neqerooruteqartullu iliuuseqartussaataasariaqarput meeqqanik atonerluinermik videonik piaarinaatsoornikkut nassaartoqarnerani taamaalillunilu politiinut paasissutissanik ingerlatseqqinnermi paasissutissiisut pineqaatissinneqarsinnaanagit.</p>	<p>Allannguinnessamut tunngavissiiinnngilaq. Isumaginninnermut, Ilaqutariinnermut, Naligiissitaanermut Inatsisinillu Atuutsitsinermut Naalakkersuisoqarfiup atonerluisarnermut aalajangersagassamik piareersaavoq, tamatumunngalu atatillugu meeqqanik atonerluinermik videolianik piaarinaatsoornikkut naammattoorsinerni politiinut paasissutissanik ingerlaterteqqittarnermi pineqaatissiisoqartannginnissaa atorsinnaassanersoq</p>

Tusarniaaffiusoq	Tusarniaanermi akissuteqaatip imaqarniliornera	Tusarniaanermi akissuteqaatinut oqaaseqaatit
	<p>§ 31-mik unioqqutitsinermi akiliisitsinerinnarmik pineqaatissiissutaasinnaanera Pinerluttulerinermili inatsimmik § 94-imik unioqqutitsineq pineqaatissinneqarsimasut inissiisarfiannut inissiissutaasinnaanera imminut naapertuutinngillat.</p>	<p>naliliiffigissallugu. Naalackersuisoqarfik naliliivoq, meeqqanik atonerluinermi videolianut tunngatillugu inatsisinik allannguisoqarsinnaanera eqqarsaatigalugu pissutsit paasiniaqqissaarneqartariaqartut.</p> <p>Loven og Nassuiaatit naqqissorneqarput.</p>
Peqqissutsimut Naalackersuisoqarfik	Oqaaseqarfigineqanngilaq	Allannguissamut tunngavissiiingilaq
Kalaallit Nunaanni Sulisitsisut	<p>Kalaallit Nunaanni Sulisitsisut tikkuarpaat Nalunaarasuartaateqarnermi Maalaaruteqartarfik sulii pilersinneqarsimanngimmat nalilerlugulu Nalunaarasuartaateqarnermi Aqutsisut aalajangigaat eqqartuussivinnut suliasannngortinnissaannut naammagittaalliortunut innersuussineq inatsisitigut tunngavissaanik amigarsinnaasoq Nalunaarasuartaateqarnermi Maalaaruteqarfik pilersinneqarsimatinnagu.</p>	<p>Allannguissamut tunngavissiiingilaq. GE-p nalunaarasuartaateqarnermi maalaartarfiup pilerseqqaarneqarnissaanik kissaateqarnera tusaatissatut tiguneqarpoq. Politikkikkut taanna isumaqatigineqarpoq.</p>
Kalaallit	Politiit qinnutigaat, TELE-p	Inatsimmik allannguissamut

Tusarniaaffiusoq	Tusarniaanermi akissuteqaatip imaqarniliornera	Tusarniaanermi akissuteqaatinut oqaaseqaatit
Nunaanni Politimesteri	isertortunik ilanngutinngitsuukkani normuutaanut politiit pigaartoqarfiat toqqaannartumik isernissaanut inatsimmik tunngaviliisoqassasoq, ersarissumik inatsimmik tunngavissiisoqassasoq, eqqartuussisaaseq pillugu inatsit naapertorlugu pinerluttulerinermi suliani Tele normut isertortut akiliisartullu najugaat pillugit paasissutissanik tunniussinissamut pisussaaffilerneqassasoq, kiisalu tassunga isersinnaanissamut atortunik immikkoortumik pilersitsisoqassasoq. Tamatuma saniatigut politiit kissaatigaat kikkut politiinut sianernersut takuneqarsinnaalissasoq, taakkununga normut isertortut ilanngutinngitsuukkallu ilaatinneqarlutik, taamaalilluni normut tamarmik akiliisartullu najugaat aammalu atuisut nalunaarsorneqarsimasinnaasut atortuni takuneqarsinnaalissallutik. Inatsisitigut tunngavissap pisussaataaernerullu malittarisassat assigiinngitsut ataaniinnatik inatsimmi allassimalernissaat kissaatigineqarpoq.	tunngavissiiingilaq , kisiannili nassuiaatit naqqissorneqarput. Ersarissumik inatsiseqarnissaanik tunngavissamik kissaateqarneq isiginiarneqarsimanngilaq nalunaarummi atuutsilerneqarnissaa siunertamut tulluunnerusutut isigineqarmat.
Inuussutissarsiornermut, Suliffeqarnermut, Niuernermut Nukissiuuteqarne rmullu	Inatsisissatut siunnersuummi aamma nalinginnaasumik suleriaaseq unitsinniarneqartutut isikkoqarpoq, tassani suliffeqarfiit minnerit radiomik TV-millu aallakaatitsinermik niuernermik	Inatsit aamma nassuiaatit naqqissorneqarput.

Tusarniaaffiusoq	Tusarniaanermi akissuteqaatip imaqarniliornera	Tusarniaanermi akissuteqaatinut oqaaseqaatit
Naalakkersuisoqarfik	<p>ingerlatsisinnaasimagaluarlutik.</p> <p>Kisermaassisinnatitaaneq aamma/imaluunniit ammanerulersitsinissamut periarfissaqarneq naleqqussarneqartariaqarput, taamaalillunilu Kalaallit Nunaanni nunami qaammataasanut sakkortusaavinnik akuersissummik pigisaqarani pilersitsinissamut periarfissiisoqassalluni. Suliffeqarfiit minnerit, radiukkut tv- kkullu aallakaatitanik siaruarterinermik inuussutissarsiuteqartut amerlasuut Naalakkersuisunit akuersissummik pigisaqaratik nunami qaammataasanut sakkortusaavinnik pilersitsisinnaangikkunik, Naalakkersuisunut akuersissummik qinnuteqartariaqartassapput, imaluunniit niuerfimminnik matusisariaqartassallutik. Akuersissummik pigisaqarani nunami qaammataasanut sakkortusaavimmik pilersitsisoqarsinnaangippat, tamanna Kalaallit Nunaanni teknologiimik qaffasissummik suliaqartut ineriartortinneqarnissaanut ajornakusoortitsisussaavoq.</p>	<p>Inatsisissatut siunnersuut aamma nassuiaatit naqqissorneqarput</p>
Aatsitassanut Naalakkersuisoqarfik	<p>Oqaaseqarfigineqanngilaq</p>	<p>Allannguissamut tunngavissinngilaq</p>

Tusarniaaffiusoq	Tusarniaanermi akissuteqaatip imaqarniliornera	Tusarniaanermi akissuteqaatinut oqaaseqaatit
TELE-POST	Nalunaarasuartaateqarnermi peqqussut arlalitsigut nutartigassaavoq, taamaattoq Inatsisartut siunnersuutaannik maanna isikkuatut isikkoqartillugu piviusunngortinneqassappat iluamik suliarinissaanik periarfissamik qatangiinnartitsinerussaaq.	Nassuiaatit naqqissornerqarput.
	<p>Inatsimmi allannguiffissat sisamat pillugit:</p> <p>1) <i>Suliassanik Unammilleqatigiinneq pillugu inatsimmut nuussineq</i></p> <p>TELE-POST tusarniaanermut akissuteqaammini unammilleqatigiinnermut inatsimmik allanngineq pillugu Inatsisartut inatsisissaannut missingiut innersuussutigaa.</p>	Allannguissamut tunngavissiiingilaq
	<p>2) <i>Aaqqissuussaannikkut allannguinerit</i></p> <p>TELE-POST-ip nakkutilliinermi suliassat inatsilerisunit politikkimillu sulinermit piareersarluni suliassat immikkoortinneqarnerat iluarisimaarpaa, aammalu unammilleqatigiinnermut inatsisip allanngortinneqarnera pillugu Inatsisartut inatsisissaannut missingiutip tusarniaassutigineqarnerani akissuteqaammini siunnersuummut tapersiinnini innersuussutigalugu.</p>	Allannguissamut tunngavissiiingilaq.
	3) <i>Oqarasuaatit isertortut</i>	Tusaatissatut tiguneqarpoq

Tusarniaaffiusoq	Tusarniaanermi akissuteqaatip imaqarniliornera	Tusarniaanermi akissuteqaatinut oqaaseqaatit
	<p><i>eqqartuussivinnut atugassanngorlugit ingerlateqqinneqartarneri</i> TELE-POST-ip kissaatigaa malittarisassanik tamakkuninnga ilusilersuiniarnermi oqaloqatigiinnissamut peqataarusuppoq tassami atuisunut atungassarititat pillugit kiisalu Normunik paasiniaavimmi suleriaatsinik nalimmassaanissaq pisariaqarsinnaammat.</p>	
	<p><i>4) Oqaatsit pillugit nutarterineq</i> TELE-POST inatsisissatut siunnersuummut tassunga tunngasoq pillugu oqaaseqaatissaqanngilaq.</p>	<p>Allannguinnissamut tunngavissiiingilaq</p>
	<p>Oqaaseqaatit pingaarnertit TELE-POST-ip kissaatigigaluarpaa nalunaarasuartaateqarneq pillugu inatsimmi nutaami nalunaarasuartaateqarneq pillugu peqqussummi misilittakkat maannamit annermik aallaavigalugit suliarineqarnissaa aammalu 2006-imi nalunaarasuartaateqarneq pillugu peqqussummi siunissamut naatsorsuutigineqartut tunngavigalugit aallaavigivallaarnagit.</p>	<p>Nassuiaatit naqqissorneqarput</p>
	<p>TELE-POST-ip amigaatigaa inatsisissatut siunnersuummi, pingaartumik nassuiaatitaani, ukiut ingerlaneranni misilittagaqarfigineqartut</p>	<p>Nassuiaatit naqqissorneqarput.</p>

Tusarniaaffiusoq	Tusarniaanermi akissuteqaatip imaqarniliornera	Tusarniaanermi akissuteqaatinut oqaaseqaatit
	<p>aallaaviginerullugit suliassa qarfiit tulliuttut annermik isummerfigineqarsimanissaat:</p> <p><i>1) Kiffartuussinernut akuersissuteqaqqaarfiusunut ammanerulersitsinissamut Naalakkersuisut pisinnaatitaanerat</i> Naalakkersuisut Inatsisartut juunimi 2016-imi aalajangigaat isumaqatigisimanngilaat, tassani Naalakkersuisut siunnersuusiornissaannik suliakkerneqarput nalunaarasuartaateqarneq pillugu peqqussut 2006-imeersup atorunnaarsinnissaanik pisinnaatinneqarnissaat pillugu siunnersuutigaat Inatsisartullu nalunaarasuartaateqarnermi annermik ammaananeqarnissaanut aalajangiisarnernut peqataatinneqarnerusarnissaat siunnersuutaalluni. Eqaassuseq inatsisissatut siunnersuummi pisariaqartutut saqqummiunneqartoq sinaakkutaasunik atungassarititani annertuumik nalorninertut TELE-POST-ip isigaa - taarsigassarsisisitsisunut tunngatillugu aamma nalunaarasuartaateqarnermi attaveqaatinik annertuumik siunissamullu ungasinnermut suliffeqarfiit aningaasaliinissaminnut</p>	<p>Allannguinnissamut tunngavissiiingilaq. Niuffaffimmi sukkasuumik ineriartorfiusumi eqaatsuunissaq pisariaqarpoq. Sinaakkusiisumik inatsit tunngavissiiisuulluarsinnaavoq teknikkikkullu ineriartornermut politikkikkullu kissaatinut naleqqussarneqarsinnaalluni. Tamatumani pilersaarusiortoqarnissaa aningaasaliinissamullu aarlerinaat isiginiarneqassalluni.</p>

Tusarniaaffiusoq	Tusarniaanermi akissuteqaatip imaqarniliornera	Tusarniaanermi akissuteqaatinut oqaaseqaatit
	<p>aalajangernissaannut tunngatillugu.</p> <p>2) <i>TELE-POST-ip uppersaatitut nalunaaruteqartarnermullu piunasaqaatai nalunaarasuartaateqarnermik niuffaffiup annertussusaanut naapertuuttuusariaqarput kiisalu unammilleqatigiinnermi ammasumik siunertaqarnek ilanngullugu eqqarsaatigalugu TELE-POST-ip naatsorsuutaanik suliaqarnek, malinnaatitsineq nutarterinerlu ima ajornakusuulersimatigaaq oqartussanut iluaqutaanera suliarineqarnerani aningaasartuutit siunertamut tulluunnatik. TELE-POST taamaalilluni suliakkerneqarsimavoq nalunaarasuartaateqarnermik suliaqartut annerujussuit allaffissornikkut suliaqarnerujussuisa assinganik.</i></p>	<p>Allannguissamut tunngavissiiingilaq. Pissutsit suliaqarnermik nuunneqartunut attuumassuteqarpoq tak. UKA17-imi Unammilleqatigiinneq pillugu inatsimmut allannguutissatut siunnersuut.</p>
	<p>3) <i>Tapiissutinik nuussisarnek nalunaarasuartaateqarnermik attaveqaatinut aningaasaliinerit ullumikkut annermik tunngaviusut inatsimmi nassuerutigineqartariaqarpoq Pissutsit piviusut aallaaviusariaqarput: Inatsimmi kiffartuussinerni akuersissuteqarfiusuni tapiissutinik nuussisarnek maanna atungaasoq ersarissumik tunngavissiiisariaqarpoq</i></p>	<p>Allannguissamut tunngavissiiingilaq. Tak. ataani qupp. 12, imm. 1. 3. aamma 5 pillugit oqaaseqaatit</p>

Tusarniaaffiusoq	Tusarniaanermi akissuteqaatip imaqarniliornera	Tusarniaanermi akissuteqaatinut oqaaseqaatit
	aammakiffartuussinerni akuersissuteqarfiusuni ataasiakkaani kisimi pinnani.	
	4) <i>Kiffartuussinerni ammaanqartuni oqartussat suliame siusissumi pisinnaasanut ersarissumik piunasaqaateqartariaqarput</i>	Allannguinnissamut tunngavissiiingilaq. Ajornartorsiut ataatsimut atuineq aamma internettimut isersinnaaneq unammilleqatigiinneq pillugu inatsimmut nuunneqarnissaanut pisariaqartitsilersimavoq. Inatsimmi tassunga nassuiaatit innersuussutigineqarput.
	5) <i>Nalunaarasuartaateqarnermi Maalaaruteqartarfimmik pilersitsinissaq suli siunertaqarpa?</i> Nalunaarasuartaateqarnermi Maalaaruteqartarfimmik ukiorpassuani iluatsinngitsumik pilersitsiniartoqartalarpoq. Maalaaruteqartarfiup suliame suliarsinnaasaat aamma ikittuunnaasimassagaluarput sulilu ikinnerulissallutik maalaaruteqartarfiup suliame "soorpiangitsut" suliarsassanngikkaluarunikkit. Unammilleqatigiinnermut Ataatsimiititaliap unammilleqatigiinnermut tunngasunik sulianik suliarrinnissinnaanera kiisalu ataatsimiititaliami aalajangiinerit eqqartuussivinnut suliassanngortinneqarsinnaaneri eqqarsaatigalugit isumaliutigineqartariaqarpoq	Allannguinnissamut tunngavissiiingilaq. Nalunaarasuartaateqarnermi Maalaaruteqartarfimmik suli pilersitsisoqarusuppoq nalunaarasuartaateqarnermik atuisut inatsisitigut illersugaanerat kiisalu aalajangikkanik eqqartuussivinnut akikitsumik eqaatsumillu suliassanngortitseqqiisinnaanerannut periarfissaat isiginiarlugit.

Tusarniaaffiusoq	Tusarniaanermi akissuteqaatip imaqarniliornera	Tusarniaanermi akissuteqaatinut oqaaseqaatit
	<p>Kalaallit Nunaanni Nalunaarasuartaateqarnermi Maalaaruteqartarfimmik ilumut pilersitsinissamut pisariaqartitsisoqarnersoq. Akerlianik nalunaarasuartaateqarnermik atuisut maalaaruteqartarfiup ingerlanneranut aningaasartuutunik akiliisinneqartassanngikkaluarpur.</p>	
	<p>§ 17, imm. 3-8-mut nassuiaatit normulersorneri kukkuneqarput aamma nassuiaatini nalinginnaasuni assigiinngitsoqarpoq, tassani allattoqarfik Atuisartoqarnermut Unammilleqatigiinnermullu Aqutsisoqarfimmut inissinneqartoq § 17-imulli nassuiaatini suliaasaq taanna naalakkersuisoqarfimmut oqartussaasumut inissinneqartoq.</p>	<p>Inatsit aamma nassuiaatit naqqissorneqarput.</p>
	<p>Nalinginnaasumik nassuiaatinut tunngatillugu:</p>	
	<p>Oqaaseqatigiit ”Taamaattumik pilersuisussaataaneq immikkoortortalersugaq isorliunerusunik sullissinernik sunik akillu annerpaaffissaannik sunik neqeroorfigineqarsinnaanissaannut nassuiaataavoq.” eqqortuunngillat, tamanna taamaallaat nunaleriviit avinngarusimasumiittut eqqaassanngikkaanni atuutsinneqarmat, kiisalu TELE- POST pingaartumik mobileqarnermiit</p>	<p>Nassuiaatit naqqissorneqarput.</p>

Tusarniaaffiusoq	Tusarniaanermi akissuteqaatip imaqarniliornera	Tusarniaanermi akissuteqaatinut oqaaseqaatit
	interneteqarnermut taperseeqatigiissitsisarmat.	
	Kalaallit Nunaanni ineriartorneq sumiiffinni arlalinni eqqartorneqarpoq. Tunngaviusumik nunarsuarmi tamarmi ineriartortorneq pineqarpoq, Kalaallillu Nunaat tassunga atatillugu immikkut ersarissarnissaa pisariaqarani.	Nassuiaatit naqqissorneqarput.
	Tassani oqaatigineqarpoq "siunissami pisinnaasoq aallakaatitsinermi naammassisinnaasat....naammattumi k isumalluuteqarfiginissaat." Siunissami pisinnaasut erseqqissarneqartariaqarput. Suli nalunaarasuartaateqarnermi attaveqaatit annertuut pisinnaasaat killeqarput.	Nassuiaatit naqqissorneqarput.
	Internetikkut sullissineq atortut ledningeqanngitsut atorlugit iserfiusinnaasoq kisimi ammanerulersinneqarsimasoq oqaatigineqarpoq. Tamanna ilumuunngilaq.	Nassuiaatit naqqissorneqarput.
	Qallunaat misilittagaannit ilinniarniarluni suleqatigiinnerup patajaallisarnissaa siunertarineqarpoq. Taamaattoq paasinarpoq qallunaat misilittagaat aamma qallunaat nalunaarasuartaateqarnermi niuffaffianni tunngasut inatsisiliorneq annertuumik	Allannguissamut tunngavissiiingilaq. Qallunaat nalunaarasuartaateqarnermut suliassaqarfiat tamakkiisumik ammaanneqarsimavoq Kalaallillu Nunaanni kisermaassiffiulluni. Taamaammat inatsisiliorneq niuffaffinnilu atugassarititat

Tusarniaaffiusoq	Tusarniaanermi akissuteqaatip imaqarniliornera	Tusarniaanermi akissuteqaatinut oqaaseqaatit
	tunnaveqareersaq.	qallunaat misilittagaannit aallaaveqanngillat. Tassani pineqarput: Radiomik Ingerlatsivik sulitiguneqanngitsoq, ITSO, suliaassanik suliarinninnernit misilittakkat teknologiimilu ineriartorneq kisermaassinerinnakkut ingerlanneqarsinnaanngitsoq. Aamma unammilleqatigiinnerup iluani tunngasunik misilittakkanik tunngaviusumik avitseqatigiiffiuvoq, soorluttaaq sulisut Danmarkimi nunanilu allani ilinniaqqittartut.
	Neqerooruteqartartut akuersissummik pisinnaatitaanissaat aammalu akuersissutit annertunerusumik piunasaqaatitaqaratik tunniunneqarsinnaanissaat naapertuunnersoq oqaluuserineqanngilaq. Internetimik atuinissamik tuniniaasutut aallarnisarniarnermi piginnaasaqarnissaq piunasaqaatigineqarsinnaasariaqarpoq. Nalunaarasuartaateqarnermi oqartussaasut tuniniaasup pisinnaasasaanut piunasaqaatinut minnerpaaffiliinissaat pissusissamisuuginnassaaq.	Allannguissamut tunngavissiiingilaq. Internetsimut neqerooruteqartartunut neqerooruteqarnissamut akuersissummik qinnuteqarniaraanni suliffeqarfinnut suleriaasissamik piunasaqaammik peqareerpoq. Nalunaarasuartaateqarnermi Aqutsisut suliamut tunngassuteqanngitsunik piunasaqaasorsorluni qinnuteqartoq itigartissinnaanngilaa.
	Eqqaassallugu pingaaruteqassagunarpoq TELE-POST akuersissuteqartut nammineerluni angallattakkanik	Nassuiaatit naqqissorneqarput. Allakkiamik nutarsaanermut atatillugu immikkoortoq peerneqarpoq.

Tusarniaaffiusoq	Tusarniaanermi akissuteqaatip imaqarniliornera	Tusarniaanermi akissuteqaatinut oqaaseqaatit
	<p>oqarasuaateqarneq nunaqarfinnut tamanut atuutsilereernikuummagu, aamma nunaqarfinnut 70-it inorlugit innuttaqartunut. Aamma pingaarpoq pilersuisussaatitaaneq kiffartuussinermut tunngasunik nassuiarneqarnissaa, aalajangersimasuni teknologimut tunngasuinnarniunngitsoq.</p>	
	<p>Qullersaqarfimmi suliat, pilersaarinerit aamma tunisassianik ineriartortitsinerit pilersuisussaatitaanermi naatsorsuutitut ilaatinneqannginnerisigut, siunnersuummi siunniunneqarpoq TELE-POST pilersuisussaatitaanermi kiffartuussinerit nittarsaattariaqarnagillu inerisartariaqanngikkai.</p>	<p>Allannguinnissamut tunngavissiiingilaq. Pilersuisussaatitaanermi naatsorsuutitut naatsorsueriaaseq naatsorsueriaatsinit nalinginnaasumik atorveqartunik tunngaveqarpoq.</p>
	<p>”Periaaseq” tapiissutinik nuussisarnerup atorunnaarsinnissaa ineriartornermut piviusumut tulluutinnigilaq. Paasiuminarsaaniarluni pilersuisussaatitaaneq taperseeqatigiissitsisarnermit sakkussatut pitsaanerunersoq pillugu tunngavilersuutigineqartut nalorniunnaartitsinngillat. Ullumikkut naatsorsuutit naleqqussakkat atorveqareersut atorlugit TELE-POST-ip kiffartuussissutaasa iluanni tapiissutinik nuussisarnermi</p>	<p>Allannguinnissamut tunngavissiiingilaq. Nalunaarasuartaateqarnermik niueruteqarneq paasiuminarnerulersinniarlugu taperseeqatigiissitsisarnerup peerneqarnissaanut aammalu pilersuisussaatitaanerup aningaasalersorneqarneranut tunngaviusut attatiinnarneqassapput. Ilaatigut Naalakkersuisut Inatsisartullu nalunaarasuartaateqarnermik niueruteqarnerup ineriartortinnissaanut</p>

Tusarniaaffiusoq	Tusarniaanermi akissuteqaatip imaqarniliornera	Tusarniaanermi akissuteqaatinut oqaaseqaatit
	ajornanngitsumik takuneqarsinnaapput.	takorluugaqarsinnaanissaat, aammalu sullissisut sullissinernut kiffartuussinernullu ammanerulersinneqartunut nutaanut aningaasaliisinnaanissaat siunertarineqarpoq.
	Oqaatigineqarpoq kiffartuussinerit akuersissuteqarfigineqartartut ataatsimut isigalugit amigartoorutaasannngitsut, § 5-imulli imm. 2-mut aamma 4-mut 5-imullu nassuiaatini akerlianik allaqqavoq Naalakkersuisut akuersissummik peqartut kiffartuussinermik amigartooruteqarlutik ingerlatsinissaannik peqqusinnaagaat, assersuutigalugu imarsiornermi inuiaqatigiinnullu pingaaruteqartunik kiffartuussinerni. Taamaalilluni inatsit periaatsinik marlunnik imminnut akerliusunik imaqarpoq.	Allannguissamut tunngavissiiingilaq. Periaatsit taakku marluk imminnut assortuuttut isumaqarfigineqanngillat.
	Sinneqartoorutaasunik kiffartuussinerni ammaassineq pissarsiassanik annikillisisiinnanngilaq, aningaasaliisarnarli aamma annikillivoq, tassami nalunaarasuartaateqarnermi attaveqaatini imminut akilersinnaanngitsunik aningaasaliinerit periarfissaat millineqassammat.	Allannguissamut tunngavissiiingilaq. Maannamut ammanerulersitsineq TELE-POST-ip sinneqartoorutaanik aningaasaleerusussusianilluunniit minnerulersitsinngilaq. Aamma ingerlatseqatigiiffiup nammineq aningaasaatini amerlisarluarsimavai.
	”Akitsuut 2 mio. kr. missaanik pissarsissutaasartoq ungasissumut	Nassuiaatit naqqissorneqarput.

Tusarniaaffiusoq	Tusarniaanermi akissuteqaatip imaqarniliornera	Tusarniaanermi akissuteqaatinut oqaaseqaatit
	<p>attaveqaqatigiinnermut tamarmut agguarneqartoq ...</p> <p>amerlasuukkaaraluni tuniniaanermi akiniq qaffaanerit inaarutaasumik atuisunut nioqutissanut akiniq sunnuteqarnaviangilaq.” Tamanna ilumoorsinnaavoq, nioqutissat pillugit unammilleqatigiinnerup inissisimanagera apeqqutaalluni, taamaattoq akitsuutit ajortumik sunnuteqarsinnaanginnissaannut assingunngilaq.</p>	
	<p>Siunnersuummi aalajangersakkanut ataasiakkaanut oqaaseqaatit</p> <ul style="list-style-type: none"> • § 1, imm. 2 - nassuiaatit: Inatsit siunissami niuermik tunngaveqarluni sinerissami radioqarfiit sullissinerannut innersuussiviusariaqanngilaq. . TELE-POST-ip niuermik tunngaveqarluni sinerissami radioqarfiit sullissinerat annertuumik amigartooruteqarfiusarmat unitsittussanngorpaa, atuisut teknologiimut allamut nuussimammata. 	<p>Nassuiaatit naqqissorneqarput.</p>
	<ul style="list-style-type: none"> • § 2, imm. 3 - nassuiaatit: Nioqquteqartartut akuersissuteqartup illuutaata iluani atortuminnut kabelinik attavilersinnaassagaat oqaatigineqarpoq. Taamaalilluni ima paasineqassaaq neqerooruteqartartoq TELE- 	<p>Allannguinnissamut tunngavissiiingilaq. Suliassaqarfiup iluani malittarisassiornissamut inatsit imaqaareerpoq tak. imm. 4.</p>

Tusarniaaffiusoq	Tusarniaanermi akissuteqaatip imaqarniliornera	Tusarniaanermi akissuteqaatinut oqaaseqaatit
	<p>POST-ip illuutaani ledninginut ikkussuinissaminut nammineq isersinnaassasoq.</p> <p>Neqerooruteqartartut attavininniarlutik isersinnaanerat TELE-POST-ip attavinnut pilersaarutaanut naapertuutissaaq kiisalu TELE-POST-ip teknikkikkut sulisuinit atuinikkut imaluunniit nakkutilliinikkut pissalluni.</p>	
	<ul style="list-style-type: none"> • § 10, imm. 2, nr. 5: Oqaaseqatigiinni suliassa qarfinni akuersissuteqartarfiusuni akinik Allanguinerit paatsuugassaannngitsumik atuisumut iluaqusiisussaappata, aammalu sullissineq akuersissuteqarfiusoq ataatsimut isigalugu amigartooruteqarfiunngippat, atugassarititanillu allanguinernut tamanut Naalakkersuisut akuersisarnissaat siunniunneqarpoq. 	<p>Allanguinissamut tunngavissiiingilaq.</p> <p>Naalakkersuisut suliassa qarfinni akuersissuteqartarfiusuni nalunaarasuartaateqarnermi kiffartuussivinni akinik atungassarititanillu akuersisartuunertik allanut tunniussinnaangilaat.</p>
	<ul style="list-style-type: none"> • § 14 – nassuiaatit: Oqaaseqatigiit ” Nalunaarasuartaateqarnermi aqutsisut paasissutissiissutissatut pisariaqartinneqartut qanoq annertutiginersut nalilertassavaat, suliniutinillu tamatumunnga tunngasunik aallartitsisassallutik” Naalakkersuisut paasitinneqarnissamik kissaateqarlutik Nalunaarasuartaateqarnermut 	<p>Allanguinissamut tunngavissiiingilaq.</p> <p>Nalunaarasuartaateqarnermi Aqutsisut akisussaataitaasuullutik Naalakkersuisunut siunnersuuteqassapput. Periaaseq siunnersuisarnej pillugu inatsimmi § 10-meereerpoq.</p> <p>Naalakkersuisut Nalunaarasuartaateqarnermi Aqutsisunut kiffartuussinissamik</p>

Tusarniaaffiusoq	Tusarniaanermi akissuteqaatip imaqarniliornera	Tusarniaanermi akissuteqaatinut oqaaseqaatit
	<p>Aqutsisoqarfimmut saaffiginninnissamut periarfissaarutsinneqarnerattut atuarneqarsinnaapput.</p>	<p>naalakkiisinnaanerat pillugu aalajangersakkamut akerliussaaq.</p>
	<ul style="list-style-type: none"> • § 17, imm. 4: Nunap iluani nalunaarasuartaateqarnermut attaveqaatinut akuersissummik pigisaqartoq Nalunaarasuartaateqarnermi Maalaaruteqartarfimmi suliassaqarfimmit toqqagassatut ilaasortassamik ataatsimik marlunnilluunniit toqqaasinnaasariaqarpoq. Ilaatigut akuersissummik pigisaqartoq suliassaqarfimmi aaqqissuussinermut ilaasortaanissamut pinngitsaalineqartariaqanngilaq, ilaatigullu Nalunaarasuartaateqarnermi Maalaaruteqartarfimmi suliat amerlanertigut akuersissummik pigisaqartut sullissisullu namminersortup akornanni suliassarput.. 	<p>Allannguinnissamut tunngavissiiingilaq. Nalunaarasuartaateqarnermi suliaqartunut immikkut ittumik Kalaallit Nunaanni kattuffeqanngilaq, inatsimmi tamanna tunngaviginiarneqartoq. Tassa imaappoq nalunaarasuartaateqarnermi suliaqartunik suliffeqarfinit, matumani ilaalluni TELE-POST, Naalakkersuisut innersuussutininik aallertarnissamut suliaqassasut.</p>
	<ul style="list-style-type: none"> • § 16 aamma § 17: Isumalluutissanik amigaateqartoqarpat, aammalu tamanna Naalakkersuisunit piumasarineqanngippat, Nalunaarasuartaateqarnermut Aqutsisoqarfiup ukiumoortumik nalunaarusiortussaanerata atorunnaarsinneqarnissaa eqqarsaatigineqarli. Tamanna aamma 	<p>Inatsit (§ 17 imm. 8) aamma nassuiaatit naqqissornerqarput. Naalakkersuisut ineriartornermut malinnaassappata, Nalunaarasuartaateqarnermut Aqutsisoqarfiup ukiumoortumik nalunaarutai pingaaruteqarput. Nalunaarutip tamanut ammasumik saqqummiunneqarnissaanut pisussaaffiliisoqanngilaq.</p>

Tusarniaaffiusoq	Tusarniaanermi akissuteqaatip imaqarniliornera	Tusarniaanermi akissuteqaatinut oqaaseqaatit
	<p>Nalunaarasuartaateqarnermi Maalaaruteqaartarfimmut atuutissaaq.</p>	<p>Nalunaarasuartaateqarnermi Maalaaruteqartarfik ukiumoortumik nalunaarummik immikkoortumik saqqummiussisussaangilaq.</p>
	<ul style="list-style-type: none"> • § 23: Oqaatigineqarpoq nalunaarasuartaateqarnermi kiffartuussineq ilaatigut tassaasoq PSTN/ISDN aqqutigalugu internetimut attaveqartoqarsinnaasoq, taannalu pisoqalisimavoq. Immikkoortumi kingusinnerusukkut attaveqaat nammattoq nalunaarasuartaatitigut sullissinertut nalinginnaasutut nassuiarneqarpoq, kisiannili attaveqaat nammattoq attaveqaatinut ilaavoq. 	<p>Nassuiaatit naqqissorneqarput.</p>
	<ul style="list-style-type: none"> • § 23, imm. 1 - nassuiaatit: Oqaaseqatigiit ” Akuersissutit pillugit aalajangersakkat akuersissummik pigisaqartup Kalaallit Nunaat tamakkerlugu assigiinnik atugassaqartitsilluni nalunaarasuartaatitigut sullissinernik tuniniagaqarnissamut pisussaaffilerneqarneranik imaqarput” ima paasineqarsinnaapput nuna tamakkerlugu nalunaarasuartaateqarnermi kiffartuussinernut akit assigiit atuutissasut. Tamannali pissutsinut piviusunut atuuttunut naapertuutinngilaq, inatsisip 	<p>Allannguinnissamut tunngavissiiingilaq. Isorliunerusut patajaallisaaffigineqarnissaat politikikkut kissaatigineqarsimavoq. Tamanna siunertat ilagisimavaat Inatsisartuni UPA16-imi imm. 119-ip oqaluuserinerani.</p>

Tusarniaaffiusoq	Tusarniaanermi akissuteqaatip imaqarniliornera	Tusarniaanermi akissuteqaatinut oqaaseqaatit
	<p>ilaanut ilaatigut assersuutigalugu nunalerisut avinngarusimasumiittut immikkut atugassaqartinnissaat pillugu aalajangersagaqarpoq, imaluunniit Naalackersuisut 2014-imi akissaatit assigiinngitsut atuuffiinik eqqussiniarlutik aalajangernerat. Aalajangersakkami qulakkeerneqassaaq nalunaarasuartaateqarnermi pisisartut najukkami tassaniittut nalunaarasuartaateqarnermut atassusernerinut akit atungassarititalu assigiinnissaat.</p>	
	<ul style="list-style-type: none"> • § 30: Oqarasuaatit akiliilluni atorneqarsinnaasut TELE-POST-ip atorunnaarsereernikuuai nalunaarasuartaateqarnermullu inatsimmut 2017-imeersumut taakkuninnga innersuussisaqattaarnerit isumaarunnikuupput. 	<p>Nassuiaatit naqqissorneqarput. Oqarasuaatinut akiliilluni atorneqarsinnaasunut innersuussutit peerneqarput. Oqarasuaatinut aningaasanik ikisilluni atorneqartartunut innersuussutit peerneqarput. Aalajangersagaq oqarasuaatinut akiliilluni atorneqarsinnaasunut assingusunut allanut atuutsinniarlugu pigiinnarneqarpoq.</p>
	<ul style="list-style-type: none"> • § 32: ISDN-imut attaveqaat atorunnaarsikkiartuaarneqarpoq kiffartuussinerillu IP-mut nuukkiartorluni. Kiffartuussinernut ukiut pingasuniit tallimanut qaangiuppata atorunnaartussatut naatsorsuutigineqartunut innersuussinissaq 	<p>Nassuiaatit naqqissorneqarput.</p>

Tusarniaaffiusoq	Tusarniaanermi akissuteqaatip imaqarniliornera	Tusarniaanermi akissuteqaatinut oqaaseqaatit
	isumaqanngilaq.	

Siunnersuummi aalajangersakkanut ataasiakkaanut oqaaseqaatit*§ 1-imut*

Imm. 1-imut

Aalajangersakkami Namminersorlutik Oqartussat "Kalaallit Nunaanni aamma Kalaallit Nunaannut Kalaallillu Nunaanniit" nalunaarasuartaatitigut attaveqarnermi kisermaassinerannut aallaaviusut nassuiarneqarput. Inatsimmi nunap iluani nalunaarasuartaatitigut attaveqarnermi sullissinerit tamarmik, kiisalu Kalaallit Nunaanni atortulersuutit nunanut allanut nalunaarasuartaatitigut attaveqarnermut atorneqartut pineqarput.

Aallaaviatigut Namminersornerullutik Oqartussat nalunaarasuartaatitigut "Kalaallit Nunaanni aamma Kalaallit Nunaannut Kalaallillu Nunaanniit" attaveqaqatigiinnermi akunnermuliuttutut sullissinernik tamanik kisermaassisuupput, tassunga ilanngullugit nalunaarasuartaatitigut attaveqaqatigiinnermut atortunik sanaartorneq ingerlatsinerlu.

Aalajangersakkamik unioqqutitsinermi pillaatitut akiliisitsinermik pineqaatissiisoqarsinnaavoq, tak. § 34.

Imm. 2-mut

Nr. 1

Radiukkut attaveqaqatigiinneq aamma radiukkut allakaatitsinermi frekvensinik agguaneq Danskít Naalagaaffiannit isumagineqarpoq.

Nr. 2

Imaatigut ajunaalernerni isumannaallisaanermilu sullissinerit Danskít Naalagaaffiannit isumagineqarpoq.

Imm. 3-mut

Nr. 1

Suliffeqarfiit iluanni atortulersuutinik ikkussuineq aatsaat pisortat nalunaarasuartaatinut attaveqaataasigut matussusersinnaanngisaannik immikkut pisariaqartitsinermi pisinnaavoq. Tamatumunnga pisinnaasamik pisortallu nalunaarasuartaatitigut atassuteqarnermi atortulersuutaanni tamanit atorneqarsinnaasuni atuinermik naammattumik qulakkeerinissamik kissaateqarneq tunngaviuvoq.

Kommunit naalagaaffiullu oqartussaasa iluminni attaveqaataat immikkut pisariaqartitanut atorineqartut Namminersorlutik Oqartussat kisermaassisussaataitaneranni ilaatinneqanngillat. Aalajangersagaq Naalakkersuisut Inatsisartulluunniit iluminni attaveqaataannut malittarisassiuussinngilaq, taakku attaveqaatit kisermaassisussaataitanermini ilaatinneqareermata.

Nr. 2

Suliassaqarfiit arlallit Namminersorlutik Oqartussat kisermaassisussaataitanerannut ilaatinneqanngillat. Tassalu kisermaassinermi illuutip ataatsip imaluunniit illuutit arlallit piginnittumit ataatsimit pigineqartut ilaatinneqanngillat. Illuut ataaseq matumani inoqutigiittut ataatsit paasineqassaaq, taamaattumillu illuut ataaseq inoqutigiinnit arlalinnit najorneqartoq, intasit manna malillugu illuutit immikkoortut arlalittut, taakkulu akornanni Namminersorlutik Oqartussat attaveqaasersuinissamut kisermaassiffigisaattut isigineqassaaq. Taamatuttaaq kisermaassinermut illoqarfiup nunaqarfiulluunniit ataatsip iluani illuummi ataatsimi imaluunniit illuutini arlalinni piginnittumit ataatsimit pigineqartuni, soorlu suliffissuit suliffeqarfiillu imaluunniit sullissiviit arlalinnik immikkoortortaqartut imaluunniit siaruarsimasunik suliffiutillit killeqarfiisa iluanni atorineqartuni sanaartukkat ilaatinneqanngillat. Attaveqaatit taakku illuutiniittut immikkut pisariaqartitanik naammassinninnissaannut piumasaqaateqanngilaq.

§ 2-imut

Imm. 1-imut

Nalunaarsuartaateqarnikkut peqqussutip § 2-ani aalajangigaq atorineqarsinnaavoq kisermaassiffigisap ilaaniittut ammanerulernissaannut, piumasaqaatit immikkut ittut naammassineqarpata.

Aallaavigineqarpoq nalunaarasuartaateqarnikkut sullissinerit tamanut ammaanneqarsinnaasut, kisianni nalunaarasuartaateqarnikkut attaveqaqatigiinnerup immikkoortui sorliit tamanut ammaanneqarsinnaanersut killeqarluni. Assersuutigalugu ratiukkat attaveqarfiit uiguleriaat, immap naqqatigut kabeli aamma illoqarfiit nunaqarfiillu iluini kabelikkut attaveqaatit tamanut ammaanneqarsinnanngillat.

Aalajangersakkami Naalakkersuisut Namminersorlutik Oqartussat kisermaassiviisa ilaanni ammanerulersitsisinaanermut piginnaatinneqarput. Nalunaarasuartaatitigut sullissinermini maannamut ammanerulersinneqarsimasumi internetikkut sullissineq kisiartaavoq.

Taamaattorli attaveqaatinik, tassalu ratiokædemik, qaammataasanut attaveqaatinik, kabelinik datasysteminillu ammanerulersitsineq inatsisinut allannguutissaq, Inatsisartunit suliarineqartoq atornagu pisinnaanngilaq.

Nalunaarasuartaatitigut kiffartuussinerit alloriarnerni assigiinngitsuni ammanerulersinnissaat Inatsisartut inatsisaanni § 2, imm. 1-imi inatsisitigut tunngaveqarpoq.

Tamanna kinguneqarpoq nalunaarasuartaatitigut kiffartuussinerit niuffaffiit ammanerulersinneqarsinnaanerit. Internetsikkut kiffartuussineq maanna kisimi ammaanqarsimavoq, takuuk skema qupperneq 7-mi, kiffartuussinerillu allat ammaanqarnissaat politikikkut kissaatigineqanngilaq. Internetikkut sullissinermik ammanerulersitsinermi Naalackersuisut niuerfimmik misissueqqissaarnermik suliaqartitsisarput. Suliap ingerlanerani akuersissummik pigisaqartoq niuerfimmilu sullissisut allat tusarniaaffigineqartarput. Nalunaarasuartaateqarnermut Aqutsisoqarfik Naalackersuisut sinnerlugit suliama ataqatigiissaarisuunissamut qinnuigineqarsinnaavoq. Suliniuteqarnermi misissueqqissaarnerit naammassippata, Naalackersuisut isummernissaannut tunngavissiaq suliarineqassaaq, tassunga tusarniaanermi akissutit ilanngunneqassallutik. Tamatuma kingorna ammanerulersitsinissap ingerlateqqinneqarnissaa politikikkut kissaatigineqarnerisooq unitsinneqassanersorluunniit aalajangiiffigineqassaaq. Nalunaarasuartaateqarnermi sullissinermik ammanerulersitsineq tamanut ammasumik saqqummiunneqassaaq, tamatumalu kingorna nalunaarusiortoqassalluni.

Nalunaarasuartaateqarnikkut peqqussutip § 2, imm. 1-atigut aamma 3-atigut pilersinneqarpoq nalunaarasuartaateqarnikkut peqqussutip § 2, imm. 1-ata aamma ikkuffeqanngitsumik attaveqatigiinnerup § 2, imm. 3-miittup tamanut ammaneqarnerisa imminnut ataqatiginissaasa periarfissinnerat, tassami sullissinermik neqerooruteqartoq periarfissinneqarmat uiguleriiaat nalillit annerusut nakkutigissallugit, t.i. annertuukkuutaarlugit amma annikitsukkuutaarlugit niuffaffimmi illoqarfinni nunaqarfinnilu ataasiakkaani ikkuffeqanngitsumik niuffaffimmi.

Internetsikkut sullissineq kisiat tamanut ammaanqarpat (§ 2, imm. 1) assersuutigalugu sullissisup attaveqatigiinneq tamaat akuersissuteqarluni sullissisumit pisiarisariaqassavaa sullissisinnaajumalluni.

Ammanerulersitsisoqassappat, tak. § 2, imm. 1, nalunaarasuartaatitigut sullissinermik ammanerulersitsineq teknologiip ineriartornerata periarfissiiffigisaani pisariaqartinneqarnerisooq Naalackersuisut naliliinerminni eqqarsaatigissavaat, tamatumalu peqatigisaanik piumasarissallugu niuernikkut piumasaaqatit tunngavigalugit unammillertoqassasoq, nalunaarasuartaateqarnermi sullissinerup atuuttup pitsaanerusumik, sukkannerusumik akikinnerusumillu ineriartortinneqarnissaa eqqarsaatigalugu, imaluunniit ammanerulersitsinikkut sullissinernik neqeroorutigineqartartunik amerlanerusunik pilersitsisoqassanersooq, kiisalu innuttaasut sullissisut arlallit akornanni toqqaasinnaanissamut periarfissinneqanersut. Naliliinermi tamatuma ataatsimut inuiaqatigiinnut iluanaarutaanissaa pingaartinneqassaaq.

Imm. 2-mut

Aalajangersakkami erseqqissarneqarpoq, attaveqaatit, tassalu radiokæde, qaammataasanut attaveqaatit, kabelit datasystemillu ammanerulersitsisinnaanermut ilaatinneqanngitsut, tak. imm. 1. Atortut elektroniskiusut atorlugit attaveqaqatigiinneq tassaavoq radiukkut aamma nalunaarasuartaateqarnermi attaveqaatit atorlugit pilersuisut atuisullu akornanni attaveqaatit naapiffiisa (nettermineringspunkt) akornanni nipinik, assinik, allakkanik taakkuluunniit akuleriisillugit nassitsisarneq.

Imm. 3-mut

Aalajangersakkap atuutilerneratigut Naalakkersuisut illoqarfiup nunaqarfiulluunniit iluani atassuteqaatinik ledningeqanngitsunik ammanerulersitsisinissamut piginnaatinneqarput. Erseqqarinnerusumik taava oqaatigineqassaaq attaveqaatinut ledningeqanngitsunut atortulersuutinik nioqquteqarnermut tuniniaaneq taakkununga ilaalutik illoqarfinni ataasiakkaani nunaqarfiniluunniit nettit annertuumik nassiussuissutit. Illoqarfiit nunaqarfiillu akornanni atassuteqaatit ledningeqanngitsut atornerqarnerannik ammanerulersitsinissaq periarfissaqartinneqanngilaq. Tamatumani atortulersuutit akuersissuteqarfiusut pioreersut atornerqassapput.

Tuniniagaqartup namminerisaminik ledningeqanngitsunik atortulersuisinnaaneranut piumasqaatit marluupput. Siullermik atortut ledningeqanngitsut aallaavimmiit aallaavimmut imaluunniit aallaavimmiit aallaavimmut tamanut atuuttumut teknologiimik atuiffiusut tamatumani pineqassapput. Fiberit kabelilluunniit allat ikkussuunneqassanngillat, tamatumani pissutsit immikkut ittut pineqartinnagit, aamma nalunaarasuartaateqarnermi aqutsisut immikkut akuersissuteqartinnagit. Aappaattut atortunik ledningeqanngitsunik illoqarfiup nunaqarfiulluunniit ataatsip iluani taamaallaat ikkussuisoqarsinnaavoq.

Nalunaarasuartaateqarnikkut peqqussutip § 2, imm. 1-ani aamma imm. 3-ani taamaalilluni ammaanneqarpoq periarfissaq aalajangersakkat taakku marlukaallaavigalugit tamanut ammaassinissaq internetsikkut sullissineq aamma ikkuffeqanngitsumik attaveqaqatigiittarneq pillugit eqqarsaatigalugulu sullissinissamik neqerooruteqartut uiguleriaat nalillit ilaat annertunerusoq pigilersinnaagaat piumasqaatit, ileqqorineqartut § 2-llu kingunerisaanik killilersuinerit, taassuma ataniilluni ilaatigut sullissinermik neqerooruteqartut illoqarfiit nunaqarfiillu ataasiakkaat akornini attaveqaatiliisinnaanngimmata aamma illoqarfiit nunaqarfiillu ataasiakkaat iluini attaveqaatit ikkuffeqanngitsuussammata.

Ikkuffeqanngitsumik attaveqaqatigiinneq kisiat tamanut ammaanneqarpat § 2, imm. 1 tunngavigalugu sullissisoq taamaallaat annertuukkuutaanik tuniniaasinnaassaaq, internetikkut sullissinerit apeqqutaatinnagit.

Pissutsinut immikkut ittunut, netværkinik kabelit atorlugit attavilikkanik pilersitsinissamut immikkut akuerineqarnermik nassataqarsinnaasunut ilaatigut assersuutaasinnaavoq suliffeqarfik

illuni sanileriinni marlunni inissisimasoq, illullu marluusut taakku akornanni kabelit atorlugit attaviliinissamut periarfissisoqarsinnaavoq, suliffeqarfiup iluani attaveqaatit ataatsimut kattunneqarnissaat siunertaralugu. Taamaalillunilu suliffeqarfiup illoqarfimmi nunaqarfimmiluunniit ataatsimi arlalinnik illuuteqarnera peqquitiinnarlugu netværkimik annertunerusumik pilersitsinissamut immikkut akuersissuteqartoqassanngilaq.

Aammattaaq ataatsimut illusimatitsinernut, tuniniagaqartut allat akuersissummik pigisaqartup illuutaani inissisimasuteqarfigisaannut (illumut) atatillugu kabelinik attavilersuinissamut immikkut akuersissuteqartoqarsinnaavoq. Tamatumani tuniniagaqartut illumi atortuutimik akornanni kabelit atorlugit attaviliisinnaanerinut immikkut akuersissuteqartoqarsinnaassaaq.

Tuniniagaqartut namminneerlutik atortutik ledningeqanngitsut sullitaminnut atorsinnaassaneraat Naalakkersuisunit aalajangerneqarsinnaavoq. Tuniniaanermut akuersussutinik Nalunaarasuartaateqarnermi Aqutsisut suliarinnittarpuq.

Atortut ledningeqanngitsut atorlugit atortulersuutinut akuersissuteqarfiusunut imaluunniit tuniniagaqartut allat atassuteqaataannut ledningeqanngitsunut atassuteqartitsisinnaanermi illuatungeriit akunnerminni namminneq piumassusertik tunngavigalugu isumaqatigiissusiorneri apequtaassapput. Illuatungeriit isumaqatigiissinnaanngippata Naalakkersuisut ataatsimut atassusiinermut (ataatsimut atassuteqarnermut), tassalu sullissisut akunnerminni ataatsimut atassuteqarnerinut akigititassanik aalajangersaasinnaapput, illuatungeriit aappaat tamatumunnga qinnuteqarpat qinnuteqaallu naammaginarpat. Atuisartoqarnermut aamma Unammilleqatigiinnermut Aqutsisoqarfimmit naliliissaaq.

Imm. 4-mut

Immikkoortoq nutaajuvoq. Najukkami radioqarfiit tv-qarfiillu arlallit nassitsissutinik, siusinnerusukkut akuersissummik pigisaqartumit TELE-POST-imit pigineqarsimasunik tigusinerini suliassalersut ammanerulersinneqartut inatsisinik malinnittunngortinnissaat siunertarineqarpoq. Nassitsissutit tassaapput najukkami nassitsissutit, aallakaatitanik illoqarfinni nunaqarfimmi luunniit ataasiakkaanik nassiussuisut, kiisalu illoqarfiit nunaqarfiillu akornanni radiukkut tv-kkullu aallakaatitanik siaruarterisut. Taamatut inatsisinik malinnittunngortitsinissaaq akuersissumik pigisaqartumit taparserneqarpoq.

Imm. 5-imut

Aalajangersakkap nassatarisaanik Naalakkersuisut ammanerulersitsinermut maleruagassanik piumasaqaatinillu sukumiinerusunik aalajangersaasinnaapput. Tassani maleruagassiuunneqartussat tassaasinnaapput:

- Tuniniagaqartut nalunaarasuartaatigut attaveqaqatigiinnermut atortuinik atuinermut maleruagassanik aalajangersaaneq,

- nalunaarusiortussaataitanermik atuutsitsilerneq, tassanilu akuersissummik pigisaqartoq tuniniaasut kikkut ataatsimik atuinissamut isumaqatigiissuteqarfigineqarnersut pillugu Nalunaarasuartaateqarnermut Aqutsisoqarfimmut nalunaaruteqartassaaq, aammalu ataatsimut atuinissamut isumaqatigiissutip assiliner ilanngutissallugu, kiisalu
- normutigut isumalluutit ataatsimoortut killeqartullu atornissaasa aqunneqarnerannik iluarsineqartarnissaannilluunniit qulakkeerinissaq.

Taagukkat tamakkiisuunngillat.

§ 3-imut

Imm. 1-imut

Aalajangersagaq suliaasaqarfimmut maleruagassanik atuuttunik ingerlatitseqqinneruvoq. Aalajangersagaq Naalackersuisut apparatinik atortunillu pisortat nalunaarasuartaatitigut attaveqarnermut atortulersuutaannik atuisarnermik ammanerulersitsisinnanerat tunngavissiuunneqarpoq. "Apparatit atortullu" pineqartut tassaapput atortut, paasisutissanik nassitsinissaq tigusinissarlunniit eqqarsaatigalugu toqqaannartumik toqqaannangitsumilluunniit nalunaarasuartaateqarnermi pilersuisut atuisullu akornanni attaveqaatit naapiffiinut (nettermineringspunkt) atassusiinissamut naatsorsuussat.

Tamatuma saniatigut aalajangersakkakut atortulersuutit immikkut siunertaqarluni pilersinneqartut, soorlu kalerrisaariviup sullissinerani tillinniartoqarneranut kalerrisaarutit, ikuallattoornermut kalerrisaarutit kisassutsillu allanngornerani kalerrisaarutit, pisortat nalunaarasuartaatitigut atassuteqaatit atungikkaluarlugit ingerlanneqarsinnaaner atajornarunnaarsinneqarpoq, taamaattumillu Namminersorlutik Oqartussat kisermaassineranut ilaatinneqaratik.

Imm. 2-mut

Tassani pingaarnertut tunngaviuvoq radiunut nalunaarasuartaateqarnermilu terminalinut atortut, Kalaallit Nunaanni frekvensinik atuisinnaasut tamarmik Danmark-imit akuerineqarsimasussaanerat, tak. ratiunut frekvensit pillugit Kalaallit Nunaannut inatsisip atuutilernissaa pillugu peqqussummi nr. 38-mi, 23. januar 2004-meersumi § 7.

Nukissaqarnermut, Pilersuineranut aamma Silap pissusaanut (Energistyrelsen) ministereqarfiup peqqussummi § 7, imm. 2-mi allaffissornikkut maleruagassat naapertorlugit inatsisit malillugit atortut Danmarkimi akuerisaasut saniatigut atortut suut Kalaallit Nunaanni frekvensinik atuisarnermut ilaatinneqassanersut pillugu aalajangersaanissamik piginnaatitsissummik Namminersornerullutik Oqartussanut suliaqinera tassani pineqangilaq.

Aammattaaq Nukissaqarnermut, Pilersuinermut aamma Silap pissusaanut (Energistyrelsen) ministereqarfiup radiofrekvensinik atuinissamut akuersissuteqartarnermut maleruagassiorsinnaatitaanermut piginnaatitsissut Namminersorlutik Oqartussanut suliakkiissutigaa, tassunga ilanngullugit apparatinik atortunillu, nalunaarasuartaatitigut attaveqaqatigiinnermut atorneqartunik ilusilersuineq, naammassinninneq, inissiineq, ingerlatsineq atuinerlu, tak. peqqussummi § 8 naapertorlugu allaffissornikkut maleruagassiarineqartut.

§ 4-imut

Imm. 1-imut

Imm. 1-imi nalunaarasuartaatitigut sullissinerit isumaat killilersorneqarput. Killilersuutaasut amerlasuunik tunngavissallit tamatumani pineqarput, killilersuinerullu kingunerisaanik nalunaarasuartaateqarnermi sullississutit tassaalerput radiukkut nalunaarasuartaatitigullu atassuteqarnermut teknikki atorlugu nipinik, assinik, allakkanik taakkuluunniit akuleriisillugit atortutitigut elektroniskiusutigut atassuteqaqatigiinnermut ingerlaartitsisarnerit tamarmik.

Annertuumik killilersuinissaq ineriartornermi pisariaqartinneqalersimavoq, taamaalillunilu nalunaarasuartaatitigut sullissinerup killilerorneqartarnera nalinginnaasoq pisoqalisimalluni. Nassuiaammi nalinginnaasumik mobilinut oqarasuaatinullu attaveqaatit aqputigalugit oqaluussinerit qarasaasiatigullu attaveqaqatigiinnerit aqputigalugit piffissamut naleqquttumik nuussisarnerit tunngavigineqarput. Ineriartornermi aallaaviit ataatsit (suliat assigiinngitsut assigiimmik ineriartornerat) atorlugit sullissinerit amerliartorput.

Taaguutip ilusilerneqarnerani aamma nipinik assinillu aammalu taakku kattullugit nuussisarneq ilaatinneqarpoq, tassalu attaveqaatit naapiffii aqputigalugit qarasaasiakku imaluunniit bit-inik nuussisarneq qanorluunniit ittoq, taassuma ataani attaveqaatit naapiffii aqputigalugit ilaatigut paasissutissiisarnermut imarisanullu sullissinernik, ilaatigullu radiukkut TV-kkullu aallakaatitanik nuussisarneq.

Tamatununga atatillugu taaguut nalunaarasuartaatitigut sullissinernut, imarisamikkut assigiinnik ataatsikkut atuisunut assigiinngitsorpasuaranut siumoortumik amerlassutsimikkut killiligaanngitsunut, tassalu sumiiffimmit ataatsimiit sumiiffinnut amerlasuunut sullissineq, nassiussisarnermut, aamma nalunaarasuartaatitigut sullissinernut, atuisut marluk amerlanerusulluunniit, tassalu sumiiffimmit ataatsimiit sumiiffimmut ataatsimut atassuteqaqatigiinneq, immikkut ittumik atassuteqaqatigiiffiusunut, taamaalillunilu nassiunneqartunut, soorlu illuatungeriit marluk amerlanerusulluunniit akornanni oqarasuaatikkut oqaloqatigiinnermut, e-mailimut assigisaanulluunniit aalajangersimasumut tunngatinneqarpoq. Tassalu tamatumani siumuinnaq attaveqarneq, soorlu radiukkut/tv-kkut aallakaatitanik atuisunut

nuussisarneq, imaluunniit siumut utimullu attaveqarneq, soorlu e-mailikkut atassuteqaqatigiinneq tamatumani pineqarnerseq apeqqutaanngilaq.

Kisianni paasissutissiisarnermi imarisatigulluunniit sullissinerpiaq nalunaarasuartaatitigut sullissinernut isumasiuinnermut ilaatinneqanngilaq. Tamannattaq radiukku TV-kkullu aallakaatitsinerpiamut imaluunniit ingerlatitseqqilluni tunisinissaq siunertaralugu radiukku TV-kkullu aallakaatitassanik arlalinnik "poortuinnermut", kiisalu atortunut elektroniskiusunut ilitsersuutiniq tuniiaqarnermut assigisaanilluunniit programminik killilersuinnermut atuuppoq. E-postadressenik imaluunniit webhotelinik tunisisarneq imminermini nalunaarasuartaatitigut sullissinertut isigineqarneq ajorpoq. Tamatuma saniatigut nalunaarasuartaatitigut attaveqarnermik/nuussisarnermik tuniiaqartoqarnerseq tamatumani pingaerneruvoq.

Nalunaarasuartaatitigut sullissinerit pisut amerlanerpaartaanni atuisunut tunisassiaasarput aalajangersimasut, soorlu tunisassiat assigiinngitsorpasuit ullumikkut ingerlatseqatigiiffinit tuniagarineqartut, kisiannili aamma tunisassiaallutik nalunaarasuartaatitigut atassuteqarnermi atortulersuutiniq imaluunniit nalunaarasuartaatitigut sullissinernik tuniiaqartunut allanut tuniiaqartut.

Nalunaarasuartaatitigut kiffartuussinerit pisuni arlalinni piviusumik naggataatigut atuisunut nioqqutissiapput, soorlu assersuutigalugu nioqqutissiat assigiinngitsorpasuit arlallissuit, telemik ingerlatseqatigiiffiit ullumikkut tuniagarigaat, kisiannili aammattaq tassaasinnaapput tuniiakkat, nalunaarasuartaatikkut attaveqaatiniq imaluunniit nalunaarasuartaatitigut kiffartuussiviit allat tuniiaasut tuniiaqat.

Imm. 2-mut

Imm. 2-mi periaaseq arlalinnut tunngasoq annertoq alla atuutsinneqalerpoq, tassalu attaveqaatit naapiffiat (nettermineringspunkt). Peqqussutissat siunnersuummi matumani aalajangersakkanut atatillugu tamanna nalunaarasuartaatitigut attaveqaatit ilusilersugaaneranni atortulersuutit imaluunniit atortut naaffii atuisup atassusiivigisassaatur paasineqassaaq.

Nalinginnaasumik attaveqaatit naapiffiat oqarasuammut ikkuffittut aalaakkaasumik ikkunneqarsimasutut, oqarasuaat atuisutullu normup kisitsisita arfinillit atorlugit atuisup nalunaarasuartaatitigut atassuteqarnermut atortulersuutiniq atuisinnaatitaaffigisaatur, atassuteqaatitigullu atuisut arlaannut atassuteqarnissamut kinaassusersiviusartutut isigineqartarpoq.

Nalunaarasuartaatitigut atassuteqarnermut atortuni attaveqaatit naapiffii taamaattut aamma oqarasuaatinut ikkuffiit nalinginnaasut saniatigut allanik ilaqarsinnaapput, taassuma ataani pineqarlutik ikkuffiit, qarasaasiakku atassuteqarnermut modeminut assigisaannulluunniit atassuseeriaatsinik assigiinngitsunik atuinissamut ajornarunnaarsitsisut.

Siuliani nalunaarasuartaatitigut sullissinernut taaguutit amerlasuunik tunngavilittut taaneqartut atorlugit atassuteqaatit katersuuffiat aammattaq sumiiffimmit ataatsimii sumiiffinnut amerlasuunut sullississutinik assigiinngitsunik tiguisinnaasunik ikkuffeqarput, taakku ataanni radiukkut tv-kkullu aallakaatitsisarneq pineqarluni. Tassalu dekoderinut, radiunut tv-nullu aammalu assigisaannut atassusiinissaq pisariaqartinneqarsinnaavoq.

Tamatuma saniatigut atassuteqaatit katersuuffiat, tassalu atuisup atassuteqaatillu akornanni aallaavik ullumikkut atuisutut normutut nalinginnaasutut arfinilinnik kisitsisitalittut, nassiussat atassuteqaatit aqqutigalugit atuisumut apuunnissaannut kinaassusersiutitut atorneqartartut tassaasariaqangilaq. Tamatumunnga taarsiullugu taanna atassuteqaatini adresseusinnaavoq, soorlu domænenavn, web- imaluunniit e-postadresse, taamaattumillu atassuteqaatit katersuuffiisa marluk akornanni nalunaarasuartaatitigut nassiussat soorlu atuisup qarasaasiaanniit nittartakkamut, tassanilu nittartagaq atuisup allap atassuteqaatini "adresse"-ussaaq, atassuteqaatini sumiissusersineqartumut atassuteqarnerusinnaavoq.

Kiisalu attaveqaatit katersuuffianni nassuiaatip ilaatut imarisaasoq tassaasinnaavoq atassuteqaatip atortunut angallattakkanut sullissinermik atuinissaq siunertaralugu pilersinneqarsimasup ilaa, taamaattumillu sumiiffimmuut aalajangersimasumut inissitaanngitsoq, kisiannili atortut angallattakkat ilagisaa atuisumit atorneqartoq, assersuutigalugu taanna SIM-kortiusinnaavoq, atortunut angallattakkanut terminalinut ilaasoq.

Naalakkersuisut imm. 2-mi pineqartut qanoq paasineqarnissaannut sukumiinerusunik maleruagassiornissamut piginnaatinneqarput.

Taakku taaguutaat teknologiimut immikkut tunngasuullutik assigiinngitsorpasusinnaapput, tak. angallattakkanut GSM900-mut aamma GSM1800-mut terminalit, SIM-kortimut teknologiimik tunngaveqartut analogiusut digitaliusullu, TETRA- (Terrestrial Trunked Radio Access) aamma UMTS-terminalit (Universal Mobile Telecommunications System) teknologiillu allat suli ineriartortinneqanngitsut assigiinngissutaat.

Imm. 3-mut

Nalunaarasuartaateqarnermut maleruagassiuussisarnermi pisuni ataqatigiinni arlalinni atuisut aamma nalunaarasuartaatitigut atassuteqarnermut atortunik/ nalunaarasuartaatitigut sullissinernik tuniniagaqartut immikkoortinneqarput.

Atuisut tassaapput nalunaarasuartaateqarnermi attaveqaatinik/nalunaarasuartaateqarnermi sullississutinik atuisut, atuinermi peqatigitillugu nalunaarasuartaateqarnermi sullissinernik tuniniaaqinneq ajortut. Immikkoortinneqarnerat pingaartumik nalunaarasuartaatitigut

maleruagassiuussinermi kikkut illersorniarneqarsut immikkoortinneqartarnerinut atatillugu pingaaruteqarpoq.

Atuisut nalunaarasuartaatitigut atassuteqarnermut atortunik imaluunniit nalunaarasuartaatitigut sullissinernik tuniniagaqartunut sanilliullugit nassuiarneqarput. Atuisut tassaasinnaapput nalunaarasuartaatitigut atassuteqarnermut atortunik imaluunniit nalunaarasuartaatitigut sullissinernik atuisut inuussutissarsiutinik ingerlataqartut taamatullu inuussutissarsiutinik ingerlataqanngitsut, taassuma ataani pineqarlutik sullitat angisuut assigisaalluunniit, aalajangersimasumik annertussuseqartumik namminneerlutik nalunaarasuartaateqarnermi atassuteqaatissaminnik pilersitsiniarlutik, nassitseqatigiittarnissarlu eqqarsaatigalugu pisortat nalunaarasuartaatitigut atassuteqarnermut atortuinut attaviliiniarlutik aalajangersimasut.

Aammattaaq paasissutissiisarnermi imarisatigullu sullissinernik tuniniagaqartut atuisutut isigineqartarput. Tamanna aamma assersuutigalugu radiukkut tv-kkullu aallakaatitsisarfinnut suliffeqarfinnullu allanut attaveqatigiinnissamik immikkut pisariaqartitsisunut atuuppoq.

§ 5-imut

Imm. 1-imut

Aalajangersagaq manna naapertorlugu Naalackersuisut atortulersuutinut aamma nalunaarasuartaatitigut atassuteqarnermut atortut terminalillu ingerlanneqarnerinut, kiisalu nalunaarasuartaatitigut sullissinerit tuniniarneqarnerinut akuersissuteqarnissamut piginnaatinneqarput. Akuersissut nalunaarutigineqartoq nunami sumiiffinnut killilikkanut killilerneqarsinnaavoq, taamaattumillu tuniniagaqartut assigiinngitsut nunami sumiiffinni assigiinngitsuni niuernerup ilaanik ingerlatsisut akuersissuteqarnermik nalunaarfigineqarsinnaapput.

Tassani aamma imarsiornermi sullissinerit, taamaattorli tak. § 1, imm. 2.

Imm. 2-mut

Naalackersuisut aalajangersinnaapput sullissinerit § 2, imm. 1-imi aamma 2-mi taaneqartut kiisalu apparatit atortullugu § 3, imm. 1-imi taaneqartut ammanerulersinniarlugit, taakkunungalugu qaammataasat ilaatinneqarput. Tamanna pissappat maanna akuersissummik pigisaqartup pisinnaatitaaffiinumit sunniuteqartussaavoq. Akuersissummik pigisaqartup taamatut ammanerulersitsineq, taamaalillunilu kisermaasisussaataaffigisami annikillinerat sapinngittussaavaa. Akuersissummik pigisaqartoq ammanerulersitsinermut imaluunniit akuersissutinik arlalinnik tunniussinermut atatillugu suliassat annikillinerisa kingunerisaanik akuersissummik tunineqarnissamut pisinnaatitaaffeqanngilaq. Aningaasaqarniarnikkut annertuumik allannguutit akuersissummik pigisaqartumut sunniuteqaataasa, akuersissummut isumaqatigiissutitugut allannguinnissamik pisariaqartitsilersinnaaneqmik kingunerisinnaavaa.

Imm. 3-mut

Naalackersuisut allaffissornermi maleruagqusani akuersissummut maleruagassanik piumasaqaatinillu sukumiinerusunik aalajangersaanissamut pisinnaatinneqarput, tassunga ilanngullugu nr. 1-7-imi pissutsinut taaneqartunut maleruagassiornissaq.

Taagukkat tamakkiisuunngillat.

Nr. 1

Naalackersuisut nunap iluani sumi pisinnaassutsit qanoq ittut sullissinerullu qaffasissusia qanoq ittoq pilersuutigineqarsinnaassanersut pillugit piumasaqaataat, tassunga ilanngullugit sullissinerit pineqartut isumannaassusaat pitsaassusissaallu kiisalu annertussusissaat, kiisalu kikkut atortulersuutitut nakkutilliisuusanersut. Tamatumani inuiaqatigiit isiginneriaasiat aallaavigalugu inuiaqatigiit agguagaaneranni nunallu isorartussusiani pissutsit immikkut ittut apeqqutaatillugit nalunaarasuartaatitigut atassuteqaatinik piffissamut naleqquttunik akikitsunillu pilersuinissap qulakkeerneqarnissaa pingaartinneqassaaq.

Nr. 2

Naalackersuisut akuersissummik pigisaqartup kisermaassiffiini akinik aalajangersaanermut tamatumani tunngavissanut, kiisalu atuisunut piumasaqaatinut akuersissuteqarnerat. Tamatumani inuiaqatigiit isiginneriaasiat aallaavigalugu nalunaarasuartaatitigut sullissinermit akit aningaasartuutillu imminnut atanissaasa qulakkeerneqarnissaa pingaartinneqassaaq. Akit eqaannerusumik niuernernullu naleqqussakkamik ilusilerneqarnissaat, kiisalu akuersissummik pigisaqartup ukiunut arlalinnut pilersaarusiornissamut periarfissaasa pitsaanerulernissaat anguniarneqarsinnaavoq. Tamanna akuerseriaatsip akinik tunngavissanillu akuersisarnermiit akit "koorimiittut" malillugit akinik ineriartortitsinermik tamakkiisumik akuersisarnermut allangortinneratigut tamanna pisinnaavoq. Taannalu tassaavoq sullissinernut assigiinngitsunut akit kattutat, atuinertit nalinginnaasut malillugit missiliukkat, atuisunut akinik nalilersuutitut naleqqiussat, akinut ataasiakkaanut qaffaataasinnaasunut annertunerpaaffiliinikkut ilassuteqarsinnaasoq. Periaaseq taanna nunani allani misilittagaqarfigineqarluarpoq.

Nr. 3

Naalackersuisut akuersissummik pigisaqartup apparatit atortullu nalunaarasuartaatitigut attaveqatigiinnermut atortunut attavilerneqarsinnaasut pillugit maleruagassiornermut piumasaqaatinillu aalajangersaanermut peqataanissamut pisussaaffilerneqarnissaanut, kiisalu akuersissummik pigisaqartup atortunik ikkussukkanillu nakkutilliinissamut misissuisarnissamullu pisussaaffilerneqarsinnaaneranut maleruagassiorsinnaapput.

Nr. 4

Naalakkersuisunit suliassat immikkut ittut arlallit, akuersissummik pigisaqartup inuiaqatigiinnut kalaallinut sullissiffigisassai maleruagassiorneqarsinnaapput. Attaveqaateqarnermut atortut maanna atorveqartut atorlugit Kalaallit Nunaanni nunaqarfinnut taakkunanilu nalunaarasuartaatitigut atassuteqaatit imminnut akilersinnaasumik annertusineqarsinnaanngillat. Taamaattumik matumani akuersissummik pigisaqartup akissarsiutaanngitsumik imaluunniit toqqaannartumik amigartooruteqarfiusumik nalunaarasuartaatitigut atassuteqaatinik pilersuinissamik pisussaaffilerneqarsinnaanera periarfissinneqarpoq.

Imarsiornermi isumannaallisaaatitut sullissinerit suli naalagaaffimmi oqartussaasunit akisussaaffigineqarput, aammalu danskit naalagaaffiat suli isumannaallisaaanermi sullississutinut maleruagassiorussaapput, taamatullu taakku ingerlanneqarneri annertusarneqarnerilu akilertartussaallugit. Kisiannili imarsiorunut radiotelefonikkut, radiotelegrafiikkut qaammataasatigullu attaveqarnerit akuersissummut ilaatinneqarput, tamatumani aamma akuersissummik pigisaqartoq amigartooruteqarfiusumik sullissinernik ingerlataqarnissaanik pisussaaffiliinissamut periarfissaqarpoq.

Nr. 5

Pissutsini immikkut ittuni Namminersorlutik Oqartussanut aningaasartuutaanngitsumik nalunaarasuartaatitigut attaveqarnerup inuiaqatigiinnut pingaaruteqartup qulakkeerneqarnissaa atajuartinneqarnissaalu.

Akuersissummik pigisaqartup pisariaqartinneqartunik pilersaarusiornissaanik kiisalu pisuni immikkut ittuni nalunaarasuartaatitigut atassuteqarnermi atortulersuutit qulakkeerniarlugit iliuuseqarnissaanik pisussaaffilerneqarnissaannik Naalakkersuisut erseqqarinnerusunik malittarisassiorsinnaapput, aammattaaq tak. § 33 kiisalu tassunga nassuiaatit.

Nr. 6

Kalaallit Nunaata pisariaqartinneqartunut sunniuteqarnissaa aammalu nunami ilisimasanik nalunaarasuartaatitigut atassuteqarnermut iluaqutaasumik katersinissaq qulakkeerniarlugu akuersissummik pigisaqartoq nunat tamat akornanni nunallu iluani suleqatigiinnut peqataanissaanik pisussaaffilerneqarsinnaavoq.

Nalunaarasuartaatitigut atassuteqarnermi nunat tamat akornanni nunallu iluani suleqatigiinnerni aalajangikkanik malinninneq. Akuersissummik pigisaqartoq taamaalilluni nunat tamat akornanni nunallu iluani isumaqatigiissutinik malinninnissamut qulakkeerinissamik pisussaaffilerneqarsinnaavoq.

Nr. 7

Akuersissummik pigisaqartup ingerlatsineranik nakkutilliineq, tamatuma ataani naatsorsuusiortarnermi naatsorsuutinillu saqqummiussisarnermi periusissanik aalajangersaaneq,

taarsigassarsineq, kiisalu annertusiineq aserfallatsaaliuinerlu. Pissutsini tamaginni taakkunani akuersissummik pigisaqartup sullissinernik akuersissuteqarfiusunik innuttaasunut inuiaqatigiinnullu naammaginatartumik ingerlatsinera pillugu Naalakkersuisut ilisimaarinninnissaat qulakkeerneqassaaq.

§ 6-imut

Imm. 1-imut

Aalajangersakkami siunertarineqarpoq, akuersissummik pigisaqartup nunaminertanik atuineq pilersarusiornerlu pillugit Inatsisartut peqqussutaanni maleruagassat sukkulluunniit atuutsinneqartut naapertorlugit ikkussukkanik, kabelinik il.il. inissititerinerata taamaallaat pisinnaanissaa.

Imm. 2-mut

Inuiaqatigiinni kalaallini nalunaarasuartaatitigut atassuteqaatit piujuarnissaannik annertusarneqarnissaannillu tamanit soqutigisaasut piumasaqaataapput tunngavissaqarluartut. Taamaattumik akuersissummik pigisaqartoq pisinnaatitaaffeqarpoq nalunaarasuartaatitigut atassuteqaatinut atortunik, kabelinik, ledninginik sumiiffinnut namminersortunit pigineqartunut ikkussuinissamut, taamaattumillu inatsisitigut tunngavissaq manna ingerlateqqinneqarpoq, tamatumani tamatuma naammaginatartumik mianerinnilluni pinissaa piumasarineqarluni. Atortunik inissiinermi piginnittup atuisullu kissaataat eqqarsaatigineqassapput.

- Inissamik atuinerup killilersimaarneqarnissaa.
- Atortut ersinngitsumut inissitsiterneqarnissaat. Kabelit kabeleqarfittut qattuniliat pioreersut sinerlugit ikkussuunneqassapput, taamaalilluni isikkuisa allangortinneqannginnissaat anguniarneqassalluni.

Atortunut piginnittup/atuisup nammineerluni atugassaanut, soorlu pilersuisut atuisullu akornanni attaveqaatit naapiffiinut (nettermineringsspunkt) atatillugu akuersissummik pigisaqartoq aatsaat atortut inissisimaffissaat eqqarsaatigalugu piginnittup/atuisup kissaataanik naammassinninnissamut pisussaataaassaaq, tamanna atortut annertuumik amerlinerinik aamma/imaluunniit piffissamik atuineramik annertusititsissanngippat.

Imm. 3-mut

Akuersissummik pigisaqartup illuummut allamit, pisortanik namminersortunillu pigineqartumut isernissamik kissaateqartarnissaa naatsorsuutigineqarpoq. Akuersissummik pigisaqartup pilersarusiornermini sapinngisamik sumiiffimmi pineqartumi piginnittoq/atuisoq eqqarsaatigissavaa. Akuersissummik pigisaqartup eqqartuussisup aalajangigarinnngisaanik isersinnaatitaanerani nakkutilliineq aammalu nalunaarasuartaatitigut attaveqaatit atorsinnaanerisa

ingerlaannarnissaannik tunngaveqartumik sulinissaq killigitinneqarput. Nalunaarasuartaatitigut attaveqaatit atorsinnaanerisa ingerlaannarnissaat tamatumunnga atatillugu inuiaqatigiit annertuumik soqutigisaqarfigisaattut ima paasineqassaaq, nalunaarasuartaatitigut attaveqaatit ingerlalluartut ingerlatiinnarnissaat, aammalu akuersissummik pigisaqartup piginnittup atuisulluunniit pineqartup nalunaarasuartaatinut atortulersuutaasa akuersissummik pigisaqartumut isertitatigut iluanaarutaanissaat siunertaralugu soqutigisaqarfigisaatut pinnani.

Imm. 4-mut

Akuersissummik pigisaqartoq illuummik piginnittumut atuisumulluunniit akornusiinermut ajoqusiinermullu taarsiissuteqartarnermut inatsisit nalinginnaasut naapertorlugit taarsiisussaataitaavoq.

§ 7-imut

Aalajangersakkap kingunerisaanik akuersissummik pigisaqartoq siumoortumik isumaqatigiissuteqarfigeqqaarnagu suliassamik akuersissummik pigisaqartup ikkussugaanut, kabeliutaanut il.il. akornutaasinnaasumik ajoqutaasinnaasumillu aallartitsisoqaqqusaanngilaq. Suliassamik nalunaarasuartaateqarnermi ikkussukkanut kabelinulluunniit akornutaasinnaasunik ajoqusiisinnaasunilluunniit aallartitsisoqassappat akuersissummik pigisaqartup ilisimatinneqartarnissaa aalajangersakkami qulakkeerreqarpoq. Akuersissummik pigisaqartup suliassap akuersissummik pigisaqartup nalunaarasuartaateqarnermi atortulersuutaasa kabeliutaasaluunniit ajoqusiinngitsumik akornusersuutaanngitsumilluunniit sularineqarnissaat siunertaralugu suliffiutilik/illuummik piginnittoq suleqatiginarlugu isumaqatigiissuteqarfigissavaa.

§ 8-mut

Akornusersuinerit, maskiinat unittoornerat, kukkusumik sullissinerit il.il. atortulersuutunik pineqartunik atuisunut annertuunik kingunerluuteqarsinnaapput. Takku tassaasinnaapput suliffeqarfinni nalunaarasuartaatitigut attaveqaatinik atorsinnaasunik pinngitsuuisinnaanngitsuni ingerlatsinikkut annaasat, taamatullu aamma nalunaarasuartaatitigut atortulersuutini akornusersuutit kinguaattoornerilluunniit inuup inuuneranik annaasaqarnermik kinguneqarsinnaanerit eqqarsaatigineqarsinnaavoq, soorlu imarsiornermi ajunaalernermet sillimaniarnermuillu sullississutinut atatillugu atortulersuutit akornusersorneqarpata kinguaattoortinneqarpataluunniit.

Aalajangersakkami akuersissummik pigisaqartup atortuisa, Namminersornerullutik Oqartusat kisermaassinerannut ilaatinneqartut ingerlanneqarneranni akornusersuinerit, maskiinat unittoornerat, kukkusumik sullissinerit il.il. kingunerisaannut taarsiisussaataitaannginnissaa aalajangersarneqarpoq.

§ 9-mut

Imm. 1-imut

Naalackersuisut (pineqartumut) akuersissummik tigumiaqartut siulittaasua aamma siulittaasuata tullia naalackersinnaavaat Naalackersuisunut nalunaaruteqartussatillugit akuersissummik tigumiaqartup ingerlatsineranut tunngasunik. Akuersissut pillugu paasissutissat, akuersissummik pigisaqartup siulersuisuini siulittaasup siulittaasullu tullia Naalackersuisunut soqutiginarlutut, tak. imm. 2, naliliiffigisaasa saniatigut, Naalackersuisut siulittaasumut aamma siulittaasup tullianut paasissutissanik, Naalackersuisunut soqutiginaateqartutut isumaqarfigineqartunik tamanik paasissutissiinissamik pisussaaffiliisinaapput. Tassanilu aamma akuersissut pillugu paasissutissat politikikkut, aningaasaqarnikkut inuiaqatigiinnullu annertuumik isumaqanngitsut pineqarput, kiisalu aningaasaliinerit annertunerusut, naatsorsuuserinermut tunngasut aamma pisortaqaqarnermut siulersuisunullu ilaasortanut tunngasut.

Imm. 2-mut

Imm. 2-mi akuersissummik pigisaqartup siulersuisuini siulittaasoq taassumalu tullia pissutsit akuersissummut attuumassuteqartut, Naalackersuisunut soqutiginaatilittut isumaqarfigineqartut pillugit ilisimatitsisussaataanerit aalajangerneqarpoq. Pissutsit taakku tassaasinnaapput ingerlatseqatigiiffimmi, tamatuma ataani piginnittup, tassalu Namminersorlutik Oqartussat, aningaasaqarnernikkut ingerlatseqatigiiffimmut pingaaruteqartut. Aamma pissutsit tamatuma pineqartut tassaasinnaapput, inuiaqatigiinni innuttaasunut tamakkiisunut imaluunniit nunap immikkoortuinut immikkut ittunut pingaaruteqartut.

§ 10-mut

Nalunaarasuartaateqarnermut Aqutsisoqarfik akuersissummut pigisaqartumut nakkutilliinissamut annertuumik piginnaatinneqarpoq, aammalu atuisunut suliaasaqarfimmi pilersuisussaataanermilu nakkutilliisussaataalluni. Taamatuttaaq Nalunaarasuartaateqarnermut Aqutsisoqarfik suliat pillugit paasissutissineqarnissamik ujartuinissamut annertuumik piginnaatinneqarpoq.

Nalunaarasuartaateqarnermi Aqutsisut periarfissaqartariaqarput teknikkikkut misissuinissaminnut maleruagassat ingerlannerinut pisariaqartitsinerup nalilernera naapertorlugu, maleruagassat pineqartut tassaapput elektroniskiusumik attaveqatigiinnermi attaveqarfinnik imaluunniit kiffartuussinernik tunniussinermut atatillugu isumaqatigiissutit pillugit atuisartut tunngaviusumik pisinnaatitaaffiisa qulakkeernissaannut tunngasut.

Nalunaarasuartaateqarnermi Aqutsisut ataasiakkaanik tigusillutik misissuinnaatitaasariaqarput siunissami maalaarutit suliarinissannut atugassanik imaluunniit avataaniit ikiuisussanik qaaqqusisinnaassallutik.

Imm. 1-imut

Naalackersuisut nalunaarasuartaatitigut atassuteqarneq pillugu ilisimasariaqakkanik pilersorneqarnissaat qulakkeerniarlugu, Naalackersuisut nalunaarasuartaateqarnermi aqutsisuni nalunaarasuartaatitigut atassuteqarnermut suliatigut iliuusissatigullu ilisimasanik ineriartortitsisoqarnissaa pillugu maleruagassiuussisinnaapput.

Nalunaarasuartaateqarnermi Aqutsisut ilisimasanik katersineq aqutugalugu piginnaanilimmik qularnaatumillu siunnersuisinnaassaaq, imaluunniit minnerpaamik nunat tamat akornanni immikkut ilisimasalinnut paasissutissanik kissaatigineqartunik pissarsiniarsinnaassalluni. Tamatumani siunertaavoq nalunaarasuartaateqarnermi aqutsisut Naalackersuisunut qilersorsimanginnissaat, tak. § 11.

Naalackersuisut nalunaarasuartaateqarnermi aqutsisut suliassanik, imm. 2-4 naapertorlugu aqutsisunut suliakkiissutigineqartunik qanoq iliorlutik isumaginnittalernissaannut maleruagassanik sukumiisumik aalajangersaanissaannik piginnaatinneqarput.

Imm. 2-mut

Siunnersuusiornikkut suliassat amerlanersaannik Nalunaarasuartaateqarnermi Aqutsisunut, inatsisissanik siunnersuusiortartussanut inissiinissaq anguniarneqarpoq, taakkunungalugu ilaapput nalunaarutit pisariaqartut, naalackersuisut aalajangernissaannut tunngavissiissutissatut siunnersuutit. Kisiannili pisortaqarfik suli nalunaarasuartaateqarnermi aqutsisut tunniussaasa imaannut akisussaasuusaaq, taamaattumillu pisortaqarfik Naalackersuisunut Inatsisartunullu saqqummiussassanik inaarutaasunik isumaginnittuusassalluni.

Nr. 1

Nalunaarasuartaateqarnermi aqutsisut suliatigut iliuusissatigullu ilisimasatik tunngavigalugit nalunaarasuartaatitigut atassuteqarnermut tunngassuteqartuni tamani Naalackersuisunut siunnersuisassapput.

Nalunaarasuartaateqarnermi aqutsisut pisussaapput inuiaqatigiinni nalunaarasuartaateqarnermut politikkip ineriartornera pillugu naalackersuisoqarfimmut, nalunaarasuartaatitigut atassuteqarnermut akisussaasuusumut sukkulluunniit ingerlaavartumik ilisimatitsisassallutik. Pisariaqartitsisoqarnera paasineqarpat nalunaarasuartaateqarnermi aqutsisut pisussaapput suliniummut siunnersuummik, inatsisinik nalunaarutinillu nutaanik suliaqartoqarnissaanik, imaluunniit inatsimmi atuuttumi killissarititaasut iluanni politikikkut aalajangertoqarnissaanik qinnuteqaatitaqartinneqartumik akuerisassamik naalackersuisoqarfimmut nassiussissallutik, tassalu nalunaarasuartaateqarnermi aqutsisut siulliullutik suliniuteqartassapput.

Nr. 2

Tamatumani anguniagaavoq inatsisiliornissamut nalunaarusiornissamullu aammalu politikkikkut aalajangiinissamut pissusiviusut tunngavigalugit ilisimasanik politikkikkut aalajangiisartunut pilersuisinnaanissaq, taamaalilluni innuttaasut, suliffeqarfiit pisortanilu oqartussaasut tamarmik nalunaarasuartaatitigut atassuteqarnermik pitsaasumik, akikitsumik ullunullu naleqquttumik atuisinnaalersinneqassallutik, imaluunniit sullissinerit neqeroorutigineqartut amerlanerulersinneqassallutik, kiisalu innuttaasut sulisut arlallit akornanni qinigassaqarnissaat anguneqassalluni.

Nr. 3

Inatsisiliornissamut piareersaatit ilaattut nalunaarasuartaateqarnermi aqutsisut pisussaapput nalunaarasuartaatitigut atassuteqarnermi kisitsisitigut paasissutissanik katersissallutik, kiisalu nunap iluani taamatullu nunat tamat akornanni ineriartornermik malinnaassallutik.

Nr. 4

Naalackersuisoqarfimmit qinnuteqartoqarneratigut nalunaarasuartaateqarnermi aqutsisut inatsisiliornissamut piareersaasassapput, tamatumani Inatsisartunut nalunaarusiorsinnaapput inatsisiliassatullu kissaatigineqartunut Naalackersuisut isummernissaannut tunngavissiuussisinnaallutik.

Nalunaarasuartaateqarnermi aqutsisut nalunaarasuartaatitigut atassuteqarneq pillugu inatsisit, taakku ataanni peqqussutit nalunaarutillu, inatsisinut oqaaseqaatissat ilanngullugit suliarisassavaat.

Nalunaarasuartaateqarnermi Aqutsisut isumaqatigiisut malillugu tusarniaanerit pisariaqartut ingerlassinnaavaat aamma Naalackersuisunut inaarutaasumik aalajangiinissamut siunnersuusiussallutik, soorlu aamma allagaatinik takunnssinnaanermut qinnuteqarnerit naalackersuisoqarfiup isumagissavaa.

Naalackersuisoqarfik pineqartoq suli nalunaarasuartaateqarnermi aqutsisut tunniussaasa imaannut akisussaasuvoq, taamaattumillu pisortaqaarfik pineqartoq najoqqutassanik Naalackersuisunut Inatsisartunullu inaarutaasumik saqqummiussisarnermik isumaginnittuussaaq.

Taakku saniatigut nalunaarasuartaateqarnermi aqutsisut sinnerlugit Inatsisartuniit inunniillu apeqqutinut akissutissanik Naalackersuisunut naalackersuisoqarfimnullu siunnersuusiortassapput. Apeqqutit Nalunarasuartaateqarnermi Aqutsisunut nassiunneqassapput aperisumit uppernarsaatinik tunngavilersuinernillu ilallugit.

Nr. 5

Akuersissummik pigisaqartup siunnersusiaa tunngavigalugu nalunaarasuartaateqarnermi aqutsisut sumiiffimmi akuersissuteqarfiusumi aamma sumiiffinni pilersuisussaataaffiusuni

nalunaarasuartaateqarnikkut sullissinernut piumasaqaatissatut akigititassatullu siunnersuutit suliarissavaat. Assersuutigalugu sumiiffimmi akuersissuteqarfiusumi nalunaarasuartaateqarnikkut sullissinernut pioreersunut piumasaqaatit akilluunniit iluarsineqarnissaat pigisaqartup pisariaqartinneqarsinnaavoq. Aammattaaq nalunaarasuartaateqarnermi aqutsisut akuersissummik pigisaqartup siunnersuutaa tunngavigalugu nalunaarasuartaateqarnikkut sullissinerit nutaat akuersissummut ilaatinneqarpata, taakkununga piumasaqaatissanik akigititassanillu siunnersuusiussapput.

Tamatuma kingorna nalunaarasuartaateqarnermi aqutsisut naalackersuisoqarfimmut siunnersuusiussapput, tassanngaanniillu siunnersuutit naalackersuisunut akuersissanngorlugit saqqummiunneqassapput.

Nr. 6

Nalunaarasuartaateqarnermi aqutsisut akuersissummik, pilersuisussaataitanermik sullissisunullu allanut nakkutilliisuussapput. Nalunaarasuartaatitigut atassuteqarnermut atortut nalunaarasuartaatitigullu sullissinerit, atortunik taakkuninnga imaluunniit sullissinernik taakkuninnga kisermaassinermik ammanerulersitsiviunngitsut tamarmik akuersissuteqarfiusup ataani inissisimapput.

Nalunaarasuartaateqarnermi aqutsisut inatsisit tunngavigalugit akuersissummik pigisaqartup piumasaqaatai malinneqarnersut nakkutigissavaat. Nakkutilliinermi pulaartoqarsinnaavoq imaluunniit paasissutissat paasissutissiisussaataaffiusut qinnutigineqarsinnaallutik. Akuersissummik pigisaqartoq akuersissummi piumasaqaatigineqartunik malinninnersoq qulakkiivinniarlugu, nalunaarasuartaateqarnermi aqutsisut naammaattunik akuttussusilinnik nalunaarasuartaatitigut atassuteqarnermut atortut nalunaarasuartaatitigullu sullissinerit pitsaassusiannik Kalaallit Nunaanni pissutsit nunani allani pissutsinut naleqqiullugit naliliisassapput.

Tamatununga atatillugu aammattaaq atuisut pillugit misissuinerimik, pilersuisussaataitanerup annertussusiata naapertuilluarneranik takutitsinnaasumik ingerlatsisoqassaaq, kiisalu pilersuisussaataitaneq annikillisimappat annertusisimappalluunniit uppernarsaatissanik katersisoqassalluni.

Nr. 7

Nalunaarasuartaateqarnermi aqutsisut peqqussut taannalu tunngavigalugu maleruagassat piumasaqaatillu aalajangersarneqartut malinneqarnersut nakkutigissavaat. Nakkutilliinermi nalunaarasuartaateqarnermi nakkutilliisut najoqqutassanik, nakkutilliinerup ingerlanneqarnissaanut attuumassuteqartutut isumaqarfigineqartunik piniartassapput, tak. § 12.

Nr. 8

Nalunaarasuartaateqarnermi Aqutsisut Naalakkersuisut sinnerlugit aammalu danskit oqartussaasuunik suleqateqarlutik suliassat, nalunaarasuartaatitigut attaveqarnermi nunat tamat akornanni suleqatigifinnut, soorlu International Telecommunication Union-imut (ITU), International Telecommunications Satellite Organization-imut (ITSO) aamma European Regulator's Group-imut (ERG) attuumassutillit isumagissavaat.

Nr. 9

Nalunaarasuartaateqarnermi Aqutsisut Naalakkersuisut aamma danskit oqartussaasui suleqatigalugit Kalaallit Nunaata Danmarkillu akornanni attaveqatigiinnerit isumagissavaat ilaatigut pissutsit Nalunaarasuartaateqarnermut tunngasut pillugit ataatsimiisitaliakkt.

Danmarkip-Kalaallit Nunaatalu akornini nalunaarasuartaatitigut pissutsit pillugit Ataatsimiititaliamut Suliassat Allattorsimaffiat 11. agusti 1998-imeersoq kingusinnerusukkt 2017-imi allanguuteqartoq aallaavigalugu Danmarkimi Nukissiuutinut, Pilersuinnermut aamma Silap pissusaanut ministereqarfiup/Energistyrelsenip aamma Nalunaarasuartaateqarnermi Aqutsisut aamma Radioqarnermi Ingerlatsisut kiisalu Kommuninut, Nunaqarfinnut, Isorliunerusunut, Attaveqarnermut Inissianullu Naalakkersuisoqarfiup akornini isumaqatigiissut tunngavigalugu ataatsimiisitaliap susassaqarfiit uku isumagissavai:

- Nalunaarasuartaatitigut attaveqarnermi radiumillu ingerlatsinermi Nukissiuutinut, Pilersuinnermu aamma Silap pissusaanut ministereqarfimmut aamma Kalaallit Nunaanni Namminersorlutik Oqartussanut tunngassuteqartuni oqartussaaneermik isumaginninneq,
- naalagaaffiup iluani aamma nunat tamat akornini nalunaarasuartaateqarnermi maleruagassaliornermut tunngasut Kalaallit Nunaanni inatsisiliornermut oqartussaaneermillu ingerlatsinermut pingaaruteqarsinnaasut,
- nunat tamat akornini suleqatigiinnermi Kalaallit Nunaata soqutigisaanik isumaginninnermut tunngaviumik pissutsit,
- qammataasaqarneq pillugu tunngaviumik pissutsit Kalaallit Nunaannut pingaaruteqarsinnaasut,
- immakkt ajornartorsiulernermi isumannaallisaanermilu radio aallaavigalugu tunngaviumik pissutsit,
- ratiuumik ingerlatsinermi tunngaviumik pissutsit,
- naalagaaffiup immikkoortuisa akornini inuiaqatigiinnut pingaaruteqartumik attaveqatigiinnerup qularnaarnissaa.

Suliassat ataatsimisitaliap suliassaanik allattorsimaffimmiittunut ilaanngilaq ataatsimiisitaliap ilaasortaasa akornini uklluinnarni suliassanik ingerlaavartumik ingerlatsineq sularisaraa.

Imm. 3-mut

UKA 2017/109

KNIAIN - Suliaq normu: 2017 - 10397

Nalunaarasuartaateqarnermi Aqutsisut Ratiukkut attaveqaqatigiinnermik ingerlatsineq ingerlataarat. Ratiunut frekvensit pillugit Kalaallit Nunaannut inatsisip atuutilernissaa pillugu peqqussut nr. 38, 23. januar 2004-meersoq Kalaallit Nunaanni ratiunut frekvensinik atuinermut kiisalu ratiukkut aallakaatitanik tigooqqaanermut atuuppoq.

Namminersorlutik Oqartussat ilisimatusarnermut, teknologiimut ineriartortitsinermullu ministeriaqarfimmiit suliaqqineq naapertorlugi peqqussutip malinneqarneranik aqutsinissamut nakkutilliinissamullu aamma maleruqaqusanik taassuma atuutilerneratigut suliarineqartunik aqutsinissamut piginnaatitaapput (Kalaallit Nunaanni ratiunut frekvensinik atuinermut atatillugu akiliutit pillugit nalunaarut, akuersissummik pigisaqarluni ratiunik frekvensinik atuneq pillugu Kalaallit Nunaannut nalunaarut nr. 72, 13. januar 2005-imeersoq, akuersissummik pigisaqarani ratiunik frekvensinik atuneq kiisalu ratiomik atuisinnaanissamut misilitsinnerit kaldesignalillu il.il. pillugit Kalaallit Nunaannut nalunaarut nr. 73, 13. januar 2005-imeersoq, aamma Kalaallit Nunaanni ratiunut frekvensinik tamakkiisunik atuinermi killissarititaasunik aalajangersaasarneq ataatsimullu tullerriaarisarneq pillugu nalunaarut nr. 82, 13. januar 2005-imeersoq).

Taamatut suliaqqinerup kingunerisaanik Namminersorlutik Oqartussat ilaatigut (Radiomik Ingerlatsivik):

- Kalaallit Nunaanni frekvensinik atuinissamut akuersissutinik tunniussisarnerat, taamatuttaaq taamaaliornermut akiliutissanik akiliisitsisarnerat,
- kalerrisaarutinik kinaassutsimullu ilisarnaatit normuinik tunniussisassapput,
- nammineq kajumissutsimik ratiomik atuisartunut aamma nammineq kajumissutsimik ratiomik atuisartunut qaammataasamik atuinermut akuersissutinik tunniussisassapput,
- peqqussutip taannalu tunngavigalugu allaffissornikkullu maleruqaqusalit malinneqarnerannik nakkutilliisassapput, kiisalu
- ratiup frekvensinik atuinermik misilitsinnissamut maleruagassanik aamma kalerrisaarutinik tunniussisarnermut atuinermullu maleruagassanik aalajangersaasassapput.

Ratiunik ingerlatsiviup, allaffissornikkut Nalunaarasuartaateqarnermi Aqutsisuni inissisimasup, ullumikkut radiukkut attaveqaqatigiittarnerup ingerlanneqarnera isumagisaraa. Siunnersuummi § 10, imm. 3-kkut ingerlatsineq taanna nalunaarasuartaateqarnermi aqutsisunut nuunniarneqarpoq. Tamatumani siunertaavoq ratiukkut nalunaarasuartaatigullu attaveqaqatigiittarnermut oqarsinnaatitaaffiit ataatsimut siunnerfeqartut kattunnerisigut ataatsimut sunniutissanik angusaqarnissaq.

Imm. 4-mut

Naalakkersuisut suliaqatut taaneqartut saniatigut suliaqanik allanik nalunaarasuartaateqarnermi aqutsisunut suliaqqinissamut piginnaatinneqarput. Piginnaatitsissut taanna oqarsinnaatitaaffiit

pitsaanerpaamik atorineqarnissaat siunertaralugu tunniunneqarpoq. Suliassat nalunaarasuartaateqarnermi suliassat allat suliassanut pissusissamisuuginnartumik ilanngunneqassapput.

Suliassat makku nalunaarasuartaateqarnermi aqutsisunut suliakkiissutigineqartarnissaat eqqarsaatigineqarpoq:

Ineqarnermut, Attaveqarnermut Avatangiisinullu Naalakkersuisoqarfiup allakkanut tunngasut isumagissavai, makku suliassarissallugit: allakkanut tunngasunik malittarisassiuussisarneq inatsisillu, kiisalu suliat aalajangersimasut ataasiakkaat sularineqarnerat pillugit Naalakkersuisunut siunnersuineq.

Ratiukkut tigooqqaanermi akornusersuutit sillimaffigineqarnissaat pillugu Inatsisartut inatsisaat nr. 11, 15. december 1987-imeersoq naapertorlugu Naalakkersuisut peqqussutip taassumalu atuutilerteratigut allaffissornikkut maleruagqusatut sularineqartut malinneqarnerannik nakkutilliinissamat piginnaatitaaffik Grønlands Televæsen-imut (maanna TELE -POST) suliakkiissutigisinnaavaat.

TELE-POST akuersissummik pigisaqartutut radiukkut tigooqqaanermi akornusersuutit sillimaffigineqarnissaannik suliakkerneqarpoq. Akuersissummik pigisaqartoq (TELE-POST) suliassamik isumaginninnissamik peqquneqarpoq, apparatit atortullu innaallagiamoortut qinngornerisa allatulluunniit innaallagissap sunniinerisa radiukkut tigooqqaanermut akornusersuinnginnissaat qulakkeerniarlugu. TELE-POSTip ilaatigut akornusersuineramik malugisaqartoqarnerani apparatinik atortunilluunniit akornusersuisunik pigisaqartoq/atuisoq peqqusinnaavaa apparati atortorluunniit maleruagassat malillugit iluarseqqullugu, tassunga ilanngullugu filtreriinissaq, assiaqqusiinissaq, frekvensimik allanngortitsinissaq imaluunniit atuineramik sivikillisitsinissaq eqqarsaatigalugu iliuuseqarnissaq, taamaalilluni ratiukkut fjernsynikkullu tigooqqaaneq akornusersugaanngitsoq qulakkeerneqassamat.

Nalunaarasuartaateqarnermi aqutsisut ratiukkut tigooqqaanermi akornusersuutit sillimaffigineqarnissaannut suliassaqarfimmik isumaginnittunngortinneqarnissaa pissusissamisuuginnassaaq.

Siuliani taaneqartut saniatigut suliassat allat nalunaarasuartaateqarnermi aqutsisunut nuunneqarsinnaapput, taakku sulianut pissusissamisuuginnartumik ilanngunneqarsinnaappata.

§ 11-mut

Aalajangersakkamut siunnersuummi ilaatigut siunertaavoq Naalakkersuisut nalunaarasuartaateqarnermi aqutsisunut ilitersuisussaataitaneranni nakkutilliinerup tamakkiisup pineqarnerata erseqqissarneqarnissaa. Taamaasillutik Naalakkersuisut oqartussat suliasanik aalajangersimasunik, imaluunniit suliarinninnernik aammalu sulianik ataasiakkaanik aalajangiisarnernik imaluunniit Nalunaarasuartaateqarnermi Aqutsisut nakkutilliinissamik pisussaanerannik isumaginninneq pillugu Nalunaarasuartaateqarnermi Oqartussanik suliarinninnissamik inassuteqarsinnaanngillat. Tassungattaarlu ilaapput suliasat aalajangikkanut ataasiakkaanut aalajangersimasunut attuumassuteqanngitsut, soorlu nalunaarasuartaateqarnermi aqutsisut nakkutilliinerminnut atatillugu paasiniagassanik misissoqqissaagassanillu aallartitsisarnerat. Taakkununga atasumik avataaniit inatsisilerituunut, aningaasaqarnermik ilisimasalinnut imaluunniit nalunaarasuartaateqarnermik ilisimasalinnut ikiortissarsiortarnerit, nakkutilliinerup pilersaarusiornissaanut ingerlannissaanullu suliasaqarfiup iluani akimuilluni isumaliutersuuteqarnerit. Nalunaarasuartaateqarnermi Oqartussat suliffiup iluani akimuilluni isumaliutersuutaanik pilersaarusiortarnerit, nakkutilliinernik ingerlatsinerit, kiisalu sammisanut tunngasunut toqqakkanut ilaalu ilanngullugit Nalunaarasuartaateqarnermi Oqartussattaq Naalakkersuisunut attaveqanngitsumik ingerlatsisinnaapput.

§ 12-mut

Aalajangersakkakut nalunaarasuartaateqarnermi aqutsisut akuersissummik pigisaqartumut nalunaarasuartaatigullu sullissinernik ammanerulersitsiviusuni sullissisunut paasissutissanik arlalippassuarnik piunasaqarsinnaanerata aalajangersarneqarpoq. Paasissutissat akuleriussapput, tassaassallutik ingerlatseqatigiiffik pillugu paasissutissat isertuunneqartussat, tak. § 13, aamma paasissutissat tamanut ammasumik politikikkikullu suliasaqartunut paasissutissiinermi atorineqartussat.

Kiisalu nalunaarasuartaateqarnermi aqutsisut paasissutissanik, nakkutilliisuusussaataitanermut atatillugu attuumassuteqartunik tamanik katersuisinnaassapput.

§ 13-imut

Aalajangersagaq atorlugu pinerluttulerinermut inatsimmi § 50-imut, 51-imut aamma 53-imut innersuussisoqarpoq.

Aalajangersakkap atuutilernerata nassatarisaanik piaaraluni nipangiussisussaataitanermik unioqqutitsineq kisimi pinerluuteqarnertut isigineqarpoq. Taamaattumik pineqaatissiisutaasinnaasumik aalajangiineq pinerluttulerinermik inatsit naapertorlugu pissaaq.

§ 14-imut

Nalunaarasuartaateqarnermi aqutsisut nakkutilliinermik isumagisaqarnerat eqqarsaatigalugu qilersorsimannigsumik inissisimanerup nassataanik nakkutilliinerup isumagineqarneranut tunngatillugu nalunaarasuartaateqarnermi aqutsisut Naalakkersuisullu akunnerminni attaveqartussaannngillat, tassunga ilanngullugu nalunaarasuartaateqarnermi aqutsisut tamatumunnga atatillugu aalajangiineri. Taamaattumik Naalakkersuisut pingaartumik nakkutilliinermut atatillugu pissutsinik, Naalakkersuisut ilisimassallugit soqutigisinnaasaattut nalilerneqartunik nalunaarasuartaateqarnermi aqutsisunit ilisimatinneqarnissartik pisariaqartissinnaavaat, soorlu:

- Suliart nukunginnartut, § 15, imm. 2 naapertorlugu ukiumoortumik nassuiaateqarnissamut utaqqissunneqarsinnaanngitsut
- Aalajangiinerit, Kalaallit Nunaanni nalunaarasuartaateqarnermut inuiaqatigiinnullu tamakkiisunut annertuunik kinguneqarsinnaasut
- Nunap iluani nunallu tamat akornanni nalunaarasuartaateqarnermi atugaalersut, siunissaq ungasinnerusiq eqqarsaatigalugu nalunaarasuartaateqarnerup niuerutigineqarnerata ilusilersugaaneranut sunniuteqartussatut naatsorsuutigineqarsinnaasut.

Ilisimatitsinissamut qanoq annertutigisumik pisariaqartitsisoqarnerisut Nalunaarasuartaateqarnermi Aqutsisut nalilersuissapput tassungalu suliniuteqarlutik. Ammanissaq pisariaqartinneqartoq qulakkeerniarlugu paasissutissiisarnerup allakkatigut pisarnissaa siunnerfigineqarpoq, taannalu oqaluinnarluni paasissutissiinermik ilaneqarsinnaavoq.

§ 15-imut

Imm. 1-imut

Siunnersuutigineqartutut nalunaarasuartaateqarnermi aqutsisut nakkutilliinerminnut atatillugu namminneerlutik politikikkikullu suliassaqarfinnut assigiinnigitsunut soqutigisaqartunut attuumassuteqanngitsumik aalajangersinnaavaat, nakkutilliinerminnut atatillugu suliamut attuumassutilinnik qanoq annertutigisumik suliassaqarfinnilu suni paasiniagassanik misissugassanillu sunik aallartitsissanerlutik. Nalunaarasuartaateqarnermi Aqutsisut akit, pitsaassutsit, atuisullu kissaataannut paasissutissanut attuumassutillit tamaasaa katersortarpaat nalunaarasuartaateqarfiup tulluurtumik akuttussuseqartumik tuniniaanissamik nittarsaassisarnerit-aammalu niuerfinnik misissueqqissaarnerit ingerlattarpai.

Paasiniaanerit misissuinerillu taakku nalunaarasuartaateqarnermik suliqaarfimmit aningaasalersorneqassapput, tassanilu sulineq isertitanit matussuserneqartussaq pineqarpoq. Ukiut tamaasa ukiut siuliini naatsorsuutit tunngavigalugit naliliinikkut tassunga aningaasalersuutissanik nalunaarasuartaateqarnermi aqutsisut missingersuutaannut aningaasanik immikkoortitsisoqartassaaq. Aningaasat qanoq amerlatigisut atorneqarsinnaanersut Inatsisartut

Aningaasanut Inatsisaanni ingerlatsinermut aningaasaliissutit aqutugalugit aalajangerneqartassapput, tassanilu taamaalilluni ingerlatsinermut aningaasartuutitut aningaasaliissutit killilikkat pineqarput. Tassalu nalunaarasuartaateqarnermik suliaqarfik suliassamut tassunga akiliisitsisarnikkut aningaasalersuisassaaq, tak. § 26, imm. 1. Akiliutissap annertussusissaa Inatsisartut Aningaasanut Inatsisaannut oqaasertaliussinikkut aalajangerneqartassaaq.

Imm. 2-mut

Tamatuma saniatigut nalunaarasuartaateqarnermi aqutsisut suliassaqarfiit ajornartorsiuteqarfiusulluunniit paasiniagassat misissugassalluunniit, immikkoortortanit annertunerusumik aningaasaliissuteqarfigineqartariaqartutut pisariaqartitsiviusut pillugit Naalakkersuisunut siunnersuuteqarsinnaapput.

Imm. 3-mut

Misissugassat paasiniagassallu nalunaarasuartaateqarnermi aqutsisut nakkutilliinermiinnut atatillugu imm. 1 naapertorlugu namminneerlutik ingerlaavartumik isumagisaasa saniatigut, siumut isigisumik nalunaarasuartaateqarnermilu politikki siunnerfigalugu paasiniaanernik misissuinernillu aallartitsisarnissaannik Naalakkersuisut nalunaarasuartaatigut aqutsisunut pisussaaffiliisinnaanissaat aalajangersakkami siunnersuutigineqartumi siunertarineqarpoq.

§ 16-imut

Nalunaarasuartaateqarnermi Aqutsitut Naalakkersuisunut ukiumut nalunaarusiortassapput, makkuninnga imaqartunik:

- suliat tamakkiisut, tassunga ilanngullugu maannamut nakkutilliinermi suliaasimasut naliliiffigineqarneri aammalu siunissami tamatuma isumagineqarnerani eqqarsaatersuutaasinnaasut, kiisalu
- misilittakkat, nalunaarasuartaateqarnermi aqutsisut nalunaarasuartaateqarnermik suliaqarfimmi inatsisitigut tunngaviusunut tamakkiisunut tunngatillugu, aammalu inassutit, tamatuma allanguiffiginissaanik ilaartorneqarnissaanillu pisariaqartitsinerusinnaasunik tunngaviliisinnaasut pissarsiarisimasaat.

Suliat akimorlugit paasiniaanermi misissueqqissaarnermilu, nalunaarasuartaateqarnermi aqutsisut ukiup ingerlanerani nakkutilliinermiinnut atatillugu aallartissimasaannut inerniliussassatut inassutissatullu tunngaviliisinnaasut tassunga ilanngunneqarnissaat pissusissamisuuginnassaaq.

Nalunaarusiat tamanut saqqummiunneqarnissaannik pisussaattitsisoqanngilat.

§ 17-imut

Imm. 1-imut

Naalackersuisut nalunaarasuartaateqarnermi maalaaruteqartarfimmik pilersitsinissaat siunnersuutigineqarpoq. Maalaaruteqartarfiup pilersinneqarnerani siunertarineqarpoq akuersissummik pigisaqartut, nalunaarasuartaateqarnermi tuniniagaqartut pilersuisussaataa'anermillu tuniniagaqartut nalunaarasuartaateqarnermi aqutsisut aalajangiineri pillugit maalaaruteqartarfimmut sulianik paasisimasalimmut, suliap suliarineqarnissaanut pingaarutilinnik ilisimasalimmut allaffissornikkut maalaaruteqarnissamut periarfissinneqarnissaat. Nalunaarasuartaateqarnermi maalaaruteqartarfik sulinerminni Naalackersuisunut, nalunaarasuartaateqarnermi maalaaruteqartarfiup suliainik isumaginninneranut ilitsersuisussaataa'angitsumut attuumasuteqassanngilaq.

Nalunaarasuartaateqarnermi maalaaruteqartarfiup suliakkiissutigineqartunik suliaqarnera pillugu tunngaviumik inatsimmi § 63 naapertorlugu eqqartuussivimmut misiliinissaq mattunneqanngilaq.

Imm. 2-mut

Aalajangersakkami aalajangerneqarpoq maalaaruteqartarfik ataatsimik siulittaasoqassasoq, marlunnik ilaasortaqaassasoq aammalu ataatsimik amerlanerusunilluunniit siulittaasumut sinniisusaqassasoq. Ilaasortat marluk aningaasaqarnermik nalunaarasuartaateqarnerullu teknikkimut tunngasortaanik ilisimasaliussapput. Tamanna maalaaruteqartarfiup atuunnissaanut pingaaruteqarpoq, ammanerulersitsisoqassappat suliat nalunaarasuartaateqarnerup teknikkimut tunngasortaanut aningaasaqarnermullu tunngasunik pisariusunik imaqarnissaat naatsorsuutigineqarmat.

Imm. 3-mut

Siulittaasoq ilaasortallu allat marluk ukiuni marlunni atuuttussatut toqqarneqartassapput, qinigaqqittoqarsinnaassalluni.

Imm. 4-mut

Nunap eqqartuussisuunerata Nakkutilliisoqarfiup siulittaasusnaanik taassumalu ataatsimik arlalinnilluunniit siulittaasup tullisnaanik toqqaanissamut siunertaasoq tassa, siulittaasumik qinersineq Namminersorlutik Oqartussat allaffissornikkut politikikkikullu aaqqissugaaneranniit attaveqanngitsuitinniarlugu. Nalunaarasuartaateqarnermi maalaaruteqartarfimmut siulittaasutut toqqarneqartoq inatsisilerinermi soraarummeersimassaaq. Nalunaarasuartaateqarnermi maalaaruteqartarfiup sullissivittut eqqartuussivimmut assingusutut, eqqartuussiviit nalinginnaasut saniatigut qinigassatut allatut ingerlanissaa siunertarineqarmat, siulittaasutut toqqarneqartup sapinngisamik Danmarkimi eqqartuussisumik toqqaaniarnermi piumasarineqartutut piginnaaneqassaaq misilittakkatigullu tunngaveqarnissaa piumasarineqarpoq.

Imm. 5-imut

Imm. 5-mi aalajangersarneqarpoq Nalunaarasuartaateqarnermi Maalaaruteqartarfimmut ilaasortat marluk Kalaallit Nunaanni nalunaarasuartaateqarnermik suliaasaqarfimmit innersuussisoqarneratigut Naalakkersuisunit toqqaarneqassasut. Toqqaaneermi najukkami suliatigut soqutigisanut attuumassuteqannginnissaq pingaartinneqassaaq, taamaattumillu ilaasortanik Kalaallit Nunaanni najugaqanngitsunik toqqaasarnissaq pisariaqalersinnaalluni. Suliaqarfinnut kattuffimmik innersuussisinnaasumik soqanngippat, Naalakkersuisut suliaasaraat suliffeqarfinnut nalunaarasuartaateqarnermik suliaqartunut naammattumik amerlassusilinnut innersuussititsiniarlutik saaffiginnissallutik. Nalunaarasuartaateqarnermi suliaasaqarfittut pineqartut tassaapput suliffeqarfiit, niuernikkut annertunerpaamik nalunaarasuartaatitigut attaveqaqatigiinnermik ingerlatitseqqittarnermik imaluunniit nalunaarasuartaatitigut attaveqaqatigiinnermut atortunik sanaartornermik ingerlatsinermillu suliaqartut.

Naalakkersuisut ilaasortassanik, nalunaarasuartaateqarnermik suliaqartunit innersuunneqarsimanngitsunik toqqaasinnaangillat.

Imm. 6-imut

Imm. 6-imi Naalakkersuisut suleriaasissamut maleruagassiornissamik pisussaaffilerneqarput. Suleriaasissami ilaatigut ataatsimiigiaqqusisarnermut, ataatsimiinnerit imaqarniliornerinut aamma maalaaruteqartarfimmiit tunuarnermut maleruagassanik aalajangersaasoqassaaq.

Imm. 7-imut

Imm. 7-imi Naalakkersuisut allattoqarfittut ikiuuttussanik atugassiisarnissamut pisussaatinneqarput. Allattoqarfittut ikiorsiisarnermi maalaaruteqartarfiup ataatsimiinnissaannut piareersarnerit ingerlatsinerillu suleqataaffigineqartassapput. Tamatumani siunertaavoq allattoqarfiup maalaarutininik, nalunaarasuartaateqarnermi maalaaruteqartarfiup oqartussaaffiitut ilaangitsunik itigartitsisinaanissaat, tak. § 18, imm. 1-imut oqaaseqaatit. Kiisalu allattoqarfiup maalaaruteqartarfimmi aalajangiinerit malitseqartinneqarnissaat isumagisussaavaa.

Maanna allattoqarfimmik pilersitsisoqarnissaa naatsorsuutigineqanngilaq, tassami allattoqarnermi sulisussat naatsorsuutigineqarmata Atuisartoqarnermut Unammilleqatigiinnermullu Aqutsisoqarfiup ataani sulisunit inuttaqarnissaa.

*§ 18-imut***Imm. 1-imut**

Aalajangersakkami maalaaruteqartarfiup suliassai pingaernerit aalajangersarneqarput. Nalunaarasuartaateqarnermi maalaaruteqartarfiup nalunaarasuartaateqarnermi aqutsisut § 10, imm. 2, naapertorlugu aalajangiineri pillugit maalaarutit suliarisassavai.

Tamatuma nassatarisaanik nalunaarasuartaateqarnermi maalaaruteqartarfiup allattoqarfiata maalaarutit, maalaaruteqartarfiup oqarsinnaatitaaffiunut ilaanngitsut itigartissinnaavai, tassunga ilanngullugit maalaarutit, nalunaarasuartaateqarfimmi aqutsisunit suliarineqarsimannngitsut. Allattoqarfiup itigartitsineranut maalaarutit tamanna maalaaruteqartumit kissaatigineqarpat nalunaarasuartaateqarnermi maalaaruteqartarfimmut ingerlatinneqarsinnaapput. Tunniussisoqassappat maalaarut allattoqarfimmut isumagisassanngortinneqassaaq.

Imm. 2-mut

Aalajangersakkami allassimavoq nalunaarasuartaateqarnermi maalaaruteqartarfiup pissutsit imm. 1-imi taaneqartut pillugit maalaarutinut aalajangiinerisa maalaaruteqartarfimmut saqqummiunneqarnerminniit kingusinnerpaamik qaammatit pingasut qaangiunnerini piareersimanissaat anguniarneqartassasoq.

Imm. 3-mut

Sullissineq allakkatigut pisassaaq. Suliap suliarineqarnissaanut piareersarnermi allattoqarfiup paasissutissat, nalunaarasuartaateqarnermi maalaaruteqartarfiup aalajangiinissaanut pingaaruteqarsinnaasut suliamut ilaanissaat isumagisassavaa.

§ 19-imut

Aalajangersakkami Naalakkersuisut maalaaruteqartarfiup sulineranut aalajangersakkanik tamanut matussutissiisinaasunik aalajangersaasinnaanerat inatsisitigut tunngavilerneqarpoq.

Naalakkersuisut nalunaarasuartaateqarnermi maalaaruteqartarfiup suliassanik sunik suliaqarsinnaaneranut aalajangersaasinnaassapput. Assersuutigalugu Naalakkersuisut maalaaruteqartarfimmi siunnersuisarnerit ilanngullugit isumagineqartarnissaannut maleruagassanik aalajangersaasinnaapput, tassunga ilanngullugit misissueqqissaarnerusinnaasunik paasiniaarnerusinnaasunillu inassuteqarnerit, kiisalu inatsisinik allannguinerusinnaasunik inassuteqarnerit.

Piginnaatitsinerup nassatarisaanik Naalakkersuisut ukiumoortumik nalunaarutit ilusissaannut imassaannullu maleruagassanik aalajangersaasinnaapput. Assersuutigalugu nalunaarasuartaateqarnermi aqutsisut nalunaarusiornissaanut maleruagassiortoqarsinnaavoq, tassanilu pineqassapput:

- suliat suut nalunaarasuartaateqarnermi maalaaruteqartarfimmut ingerlatinneqarsimanersut pillugit nassuiaat
- nalunaarasuartaateqarnermi maalaaruteqartarfiup sulianut maalaaruteqartarfimmut ingerlatinneqarsimasunut, aammalu innersuussutinut, tamatuma allannguiffigineqarnissaanut ilaneqarnissaanullu pisariaqartitsilersinnaasunut tunngatillugu misilittagaat, kiisalu
- nalunaarasuartaateqarnermi maalaaruteqartarfiup aalajangiineri tunngaviugalugit inerniliinerit innersuussutillu.

Taagukkat tamakkiisuunngillat.

Pisariaqartinneqassappat naalakkersuisut missingersuutinut naatsorsuutinullu maleruagassanik aalajangersaasinnaassapput.

Naalakkersuisut Nalunaarasuartaateqarnermut Aqutsisoqarfimmit aalajangikkamut maalaarummik piffissaliussaasut iluanni nalunaarasuartaateqarnermi maalaaruteqartarfimmut ingerlatitseqqissinnaanissamut maleruagassanik aalajangersaasinnaapput. Piffissaliunneqartut malinneqanngippata nalunaarasuartaateqarnermi maalaaruteqartarfiup maalaarut itigartissinnaavaa. Kisiannili maalaarutit suli eqqartuussivinnut suliakkiissutigineqarsinnaassapput.

Aammattaaq Naalakkersuisut maalaarutinik Nalunaarasuartaateqarnermi Maalaaruteqartarfimmut tunniussinermut akitsuusiisarneq pillugu maleruagassanik aalajangersaasinnaassapput. Tamatumunnga tunngavigineqartoq tassaavoq, nalunaarasuartaateqarnermi maalaaruteqartarfiup suliassanik soqutaarpiannngitsunik suliaqartarnissaata siunertaannginnera. Nalunaarasuartaateqarnermi maalaaruteqartarfik pingaartumik sulianik pisariusunik, nalunaarasuartaateqarnermi teknikkimut tunngasunik angisuunik annertuunillu kinguneqartussanik isumaginnittussat pilersinneqarpoq. Taamatuttaarlu maalaarut tamakkiisumik ilaannaasumilluunniit taparserneqarpat akiliutit utertinneqarnissaanik Naalakkersuisut aalajangiisinnaanerannut inatsisitigut tunngavissiiisoqarpoq.

§ 20-mut

Aalajangersagaq aqqutigalugu nalunaarasuartaateqarnermi maalaaruteqartarfiup akuersissummik pigisaqartumit, pilersuisussatitaaffiusunik tuniniagaqartunit aamma sullississutinik tuniniagaqartunit paasissutissanik, aalajangiinissaq eqqarsaatigalugu attuumassuteqartutut naliliiffigineqartunik katersisinnaanerat aalajangersarneqarpoq.

Paasissutissat akuleriillutik tassaassapput ingerlatseqatigiiffik pillugu paasissutissat isertuunneqartussat, tak. § 21, aamma paasissutissat tamanut ammasumik politikikkullu suliaqarfimmut paasissutissanik saqqummiussinissamut atugassat.

§ 21-mut

Der er med bestemmelsen henvist til §§ 50, 51 og 53 i kriminalloven. Aalajangersakkap atuutilernerata nassatarisaanik piaaraluni nipangiussisussaataitanermik unioqqutitsineq kisimi pinerluuteqarnertut isigineqarpoq. Taamaattumik pineqaatissiissutaasinnaasumik aalajangiineq pinerluttulerinermik inatsit naapertorlugu pissaaq.

§ 22-mut

Aalajangersakkami erseqqissarneqarpoq nalunaarasuartaateqarnermi maalaaruteqartarfiup aalajangiineri allaffissornermik oqartussaasunut allanut ingerlateqqinneqarsinnaanngitsut. Taamaattorli aalajangiinerit inatsimmi tunngaviusumi § 63 naapertorlugu tamatigut eqqartuussivinnut suliakkiissutigineqarsinnaapput, taamaattorli tak. imm. 2.

Imm. 2-mut

Imm. 2 naapertorlugu suliamik eqqartuussivimmud tunniussineq aalajangiinerup pineqartumut nalunaarutigineqarneraniit kingusinnerpaamik sapaatit akunnerisa arfineq pingasut qaangiunnerini pissaaq. Tamatumunnga tunngavigineqarpoq illuatungeriit aalajangiineq malillugu iluarsiinissamut periarfissaqarnissaat, taamaalillutillu aalajangiinissamik piffissami sivisuumi annaasaqaatigisaminnik utaqqinnginnissaaq.

§ 23-mut

Kapitalimi aalajangersakkami siunertaavoq atuisut tamarmik piumasaqaatit naammaginatut akillu naammaginatut atorlugit nalunaarasuartaateqarnermi sullissinernik nalinginnaasunik atuisinnaanissaasa qulakkeerneqarnissaa. Sullissinerit akilerneqarsinnaasunik akeqartillugit aammalu pitsaassuserititaq atorlugu atuisartunut atuisunullu atugassiissutigineqartassapput.

Naalackersuisut nalunaarasuartaatitigut sullissinerit, ullumikkut innuttaasut amerlanersaanit anguneqarsinnaasut, soorlu oqaluussinerit, bredbåndit mobiltelefonimillu atuinertit tunngavigalugit pilersuisussaataitaaffiusussanik aalajangersaanissamut piginnaatinneqarput.

Pilersuisussaataitaaneq tunngavimmigut nalunaarasuartaatitigut sullissinernik nalinginnaasunik eqimattakkaanut suliaasaqarfinnulluunniit, niuernermi qilersorsimannngitsumi nalunaarasuartaatitigut sullissinernik nalinginnaasunik tuniniaaffigineqarsinnaanngitsutut qularnaateqanngitsunut tuniniagaqarnissamik qulakkeerisussaavoq.

Tamatut pineqartut uninngaannartuunngimmata, sullississutit nutaat ima atungaanerulersimanersut, allaat pilersuisussaataitanermut ilannguttariaqalerlutik akuttunngitsumik naliliiffiqartariaqartassaaq.

Imm. 1-imut

Naalackersuisut nalunaarasuartaatitigut sullissinerni assigiinngitsuni pilersuisussaataitanermi tuniniagaqartussanik assigiinngitsunik toqqaasinnaapput.

Naalackersuisut pilersuisussaataaffinnik tuniniagaqartussanik toqqaaniarnerminni ingerlatseqatigiiffik imaluunniit ingerlatseqatigiiffiit toqqarneqartut toqqaanermi niuernikkut nuimasutut inissisimareersut pingaartittassavaat. Aalajangersakkamissaaq pilersuisussaataaffiusut tamakkiisut ilaannik, soorlu oqarasuaatikkut oqaluussisarnernik nalinginnaasunik, isumagisaqartussatut pilersussaataaffinnik tuniniagaqartumik ataatsimik, sullissinernillu allanik pilersuisussaataaffinnik tuniniagaqartussamik allamik toqqaasinnaaneq periarfissinneqarpoq.

Akuersissutit pillugit aalajangersakkat akuersissummik pigisaqartup Kalaallit Nunaat tamakkerlugu assigiinnik atugassaqartitsilluni nalunaarasuartaatitigut sullissinernik tuniniagaqarnissamut pisussaaffilerneqarneranik imaqarput. Naalackersuisut taamatuttaaq kiffartussinernik pilersuisussaataaffiusunik aalajangernermikkut taakkununngalu piumasaaqateqarnermikkut, kiisalu pilersuisussaataitanermik tuniniagaqartussamik toqqaanermikkut innuttaasut nalunaarasuartaatitigut sullissinernik nalinginnaasunik atuisinnaanissaat qulakkeerniarpaat.

Nr. 1

Aalajangersakkami Naalackersuisut sullissinerit suut pilersuisussaataaffiqeassanersut pillugu aalajangiinissamut piginnaatinneqarput. Nalunaarasuartaateqarnermi kiffartuussinernik § 2 naapertorlugu ammanerulersitsisoqassappat, akuersissuteqarnermut aalajangersakkat imaariartortussaapput.

Sullissineq pilersuisussaataaffiussanersaq pillugu aalajangiinermi sullissineq tamanut siaruarneqarsimanersaq, aammalu inuiaqatigiinnut aningaasaqarnikkut pingaaruteqarnersaq pingaartinneqassaaq. Sullissinerit annertuut tassaasinnaapput sullissinerit Namminersorlutik Oqartussat kisermaassineranit peerneqarsinnaasut, tak. § 2, imm. 1 aamma 2. Tamatuma saniatigut eqimattakkaanut killilinnut immikkut ittumik pilersuisussaataaffissanik aalajangersaasoqarsinnaavoq, tassalu assersuutigalugu innarluutilinnik, nuna tamakkerlugu normunik paasiniaavimmiit aamma nunani allani normunik paasiniaavimmit annertuumik atuuffeqartumiit sullissinerit pilersuisussaataaffinngortinneqarsinnaallutik. Teknologii mut tunngassuteqartut ineriartorerisa ilutigisaanik sullissinernut pilersuisussaataaffiussunut piumasaaqatit allanngortinneqartarsinnaassapput.

Nr. 2

Imm. 1, nr. 2-mi aalajangersagaq sullissinerit atortullu suut pilersuisussaataanermit sullissivinnut ataasiakkaanut killilerneqarnissaannut tunngaviliisuusaaq.

Nr. 3

Kiisalu Naalackersuisut nalunaarasuartaatitigut sullissinerni pilersuisussaataaaffiusuni pilersuinermit pisussaaffeqarnerup sukumiinerusumik killilerneqarnissaanut maleruagassiornissamut piginnaatinneqarput. Aalajangersakkami pilersuisussaataaneq illoqarfiup nunaqarfiullu killeqarfiisa avataanni atuutissanersoq pillugu maleruagassiornissamut tunngaviliisuusaaq.

Siunnersuutigineqarpoq Naalackersuisut pilersuisussaataanermik pisussaaffiup sukumiinerusumik killilerneqarnissaanut maleruagassiornissamut piginnaatinneqassasut. Najugaqarfiit avinngarusimasut, illoqarfiit nunaqarfiillu killeqarfiisa avataanniittut pilersorneqarnerat inuiaqatigiinnut akisoorsuummat, pilersuisussaataanermik aningaasartuutit aalajangersimasunik amerlassusilikkanik atuisup nammineerluni akiliinissaanik piumasaqaateqarfiusumik aalajangersaasoqarsinnaavoq. Tamatuma kingunerisaanik savaatillit, tuttuutillit, outfitterit, piniariartarfiit assigisaallu avinngarusimasuniittut nalunaarasuartaatinut atortulersuutit pilersinneqarnerini taakkununga aningaasartuutit amerlassusissaattut killiliussaq sinnerlugu amerlassuseqarpata aningaasartuutit sinneri namminneerlutik akilertassavaat. Aatsitassarsiortut nunaqarfiit illoqarfiillu avataanniittut pilersuisussaataanermut ilaatinneqassanngillaq.

Imm. 2-mut

Aalajangersakkami pilersuisussaataanerup kingunerisai suunersut aalajangersarneqarput. Tassalu pilersuisussaataanermit pilersuinissamut pisussaaffik pingaarnertut inissisimavoq, tamatumalu kingunerisaanik sullissinerit pilersuisussaataanermut ilaatinneqartut Kalaallit Nunaanni atuisumut kimulluunniit, tamanna pillugu qinnuteqartumut aammalu imm. 1, nr. 2 aamma 3 naapertorlugit piumasaqaatit aalajangersarneqarsimasinnaasunik naammassinnittumut atugassiissutigineqarsinnaapput.

Inunnit piareersimaffigineqarsinnaanngitutut ittunik pilersuisussaataanerup naammassineqarnissaanut ajornarsititsisunik pisoqarsinnaavoq, tassani assersuutigalugu pisut, pilersuisussaataanermik tuniniagaqartup sulisuisa suliumajunnaarnermut ilaanerat ima annertutigisimappat, allaat pilersuisussaataanermik tuniniagaqartup nammineq sulisuni atorlugit pilersuisussaataanermik naammassinnissinnaajunnaarluni, teknikkikkut aningaasaqarnikkullu. Taamatut pisoqarnerani suliani ataasiakkaani naliliineq apeqquataassaaq.

Kiisalu pilersuinissamik pisussaaffeqarneq maleruagassani piumasaqaatinilu killissarititaasut, pilersuisussaataaaffiusumik tuniniagaqartumit aalajangersarneqartut iluanni taamaallaat atuutissaaq. Tassalu pilersuinissamik pisussaaffeqarneq pisuni tamaginni pinngitsoorani pisussatut

isigineqassanngilaq, pilersuisussaataaffiusumik tuniniagaqartoq assersuutigalugu piumasaqaatit maleruagassallu taaneqartut naapertorlugit qularnaveeqqusiiffigineqarnissamik il.il. piumasaqarsinnaassammata.

Pilersuisussaataaernerik aalajangersarneqartumik naammassinninnginnermi akiliisitsineramik pineqaatissiisoqarsinnaavoq, tak. § 34.

Imm. 3-mut

Pilersuisussaataaneq piusuusaartitsinerinnaassanngippat, Naalackersuisut sullissinerlut pilersuisussaataaffiusunut akinik aalajangersaanissamut piumasaqarsinnaassapput.

Aalajangersakkami matumani anguniagaanngilaq Naalackersuisut pisuni tamani sullissinerni pilersuisussaataaffiusuni akinik akuersissarnissaat, kisiannili piffissami aalajangersimasumi sullissinerni pilersuisussaataaffiusuni akit qanoq qaffatsigisinnaanannut qummut killiliisoqarsinnaavoq. Taamatullu sullissinerit pilersuisassaataaffiusut tuniniarneqarnerini akit annerpaaffissaannik aalajangersaasoqarsinnaalluni. Akinut qaffaatissanut akillu annerpaaffissaannut qummut killiliinermi pilersuisussaataaffiusunik tuniniagaqartup niuernikkut atugassarititaasut malillugit suliaqarsinnaanerannut periarfissat sapinngisamik eqqarsaatigineqassapput.

Akinik qaffaanissamut annerpaaffiliinermi aninillu annerpaaffiliinermi sapinngisamik annertunerpaamik pilersuisussaataaffiusunik tuniniagaqartup niuernerpalaartumik atugassaqartinneqarluni niuernissaa periarfissinneqassaaq. Akit atuisunut akinik nalilersuutinut naleqqiussat malillugit akinik annerpaaffiliinissaq periarfissat ilagisinnaavaat, periaaserlu taanna nunanit allanit ilisimaneqarpoq, taannalu akinut ataasiakkaanut qaffaataasinnaasunut annertunerpaaffiliinikkut ilassuteqarsinnaavoq.

§ 24-mut

Naalackersuisut sullissinerni pilersuisussaataaffiusuni ammanerulersinneqartuni akinut annerpaaffissanik aalajangiinerat ingerlatsiviup pilersuisussaataaasup sullissinerup amigartooruteqarfiunissaanik tunngavissalimmik naatsorsuutiginninnermik kinguneqarpat, ingerlatseqatigiiffik ukiumut missingersuusiorfiussamut tullermut siumoortumik pilersuisussaataaernermi amigartoorutit taakku utertinneqarnissaannik Naalackersuisunut qinnuteqarsinnaavoq. Qinnuteqaat sullissinerlut missingersuutinut uppernarsaatinik naammaginartunik tunngavilersorneqassaaq, tassanilu naatsorsuusiortarnermut tunngavissat Naalackersuisunit aalajangersarneqarsimasut tunngavigineqassapput. Utertitassat inaarutaasumik aalajangiiffigineqarneranni naatsorsuutit inaarutaasut tunngavigineqassapput.

Pilersuisussaatitaanermi naatsorsuutit isertitanik, sullissinerpiami akigititaasut annerpaaffissaattut akuerineqartut iluanni, tassalu akikillisaatit, akinut appaatit assigisaallu eqqarsaatiginagit anguneqarsimasunik tunngaveqassapput. Ilaassutitut sullissinernit imminnut qanitariittunit isertitat ilanngunneqassapput, soorlu telefonbogip saqqummersinneqarnerani pilerisaarutinit isertitat. Aningaasartuutit naatsorsuusiormi periaatsit tunngavigineqassapput, tassanilu pigisat nalillit nalikilliliiffigineqartarput aningaasallu atorineqartut (pigisat nalillit nalikilliliiffigineqarnerminni nalingannut innersuussilluni) niuernermit erniat tunngavigalugit erniaqartinneqartarlutik, aammalu aningaasartuutit tamakkiisumik agguagaasunut periaaseq malillugu toqqaannartumik toqqaannangitsumillu ingerlatsinermut aningaasartuutit ilaqartinneqartarlutik, tassanilu pineqanngillat qullersaqarfinni suliassanik ingerlatsinermut, pilerisaarusiormut, pilerisaarinermit ineriartortitsinermullu aningaasartuutit.

Pilersuisussaatitaanermi sullissinernut ammanerulersinneqartunut tunngatillugu Naalakkersuisut aalajangiisinaapput:

- akinut qaffasinnerpaaffissat atuuttut qaffanneqassasut, siunissami pilersuisussaatitaaffiusuni amigartoorutaasartussat nungutinniarlugit, imaluunniit
- pilersuisussaatitaaffiusuni amigartoorutit isorartuumut attaveqaatinik, tassalu radiokædemik qaammataasamillu aamma immakkut kabelimik atuinermi kaaviiartitaqarfiusussami pilersuisussaatitaanermut akiliuteqartitsisarnikkut aningaasalersorneqassasut, imaluunniit
- taakku marluk atornerisigut.

Ungasissumut attaveqarnermi pilersuisussaatitaanermut akitsuut Nalunaarasuartaateqarnermi Aqutsisut pillugit akitsuusersuinermit akilertarneratut assigissavaa.

Pilersuisussaatitaanermi akitsuutip akileqquneqartup annertussusaanik ukiumi ataatsimi pilersuisussaatitaanermi amigartoorummit annerulersimappat Naalakkersuisut piginnaatitaapput sinneqartoorutit ukiup tullianut aningaasanut atungassanngorlugit illikartissinnaanissaannut, aningaasat sinneruttut siunissami pisariaqartinneqarumaartunut akiligassanut/akitsuummumut akilerneqarnissaannut ilanngaatigineqartussanngorlugit. Akiligassat akileqquneqartut (ukiup siuliani sinneruttut ilanngullugit) pilersuisussaatitaanermi amigartoorutinit minneruppata akiligassat sinneri pilersuisussaatitaanermik neqerooteqartartumut tunniuttussanngortinneqassapput siunissamilu akiligassanut/akitsuummumut akiligassiinissamut ilanngunneqassallutik.

Pilersuisussaatitaanermut akitsuutip eqqunneqarnerani piumasaqaataassaaq pilersuisussaatitaanermut kiffartuussinerit akuersissuteqarluni tunniunneqartartut siunissami amigartoorutaasanninnissaat, tak. kiffartuussinerit allanit aningaasaliiffigisarnissaannik periaatsip atorunnaarsinneqarnera. Taamaammat akuersissuteqarfiusuni pilersuisussaatitaanermi amigartooruteqartoqarsinnaangilaq.

Imm. 1-imut

Aalajangersakkami matumani tuniniagaqartut pilersuisussaatitaanermik pisussaaffiligaasut suliassatut pisussaaffiliussap imaluunniit pisussaaffiliussat ingerlanneqarnerinut amigartoorutinut uppersarsarneqarsimasunut matussusiivigineqarsinnaanerit aalajangersarneqarpoq.

Amigartoorutit matussusiivigineqartussatut piumasaqarfigineqartut tassaassapput, nalunaarasuartaateqarnermi sullissinerni pilersuisussaatitaaffiusumi pineqartuni sullissinermut amigartoorutit tamakkiisut.

Imm. 2-mut

Aalajangersakakkut Naalakkersuisut imm. 1-imi taaneqartunik amigartooruteqartoqarsimaneranut uppersarsaasiinissaq eqqarsaatigalugu pilersuisussaatitaaffiusunik tuniniagaqartunut piumasaqaatinik maleruagassiornissamut tunngavissinneqarput. Assersuutigalugu amigartoorutit naatsorsuutini kukkunersiuisunit atsiorneqarsimasuni, matuma siuliani aalajangersakkamut matumunnga nassuiaatinut tunngavissamol malinniffiusuni uppersarsarneqarsimassapput.

Naalakkersuisut tamatumani pilersuisussaatitaanermi amigartoorutaasinnaasunik naatsorsuinissamut atugassatut tunngavissarpianik maleruagassiuussisinnaanngillat. Taamaattumik tamanna pillugu maleruagassat imm. 5 tunngavigalugu aalajangersarneqarnissaat siunnerfigineqarpoq.

Imm. 3-mut

Aalajangersakkami tassani aalajangersarneqarpoq nalunaarasuartaateqarnermi aqutsisut Naalakkersuisut imm. 5 naapertorlugu maleruagassiaat tunngavigalugit, aammalu imm. 2-mi tunngavigalugu maleruagassani piumasarineqartutut uppersarsaatissanik saqqummiussereernerimikkut uppersarsaatissat saqqummiunneqartut amigartoorutinut aningaasaliinissamut tunngaviliisunik angusaqarfiusunillu saqqummiussisoqarneris pillugu aalajangiisassasut. Nalunaarasuartaateqarnermut Aqutsisoqarfiup aalajangiinera Nalunaarasuartaateqarnermi maalaaruteqartarfimmut saqqummiunneqarsinnaavoq.

Imm. 4-mut

Aalajangersakkami erseqqissarneqarpoq pilersuisussaatitaanermi tuniniagaqartoq suliassaqarfimmi ammanerulersinneqartumi pilersuisussaatitaanermi amigartoorutinut matussusiivigineqarnissaq pisinnaatitaaffigigaat

Imm. 5-imut

Naalakkersuisut imm. 5 tunngavigalugu amigartoorutit qanoq naatsorsorneqassanersut, naatsorsukkat taamaattut saqqummiunneqarnissaannut piffissaliussat, tamatuma kingorna akiliutissanik akiliisitsiniarnissaq tamannalu pillugu piffissaliussat pillugit sukumiinerusunik aalajangersaasinnaapput. Tassanilu allassimassaaq akiliutissat nalunaarasuartaateqarnermi

malittarisassiussisartunut akilerneqassasut, tamatumalu kingorna tassanngaanniit amigartoorutitut aningaasaliissutissat pilersuisussaataaffiusunik tuniniagaqartumut akilerneqassasut. Periaatsip tamatuma aamalu akiliutissap annertussusissarpiaata aningaasanut inatsisikkut aalajangerneqarnissaata kingunerisaanik, pilersuisussaataaffiusumik tuniniagaqartup amigartoorutitut aningaasaliiffigineqarnissamut pisinnaatitaaffeqarfigisaata paasineqarneraniit tamatumunnga akiliinissap tungaanut piffissamik kinguaattoortoqassaaq. Sullississutinik tuniniagaqartut ataasiakkaat aningaasaqarnerannik tunngavissamik ilisimaneqartumik qulakkeeriniarluni, ukiut aningaasaliiffiusut ataasiakkaat sioqqullugit akiliutissap ilisimaneqarnissaa piumasarineqarpoq, taamaattumillu amigartoorutitut aningaasaliinermi pisariaqarpoq ukiup aningaasaliiffiusup aallartinnginnerani missingersuutit aqutigalugit pilersuisussaataaffiusuni amigartoorutissat nalunaarutigineqartarnissaat.

§ 25-imut

Imm. 1-imut

Aalajangersakkakut pilersuisussaataaffiusuni atuisunik immikkut illersuinissamik atuutsitsisoqalernissaa ajornarunnaarsinneqarpoq. Tassani piunasaqaatit nalinginnaasut pitsaassutsumillu piunasaqaatit sukannernerusumik maleruagassiuunneqarnerat pineqarpoq. Pilersuisussaataaffiusunik tuniniagaqartut aamma maleruagassanik, nalunaarasuartaateqarnermi sullissinerinik tuniniagaqarnermut maleruagassanik tamakkiisunik aalajangersaaffiusunik malinnittussaapput, tak. § 28.

Atuisunik illersuinermi ilaatigut pineqartut tassaasinnaapput:

1) tunngaviusumik sullitanut tungassutilinni suniluunniit ilaatinneqassapput allaganngorlugu isumaqatigiissummik, isumaqatigiissusiornissamut piunasaqaatit minnerpaaffissaat, tuniniaasup paasissutissiinissamut pisussaaffii, kiisalu isumaqatigiissutip imasaanut isumaqatigiissummilu piunasaqaatinut piunasaqaatit minnerpaaffissaat, tassunga ilanngullugu piffissaq qilersorsimaffiusoq, akinik piunasaqaatinillu allannguinermi siumoortumik ilisimatitsisarneq, qulanaveeqqusiineq, atusup tungaaniit sumiginnaasoqarneranut atatillugu atorunnaarsitsineq attaveerinerlu pillugit isumaqatigiissutinut piunasaqaatit imaasa minnerpaaffissaannut piunasaqaatit,

2) terminalimi atortunut attaviliinissamut atuinissamullu piunasaqaatit minnerpaaffissaat, aamma teknikkikkut tunngaviusunik immikkut ittunik atugassiinissamut akuersissutit,

3) atuisunut piginnaanernik atortunillu immikkut ittunik atugassiusassaataaneq, tassunga ilanngullugu piginnaanerit atortullu taakku atuisumut akeqanngitsumik

atugassiissutigineqarsinnaanerit, aamma piginnaanerit atortullu taaneqartut pillugit atuisumut ilisimatitsinissaq, kiisalu

4) immikkut ittumik atuisut ataatsimoortut pisariaqartitaannik naammassinninnissaq, taakkununga ilaallutik innaarluutillit.

Maleruagassat aalajangersakkanik, atugassarititaasut nalinginnaasut, pilersuisussaataitaasup inaarutaasumillu atuisup akornanni atuuttussat imaannut piumasagaatinik immikkut ittunik imaqarsinnaapput.

Siunnersuutigineqarpoq allaffissornikkut maleruagqusanik aalajangersaanikkut iluarsisoqassasoq, taakkulu malinneqarnissaat nalunaarasuartaateqarnermi aqutsisut nakkutilliisuuffigissavaat. Allaffissornikkut maleruagqusat aalajangersarneqarnerini pilersuisussaataitaaffiusunik tuniniagaqartut atuisunut isumaqatigiissutaanni piumasagaatit minnerpaaffissaat taakkulu imassaat aalajangersarneqassapput.

Atuisut maleruagqusanik malinninnginnermi tamanna pillugu nalunaarasuartaateqarnermi aqutsisunut maalaaruteqarsinnaassapput.

Allaffissornikkut maleruagqusat imassaat eqqarsaatigalugit tuniniaasup atuisullu akornanni isumaqatigiissutinut piumasagaatit imaritinneqartussat minnerpaaffissaannik aalajangersaasoqarsinnaavoq, aammattaaq tak. § 28. Assersuutigalugu piumasagaatit minnerpaaffissaannik aalajangersaasoqarsinnaavoq:

- tuniniaasoq sullissinermik naammassinninngippat taarsiinissamut utertitsillunilu akiliinissamut aqqissuussineq,
- sumiginnaanermut atorunnaarsitsinermullu maleruagassat, kiisalu
- isumaqatigiissummi piumasagaatinik atorneqartunut tamanut saqqummiussinissamik piumasagarneq.

Tamatuma saniatigut allaffissornikkut maleruagqusani sullissinerit tuniniarneqartut pitsaassusissaannut piumasagaatit minnerpaaffissaat ilaatinneqarsinnaapput. Tamatumunnga piumasagaatit tunngavimmikkut minnerpaamik maanna pitsaassuseritinneqartut ataannarnissaasa qulakkeerneqarnissaat eqqarsaatigalugu aalajangersarneqartariaqarput.

Imm. 3-mut

Naalakkersuisut atugassarititaasut nalinginnaasut Nalunaarasuartaateqarnermut Aqutsisoqarfimmit akuerineqarsinnaaneritut maleruagassanik aalajangersaasinnaapput. Aalajangersakkami atuisunut piumasagaatit siumoortumik akuerineqarnissaat pillugit maleruagassiornissamut

periarfissiisoqarpoq. Taamaaliortoqassaaq atuisunut annerpaamik paasiuminarsaanissaq qulakkeerniarlugu. Tamatumunnga atatillugu aamma atuisunut piumasaqaatit akuerineqartarnerinut sukumiinerusunik maleruagassiornermi nalunaarasuartaateqarnermi aqutsisut tamatuminnga akuersissuteqarnissaminnut atuisuni oqartussaasunut tusarniaasinnaanerat ilaatinneqarsinnaavoq, tamatumani pissutsit nalunaarutikkut, peqqussut manna tunngavigalugu suliarineqartukkut immikkut maleruagassiuunneqarsimanngippat.

§ 26-imut

Nalunaarasuartaateqarnermik suliassaqarfiup nalunaarasuartaateqarnermi aqutsisut, nalunaarasuartaateqarnermi maalaaruteqartarfik pilersuisussaataitanermilu amigartoorutaasinnaasut aningaasalersussavai. Periaaseq taanna nunarsuarmi annertuumik atugaavoq. Ungasianiit attaveqaqatigiinneq tassaavoq illoqarfiit nunaqarfiillu akornanni, kiisalu nunanut allanut aamma nunanit allaniit nalunaarasuartaatitigut attaveqaqatigiinneq.

Imm. 2-mut

Akiliutissap annertussusissaa Inatsisartut Aningaasaqarnermut Inatsisaatigut aalajangerneqartassaaq. Akiliut amerlasuukkaaraluni tuniniagaqarnermi isorartuumut attaveqaqateqartarnermut akiliutit akilersinneqartassaaq, taamaalilluni allaffissornikkut aningaasartuutit ikilisarneqassammata, tamatumalu peqatigisaanik sullississutininik tuniniagaqartut tamarmik assigiimmik tassunga tapersiisassallutik. Akiliutit nalunaarasuartaateqarnermi aqutsisut aamma nalunaarasuartaateqarnermi maalaaruteqartarfiup missingersuutaannut immikkoortillugit matusissutissatut, aammalu pilersuisussaataitanermi amigartoorutaasinnaasunut immikkoortillugit matusissutissatut ersarissumik agguarneqarnissaat naleqquttutut isigineqarpoq. Pilersuisussaataitanermi amigartooruteqarneq Isorartuumut attaveqaqateqartarnerup immikkoortuinut assigiinngitsunut akinik assigiinngitsunik aalajangersaasoqarsinnaavoq.

§ 27-mut

Atuisunut illersuinermut tunngatillugu nalunaarasuartaatitigut attaveqaqatigiinnermut attaveqaatinik atuinissamik atuisunullu nalunaarasuartaatitigut sullissinernik tuniniagaqartunut piumasaqaatit minnerpaaffissaannut maleruagassanik atuutsitsisoqalissasut siunnersuutigineqarpoq. Inatsimmi atuuttumi Naalackersuisut sullissinerni akuersissuteqarfiusuni atuisunut piumasaqaatit akillu akuerisarpaat, atuisullu taamaalillutik paasissutissinneqarnissamut kifartuunneqarnissamullu minnerpaaffissanik qulakkeeriffigineqarsimallutik.

Naalackersuisut Inatsisartunit piginnaatinneqarnermik kingorna Namminersorlutik Oqartussat nalunaarasuartaateqarnerup ilaanik ammanerulersitsissappata, atuisut ataasiakkaat illersorniarlugit

ataatsimut maleruagassanik, tuniniagaqartut tamarmik malitassaannik minnerpaaffiliinissamik piomasagaarnissaq pisariaqartinneqalissaq.

Siunnersuummi annertuunerusumik iluarsaassinissaq nalunaarutitut nuunneqarpoq, iluarsanneqartut atuisunut tuniniakkanik nutaanik ineriartortitsinermut atatillugu nassaarsiullaqqissutsimut nutaaliornissamullu naapertuutsinniarlugit.

Aalajangersakkami nalunaarasuartaatitigut atassuteqarnermut atortunik nalunaarasuartaatitigullu sullissinernik tuniniagaqartunut piomasagaatit minnerpaaffilerneqarnissaasa periarfissinneqarnissaa qulakkeerneqarpoq. Tamatuma ataani aamma maleruagassanik, "sumiiffiup iluani atassuteqaatit" taaneqartartunik, "tunuani" imaluunniit atuisutut normuni pineqartumi ikkussuunneqarsimasunik piginnittunut tunngatinneqartunik maleruagassiornissamut tunngaviliisoqarpoq, tassunga assersuutigalugu ilaallutik suliffeqarfiup ataatsip iluani nunap immikkoortuini arlalinni immikkoortortat arlallit akornanni nalunaarasuartaatitut atortut atortullu nuussisarfiit. Tassani sullissinerit nutaat atuutinneqalernerat ilutigalugu atuisinnaatitaanermut piomasagaatit assinginiq pisussaaffiliinissamut periarfissaqartitsisoqarpoq.

Piomasagaatitut minnerpaaffiliussami pineqartumi atuisut tamarmik akeqanngitsumik kalerrisaarivimmut, minnerpaamik nuna tamakkerlugu normunik paasiniaavimmut, siulianilu taaneqartut taamaaqataannut inuiaqatigiinnut pingaarutilinnut allanut pilersinneqarsimasinnaasunut sianersinnaanissaat qulakkeerneqassaaq.

§ 28-mut

Imm. 1-imut

Aalajangersakkami matumani siunertarineqarpoq nalunaarasuartaatitigut sullissinerit atuisunut neqeroortigineqartut malittarisassiunneqartarnerisa assigiinngisinneqarsinnaanissaat, taamaalilluni malittarisassiarineqartut ilaat taamaallaat nalunaarasuartaatitigut atassuteqarnermut atortunik nalunaarasuartaatitigullu sullissinernik tuniniagaqartunut, pingaartumik atuisunit inuussutissarsiutinik ingerlataqanngitsunit atugassatut aalajangerneqarsimasunut atorneqarsinnaassallutik. Tamanna aalajangersakkat ilaasa taamaallaat atuisunut inuussutissarsiutinik ingerlataqanngitsunut atorneqarnerisigut pisinnaavoq, piomasagaatillu atuisunut inuussutissarsiutinik ingerlataqartunut tunngatillugu atunngitsuuinneqarsinnaapput, imaluunniit isumaqatigiissusiornikkut atuuttussaatinneqannginnerminni aatsaat atorneqarsinnaassallutik. "Inaarutaasumik atuisoq" § 4, imm. 3-mi nassuiarneqarpoq.

Tamatuma saniatigut assigiinngisitsinerup nalunaarutikkut malittarisassiunneqarnissaa siunertarineqarpoq, taamaalilluni tamatuma ilaa taamaallaat atuneq malillugu akeqartitsiviusuni nalunaarasuartaatitigut sullissinernik tuniniagaqarnermut atorneqassalluni.

Siunertarineqarpoq nalunaarutikkut malittarisassiuussinerup tunngavimmigut tamanut atuutsinneqarnissaa, sullissinermi pineqartumi neqeroorutaasup suunera apeqqutaatinnagu. Tassalu tunngaviatigut malittarisassaq nalunaarasuartaatitigut sullissinernut tamanut atuutissaaq, taakkununga ilaallutik oqarasuaatikkut oqaluussisarnerit, ISDN-ikkut sullissinerit, Internetinut sullissinerit il.il.

Imm. 2-mut

Nr. 1

Aalajangersagaq ilaatigut sullitanut atassuteqarnerni suniluunniit tunngavittut allaganngorlugu isumaqatigiissusiornissamut maleruagassiornissamut atorineqarsinnaavoq.

Tamatumunnga atatillugu ilaatigut isumaqatigiissusiornierpiaq qanoq ingerlassanersoq pillugu aammalu atuisut peqqissimisinnaatitaanerit pillugu aalajangersaasoqarsinnaavoq.

Allaganngorlugu isumaqatigiissuteqarnissamut piunasaqarnermut tunngatillugu tamatuma eqaannerusumik naammassineqarnissaanut periarfissiisumik maleruagassiorortoqarsinnaavoq, assersuutigalugu isumaqatigiissusiaq tamanna toqqissisimanartumik pisinnaassappat atortut elektroniskiusut atorlugit suliarineqarsinnaavoq, assersuutigalugu atsiornermik elektroniskiusumik atuinikkut.

Tamatuma saniatigut pissutsit suut allaganngorlugu isumaqatigiissummut ilaatinneqassanersut minnerpaaffissaannik aalajangersaasoqarsinnaavoq, tassunga ilallugu isumaqatigiissutit tamarmik paasissutissanik makkununga tunngasunik imaqaarnissaat:

- akit,
- tunniussinissamut piffissaliussat,
- pitsaassutsip sullissinerullu qaffasissusia,
- sullissinernut atortunullu tapertat atuisunut neqeroorutigineqartut,
- sullississutissatut isumaqatigiissutigineqartup naammassineqannginnerani sullitanut taarsiissuteqarnissamut akilikkanillu utertitsinissamut aqqqissuussinerit,
- atuisup tungaaniit sumiginnaasoqarsimatillugu atorunnaarsitsinissamut attaveerneqarnissamullu piunasaqaatit,
- atuisup tungaaniit akiliinngitsoornerup kingunerisaanik isumaqatigiissummi piunasaqaatinut minnerpaaffiliineq, tassunga ilanngullugu pingaartumik sullitamik taamaatitsinissamik attaveersinissamilluunniit killissarititaasut.

Aammattaaq nalunaarutikkut malittarisassiuussinermi piumasaqaatigineqarsinnaavoq, isumaqatigiissutit atorpeqartut qularnaveeqquusiinissaq, isumaqatigiissuteqarnermi piffissat pituttorsimaffiusut, akinik piumasaqaatinillu allannguissamut, sullissinermik pineqartumik attaveersinissamut il.il. atatillugu siumut ilisimatitsinissamut maleruagassat, aamma tuniniagaqartup suliaasaqarfii taakku pillugit paasisutissiisusaataitanera pillugit paasisutissanik imaqqassasut.

Nalunaarasuartaatitigut sullissinermik ataatsimik attaveersinissamut nalunaarummi maleruagassani ilaatigut piumasarineqarsinnaavoq, peqquserlunneq eqqarsaatigissanngikkaanni, kingusinaarluni akileeqattaarnermi akiliinngitsooqattaarnermiluunniit tunngaviatigut sullissineq aamma/imaluunniit atuineq pineqartoq (akilerneqanngitsoq) taassumaluunniit ilaa kisimi attaveerneqarsinnaasoq, aammalu nalunaarasuartaatitigut sullissinerusinnaasut allat aammattaaq atuisup pineqartup atuisuuffigisai pineqaratik.

Taamaattumik nalunaarutikkut malittarisassiuusserup ilaatigut kingunerisaanik, tuniniaasup oqarasuaammut attaveqaammut ataatsimut tunngatillugu sumiginnaanermi oqarasuaammut attaveqaatit sullitap pineqartup pigisinnaasai allat attaveersinnaangilai. Tamatumunnga pingaartumik atassuteqaammik aalaakkaasumik atuisup inuuneranut pingaaruteqartut tunngavigineqarput, taassuma ataani oqarasuaatip pisortat kalerrisaariviannut atassuteqaataanera.

Aalajangersagaq manna tunngavigalugu nalunaarasuartaatitigut atassuteqarnermut atortunik nalunaarasuartaatitigullu sullissinernik tuniniagaqartup isumaqatigiissutini piumasaqaatit siumoortumik akuerisassanngorlugit nalunaarasuartaateqarnermi aqutsisunut saqqummiussinissaa piumasarineqarsinnaassanngilaq, taamaattorli tak. § 25, imm. 3-mi pilersuisusaataaffiusunik tuniniagaqartut isumaqatigiissutini piumasaqaataannut tunngasoq pillugu matumunnga tunngavigineqartoq.

Nr. 2

Aalajangersakkami Naalakkersuisut atassusiineq terminalinullu atortunik atuineq, aammalu teknikkikkut atassusiivinnik immikkut ittunik atugassiisarneq pillugu piumasaqaatinik minnerpaaffiliiffiusunik maleruagassiornissamut tunngavissinneqarput, tamatuma ataani tuniniaasut apeqquteqarfigineqarnerminni nalunaarasuartaatit teknikkimut tunngasortaanik apeqquteqarfigineqarnerminni ersarissumik paasisutissiinissamut pisussaaffeqarnera.

Nr. 3

Aalajangersakkami pisortat nalunaarasuartaatitigut atassuteqarnermut atortuinik nalunaarasuartaatitigullu sullissinernik tuniniagaqartut ingerlatseqatigiiffiup pisortat nalunaarasuartaatitigut atassuteqarnermut atortuinik nalunaarasuartaatitigullu sullissinernik tuniniagaqarnerminnut tamakkiisumut atatillugu sullissinernik atortuinillu immikkut ittunik arlaqartunik atuisunut neqerooruteqartarnissaannik maleruagassiornissamut

piginnaatitaaffiliisoqarpoq, tamatumani atortut sullissinerillu taakku akeqanngitsumik atugassiissutigineqarnissaat piumasarineqarsinnaalluni.

Tamatumunnga maleruagassiuussinermi pisortat nalunaarasuartaatitigut atassuteqarnermut atortuinik nalunaarasuartaatigullu sullissinernik atuisunut tuniniagaqartut aammattaaq atuisunut erseqqissumik atortut pineqartut taakkulu periarfissarititaat pillugit paasissutissiisarnissaannik piumasaqartoqarsinnaavoq.

Tassani sullissinerit atortullu pineqarput, soorlu akiligassat immikkoortortalersukkat, avammut sianernissat ilaannik matusinerit, nikerarnermut ingerlaavartumik nakkutilliineq, tassalu atuinerup qaammatip siuliani atukkanut naleqqiullugu procentinik aalajangersimasunik annertunerunnginnissanik nakkutilliinissamut isumaqatigiissuteqarnej, tamannalu pippat atuisumut kalerrineq, aammalu akiligassat katinernerinik nakkutilliinermik aaqqissuussinert, tassalu aaqqissiissinerit atuisup atugassatut naatsorsuutigisaasa annerpaaffilerneqarnerat, killissatut aalajangerneqartoq qaangerneqarpat atuisup kalerrinneqarneranik ilaqartinneqartoq.

Aalajangersagaq naapertorlugu sullissinernut atortunullu ataasiakkaanut immikkut piumasaqaatinik aalajangersaasoqarsinnaassaaq. Taamaattorli piumasaqaatit sapinngisamik eqaatsumik naammassininnaanermut periarfissanik ammaassisumik ilusilerneqarnissaat siunertarineqarpoq. Tassalu inatsisitigut tunngavissap atuutsinneqalerneratigut pingaartumik illersuinissamik siunertaq pingaarnej aallaavigineqassaaq.

Nr. 4

Aalajangersakkami Naalakkersuisut atuisunut tunisassiat, immikkut ittumik atuisut, taakkununnga ilaallutik innaarluutillit, pisariaqartitaannik naammassininnissaq eqqarsaatigalugu neqeroorutigineqartut pillugit nalunaarasuartaatitigut atassuteqarnermut atortuinik nalunaarasuartaatigullu sullissinernik tuniniagaqartunut immikkut ittunik piumasaqarsinnaanerat tunngavissiuunneqarpoq. Taakkununnga ilanngullugu pisinnaasat immikkut ittut, soorlu atuisuusutunut tusilartunut, isigiarsuttunut aalassarluttunullu.

Imm. 3-mut

Aalajangersakkami Naalakkersuisut isumaqatigiissutit assigiinngitsut, soorlu tuniniagaqartup atuisunut inuussutissarsiutinik ingerlataqartunut aammalu inuussutissarsiutinik ingerlataqanngitsunut isumaqatigiissutaasa akornanni assigiinngisitsisinnaanissaat erseqqissarneqarpoq. Assigiinngisitsineq aalajangersakkat ilaasa atuisunut inuussutissarsiutinik ingerlataqanngitsunut taamaallaat atuuttussaatinneqarnissaannut, imaluunniit aalajangersakkat ilaasa inuussutissarsiutinik ingerlataqartunut isumaqatigiissutini maleruagassiuussinermi piumasaqaatinik sanioqqutsisinnaanermut tunngasuusinnaavoq.

Assigiinngisitsineq atorneqarsinnaavoq, malittarisassiuussineq pineqartoq pingaartumik atuisunik inuussutissarsiutinik ingerlataqanngitsunik illersuerusunermik tunngaveqarpat, aammalu malittarisassamik pineqartumik atuneq aammattaaq atuisunut inuussutissarsiutinik ingerlataqartunut tunngatillugu nalunaarasuartaatitigut sullissinermi piumasaqaatit akillu pillugit atuisut piumasaannik pilersuinissaq ajornakusoortippassuk ajornarsisivissimalluguluunniit tamanna atuisunit soqutigineqanngippat.

§ 29-mut

Aalajangersakkami tuniniagaqartup nalunaarasuartaatitigut sullissinernut ataasiakkaanut akinik piumasaqaatinillu aalajangersaasarnerata siunertanut sullissinerit ataasiakkaat atorneqarfigisaannut attuumassuteqannginnissaat, aamma atuisup sullissinerup qinnutigineqartup saniatigut pisariaqartinneqanngitsunik tigusinissamut akiliinissamulluunniit pinngitsaalineqarneranik sunnuteqannginnissaat pillugu Naalakkersuisut maleruagassiornissamut tunngavissiuunneqarput.

§ 30-mut

Akiliilluni oqarasuaatit tassaapput akiliilluni oqarasuaatit tamanit atorneqarsinnaasut. Oqarasuaatit akiliilluni atorneqartartut aammattaaq innarluutilinnit atorneqarsinnaasunngorlugit inissiffissaannut ilusissaannullu piumasaqaateqartoqarsinnaavoq. Aalajangersakkap atuunneratigut aamma Naalakkersuisut telefonit akiliilluni atorneqartartut pillugit maleruagassiorsinnaaneritut inatsisitigut tunngavissiiisoqarpoq, tassanilu assersuutigalugu kalerriisarfimmut akeqanngitsumik sianersinnaanerup qulakkeerneqarnissaa piumasaqaatigineqarsinnaavoq, kiisalu akit assigisaasallu pillugit paasissutissanik oqarasuaatip akiliilluni atorneqartartup qanitaanut takussutissiinissaq piumasaqaatigineqarsinnaalluni.

§ 31-mut

Imm. 1-imut

Aalajangersakkap atuunneratigut nalunaarasuartaatitigut attaveqatigiinnermut atortunik pigisaqartut aamma nalunaarasuartaatitigut attaveqatigiinnermut atortunik imaluunniit nalunaarasuartaatitigut sullississutinik tuniniagaqartut akisussaapput, inuit attaveqatigiinnerat pillugu paasissutissat susassaqanngitsunit takuneqarsinnaannginnissaat qulakkiissallugu.

Taamaalilluni imm. 2-p, atuneq nalunaarasuartaatitigut attaveqatigiinnermut atortut aamma nalunaarasuartaatitigut sullissisutit aqutugalugit ingerlanneqartoq eqqarsaatigalugu isertuussisussaatitaanermik uniuinermut tunngasup aamma imm. 1-ip, paasissutissat oqaatigineqareersut susassaqanngitsunit takuneqarsinnaannginnissaannik qulakkeeriniarluni iliuuseqarnissamut tunngasup akornanni immikkoortitsisoqarpoq.

Aalajangersakkamik malinninngitsoornermi pillaatit akiliisitsinermik pineqaatissiisoqarsinnaavoq, tak. § 34.

Imm. 2-mut

Aalajangersakkami aalajangersarneqarpoq nalunaarasuartaatitigut atassuteqarnermut atortunik imaluunniit nalunaarasuartaatitigut sullissinermik piginnittut sulisuisalu paasissutissat nalunaarasuartaatitigut attaveqarnermut atortut imaluunniit nalunaarasuartaatitigut sullissineq aqcutigalugu sullissinermut atatillugu ilisimalikkatik akuerineqaratik ingerlateqqissanngikkaat atornerlussanagilluunniit. Taamatutaaq pineqartut paasissutissat oqaatigineqartut susassaqaqngitsunit pissarsiarineqarsinnaannginnissaat qulakkeerniarlugu iliuusissanik aalajangersaassapput.

Aalajangersakkami erseqqissarneqarpoq, inerteqquteqarneq aammattaaq nalunaarasuartaatitigut atassuteqarnermut atortunik imaluunniit nalunaarasuartaatitigut sullissinernik tuniniagaqartumi sulisumut sulisuusimasumulluunniit atuutissasoq.

Aalajangersagaq nalunaarasuartaatitigut atassuteqarnermut atortunik imaluunniit nalunaarasuartaatitigut sullissinernik tuniniagaqartuinnarnut tunngatinneqaqngilaq, aammali nalunaarasuartaatitigut atassuteqarnermut atortunik, nammineq atugassatut pilersinneqarsimasunik piginnittunut atuutissalluni, taassuma ataani aamma assersuutigalugu nalunaarasuartaatitigut atassuteqarnermut atortut, atuisut arlallit nammineq atugassamittut pilersissimasaat immaqalu aamma ingerlatsisuuffigisaat pineqarlutik.

Tamatuma saniatigut imm. 2-p attaveqarneq nalunaarasuartaatitigut atassuteqarnermut atortut nalunaarasuartaatitigullu sullissinerit pineqartut aqcutigalugit ingerlanneqartoq eqqarsaatigalugu tatiginassutsimik unioqqutsinermut tunngasup. paasissutissat oqaatigineqartut susassaqaqngitsunit pissarsiarineqarsinnaannginnissaat qulakkeerniarlugu iliuuseqarnermut tunngasup akornanni assigiinngisitsisoqarpoq, tak. imm. 1.

Atorfeqartut pisortat nalunaarasuartaatitigut atassuteqarnermut atortuinik nalunaarasuartaatitigullu sullissinernik piginnittunut naleqqiunneqarnerini, atorfeqavissut saniatigut inuit allat, atorfeqavinnngikkaluarlutik pisumi aalajangersimasumi naliliineq malillugu taakkununnga sanilliuunneqarsinnaasut, soorlu atassuteqaammik pigineqartumik ingerlatsisuugunik, taassuminnga nakkutilliisuugunik assigisaanilluunniit suliaqarunik tassani aamma pineqarput.

Nalunaarasuartaatitigut atassuteqarnermut atortunik nalunaarasuartaatitigullu sullissinernik atuisut allat pillugit paasissutissanik taakkuluunniit imaannik ingerlatitseqqittarneq eqqarsaatigalugu paasissutissat kukkunersiuisoqarfimmut, assersuutigalugu nalunaarasuartaatitigut atassuteqarnermut

atortunik nalunaarasuartaatitigullu sullissinernik piginnittoq imaluunniit nalunaarasuartaatitigut atassuteqarnermut atortunik nalunaarasuartaatitigullu sullissinernik tuniniagaqartoq sinnerlugu atassuteqaatit qularnaassusiannik assigisaannilluunniit misissuisumut ingerlatitseqqinneq unioqqutitsinerussanngilaq, tamatumani paasissutissat taamaallaat suliffeqarfiup iluani atornerqarnerat pineqarmat. Taamaalilluni ikiortit sulianik ilisimasallit taamaattut aamma paasissutissanik susassaqqanngitsunut ingerlatitseqqinnginnissamut pisussaaffiliinermut ilaatinneqassapput.

Aalajangersakkamik unioqqutitsinermi pillaatit akiliisitsinermik pineqaatissiisoqarsinnaavoq, tak. inatsimmi § 34.

§ 32-mut

Aalajangersakkami nalunaarasuartaateqarnerup iluani inuit pillugit paasissutissanik suliaqarneq aamma inuttut toqqissisimanissamik illersuineq pillugu Naalakkersuisut maleruagassiuussisinaanissaat tunngavissiuunneqarpoq, tassanilu ilaatigut nalunaarasuartaatitigut attaveqaqatigiinnermut atortut pisortanit pigineqartut iluanni nalunaarasuartaatitigut sullissinerit atornerqartut atugassiisutigineqarnerinut atatillugu inuit pillugit paasissutissat suliarineqarnerinut maleruagassat pineqarput, taassuma ataani paasissutissanik suliaqarneq toqqortaqaarnerlu pineqarlutik.

Kiisalu Naalakkersuisut maleruagassaliorinnaapput eqqartuussisut aggersaanermut atugassaminnik normunik isertortunik piniarsinnaanerannut tunngasunik. Siunertarineqarpoq eqqartuussivinnut atugassanik nalunaarasuartaatinik tunniussisinaanissaq, inuk isertortumik normoqaraluarpat kiisalu politiinut sianertut politiit inuit aqqanik najugaannillu ilisimatinneqarsinnaanerat. Siunertarineqarpoq aamma neqerooruteqartup inuit pillugit paasissutissat normullu isertortut tunniussinissamut piginnaatitaaffia pisussaataaffialu pillugit inatsisigut tunngavissinneqarnissaa, tamanna inatsisini allani tunngavissinneqareersimappat, matumani eqqartuussisarneq pillugu inatsimmi. Inunnut paasissutissanik normunillu isertortunik ingerlatitseqqinnissamut malittarisassani neqerooruteqartup paasissutissanik tunniussinissaanut killiini atugassanilu aalajangerneqassapput.

§ 33-mut

Imm. 1-imut aamma 2-mut

Aalajangersakkamik piginnaatitaaffiliisumik upalungaarsimanermi pisunilu immikkut ittuni allani nalunaarasuartaatitigut attaveqarnerup inuiaqatigiinnut pingaarutillip qulakkeerneqarnissaanut tunngasumik ilanngussisoqarnissaa siunnersuutigineqarpoq, tassanilu Naalakkersuisut maleruagassanik aalajangersaasinnaassapput. Aalajangersagaq taanna sorsunnerup nalaani

upalungaarsimanermut tunngasuuvoq, kisiannili aamma ajunaarnersuarnut pisunullu immikkut ittunut allanut, nalunaarasuartaatitigut atassuteqaatinut atortulersuutit artorsarnissannut ulorianartorsiorfiusunut tunngasuussalluni.

Naalakkersuisut ilaatigut ilaatigut ajungaarnernut annertunerusunut, ulussaarsuarnernut uleruloorneranullu pisunullu immikkut ittunut allanut atatillugu tamanut kalerrisaarinissaq, attaveqaqatigiinnermi salliutitsinerup ingerlanneqarnissaa il.il. eqqarsaatigalugit teknikkikkut atortut sulisullu upalungaarsimanissaannik pisariaqartinneqartumik qulakkeerinnissamut piumasqaammik imanilimmik aalajangersaasinnaassapput.

Naalakkersuisut malittarisassiuussinerat artukkiisoqassanngilaq, aammalu tamatuma kingunerisaanik ingerlatseqatigiiffiit assigiinnik tuniniagaqartut suliaqartulluunniit akornanni unammilleqatigiinnermik oqimaaqatigiinnngitsumik naapertuutinngitsumillu pilersorneqarneranik kinguneqartumik aalajangersarneqannginnissaa anguniarneqassaaq. Malittarisassanik aalajangiussanik atuutsitsinerumut atatillugu aningaasartuutit Nalunaarasuartaatitigut atassuteqarnernik nalunaarasuartaatitigullu kiffartuussinernik atassusiisartunit pineqartunit matussuserneqassapput.

Piginnaatitsissummi nalunaarasuartaatitigut atassuteqarnerumut atortulersuutinik nalunaarasuartaateqarnermilu sullissinernik tuniniagaqartut nalunaarasuartaatitigut upalungaarsimanissamut atatillugu pisussaaffiliisunik maleruagassiornissamut periarfissiisoqassaaq, tassanilu suliaasaqarfittut pingaarnertut pineqarput: 1) nalunaarasuartaatitigut atassuteqarnerumut atortulersuutinik nalunaarasuartaateqarnermilu sullissinernik tullerriaarineq, 2) nalunaarasuartaatitigut atassuteqarnerumut atortulersuutit nalunaarasuartaateqarnermilu sullissinerit timitaannik illersuineq, aamma 3) nalunaarasuartaatitigut atassuteqarnerup inuiaqatigiinnut pingaarutillip pilersinnissaanut piujuartinnissaanullu malittarisassat.

Imm. 3-mut

Imm. 2-mi piginnaatitsissuteqarnikkut nr. 1-imi pissutsinut taaneqartunut tunngatillugu pisortani oqartussaasut, kiisalu pisortat namminersortullu suliffeqarfiutaasa sullissiviutaasalu il.il. pisussaaffigisassaannik taakkununga assingusunik aalajangersaanissaq ajornarunnaarsinneqarpoq.

§ 34-mut

Aalajangersakkap oqaasertai allanngortinneqarput, pineqaatissiisarnermut aalajangersakkanut atuuttunut naleqquttunngortinneqarlutik.

Unioqutitsinerni pineqaatissiinernik toqqaaniarnermi annertussusiliinermillu Pinerluttulerineq pillugu inatsimmi malittarisassat malillugit pineqaatissiinerit aalajangerneqartassapput. Pineqaatissiineq ilaatigut tassaasinnaavoq akiliisitsineq.

Peqqussummi matumani maleruagassanik unioqutitsinerup kingunerisaanik pillaatitut akiliutissat annertussusilerniarneqarnerini pineqartup aningaasatigut iluanaarutigisimasai, iluanaarutissatut siunnerfigisai imaluunniit pineqartup aalajangersakkanik unioqutitsinermini soqutigisai immikkut isiginiarneqassapput.

Pineqaatissiinermik annertussusiliineq Pinerluttulerineq pillugu inatsimmi § 94-imik unioqutitsinermik Kapitali 24-imi pineqaatissiisutininik toqqaanermi annertussusiliinermilu aalajangersakkat malillugit aalajangersarneqartassapput.

Imm. 4-mut

Aalajangersakkami peqqussutit inatsit manna tunngavigalugu suliarineqartuni pinerluttulerinermi inatsisit naapertorlugu akiligassiinissamik aalajangiisinnaanermut inatsisitigut tunngavissamik aalajangersaasoqarpoq.

§ 35-mut

Imm. 1-imut

Tassani pinerluttulerinermut inatsit immikkut eqqumaffigineqassaaq, taannalu malillugu pigisat, inatsisinik unioqutitsisup inatsisit malillugit inuussutissarsiuutinik ingerlataqarneranut annertuumik pingaarutillit arsaarinnissutigineqarsinnaanngillat, tamatumani pisut immikkorluinnaq ittut pineqanngippata.

Imm. 2-mut

Imm. 2-mi qulakkeerneqarpoq arsaarinnissutit Nunatta karsianut tutsinneqartassat, pinerluttulerinermi inatsimmi piumasarineqartutut naalagaaffiup karsianut tutsinneqaratik.

§ 36-mut

Aalajangersakkakkut aalajangersarneqarpoq inatsit pineqartoq ulloq 1. januar 2018-imi atuutilissasoq.

Tamatuma peqatigisaanik nalunaarasuartaatigut attaveqatiginnermut nalunaarasuartaatitigullu kiffartuussinermut Inatsisartut peqqussutaat atorunnaarsinneqarpoq.

Taamaattorli nalunaarutit Inatsisartut peqqussutaat taaneqartut tunngavigalugit suliaasut immikkut tamarmik atorunnaarsinneqarnissamik allannguuteqartinneqarnissamilluunniit tungaanut atuutiinnassapput.

§ 37-mut

Inatsisartut peqqussutaata nr. 10-p, 28. oktober 1993-imeersup Inatsisartut peqqussutissaata matuma atuutlernissaata tungaanut danskit-amerikamiut illersornissamik suliaasaqarfiinut atuutiinnarnissaa aalajangersakkakut qulakkeerpeqarpoq, tak. imm. 2.

Imm. 2-mut

Siunnersuutigineqarpoq peqqussutissatut siunnersuut inatsit atuuttoq assigalugu danskit-amerikamiut illersornissamut suliaasaqarfiinut, Kalaallit Nunaanni illersornissaq pillugu isumaqatigiissut 27. august 1951-imeersoq naapertorlugu pilersinneqarsimasunut atuutsinneqalersinnaassasoq.